



Alfotels l'robrim









29477

A. XIXV.

453/A

5/6

*the*

STC. 761



63 Arist  
1a 22  
2977

PROBLEMA-  
TA ARISTOTELIS  
AC PHILOSOPHO-  
RVM MEDICO-  
rumque complu-  
rium.

Marci Antonij Zimarae Sanctipetrinae  
tis Problemata, vnà cum trecentis  
Aristotelis & Auerrois Propositioni-  
bus.

Item Alexandri Aphrodisei super  
Questionibus nonnullis Physicis  
Solutionum Liber, Angelo  
Politiano interprete.

LONDINI,  
Impensis Geor. Bishop.  
1583.

208-14/11

PROBLEMA

LA ARISTOTELIS

ARISTOTELIS

ARISTOTELIS

ARISTOTELIS

ARISTOTELIS

ARISTOTELIS

ARISTOTELIS

ARISTOTELIS

ARISTOTELIS

ARISTOTELIS

ARISTOTELIS

ARISTOTELIS

ARISTOTELIS

LONDINI

Impensis Geor. Baskin

1713.



# IN ARISTO-

TELIS AC PHILO-

SOPHORVM, ME-

dicorumque complu-

rium Problema-

ta, Præfa-

tiō.

**O**Mnes homines naturaliter scire dese-  
derant, ut scribit Aristoteles Prin-  
ceps Philosophorū, primo Metaphysi-  
cæ. Cuius causa potest reddi talis, quia  
omne ens naturaliter appetit suā per-  
fectionē, & similiter conatur simile fieri primo  
Enti, diuino & immortalī, inquantū potest. Sed  
sciētia est de perfectione intellectus; ergo omnes  
homines naturaliter scire desiderant. Rursus &  
alia ratio est; nam quodcunque ens naturaliter  
appetit bonum, ut se conseruare possit in rerum  
naturā, sed omnis notitia scientiam progignens est  
de numero bonorum honorabilium, ut patet pri-  
mo de Anima; ergo naturaliter omnis homo de-  
siderat scire, & ex consequenti omnis scientia (in-  
quantū intellectui humano capi potest) est appetē-  
da. Quāuis igitur qualibet sciētia sit perscrutāda,  
magis tamē illa, quæ est nobilior & cōmunior a-  
lijs sciētijs; sed philosophica sciētia cōfert maxi-

mas delectationes, ut patet decimo Libicorum  
ergo praeter ceteris sciētijs, philosophia diligentius  
est inquirenda, etiam propter alias causas. Nam  
praesens scientia, est similis scientia philosophi-  
ca: quia ipsa illustrat animā, ac oblectationem  
habet in vita, ut ait Aristoteles in libro de po-  
tento & morte: quia quae etiam intantum illu-  
strat hominem, ut ipsum primo Enti diuino,  
immortali similem facere labores, teste Seneca in  
epistola: hoc mihi philosophia promittit sum-  
mo perē, ut me Deo parem reddat. Liber igitur  
de animalibus, praesertim de corpore  
humano ex pluribus codicibus Pro-  
blemas colligere.



# PROBLEMA

PRIMUM EST

TALE.

*Queritur, quare inter omnia animalia lo-  
mo habet faciem versus cælum eleuatam?*

**R** Espondetur multipliciter: Primò,  
quod est ex voluntate ipsius crea-  
toris. Et quamuis illa responsio sic  
vera, non tamen videtur firma in  
proposito: quia sic facile est, omnia  
dissoluere.

Secundò respondetur, quod omnis arti-  
fex opus suum primum communiter facit  
deterius, & post hoc opus suum, secun-  
dum facit melius. Et sic Deus creauit bru-  
ta animalia primò, quibus dedit faciem  
depressam ad terram inclinatham, & secun-  
dò creauit homines, ut patet in Genesi,  
quibus dedit figuram honestam, & ad cœ-  
lum eleuatam. Sed illa responsio non vi-  
detur iterum valere ad propositum, ex quo  
est Theologica, & primò derogat bonita-  
ti Dei, quæ sua opera quantum est ex sua  
natura, semper facit bona.

Tertio respondetur, quod inter omnia

## ARISTOTELIS

animalia solus homo est ordinatus ad regnum coelorum, & ideo habet figuram eleuatam ad coelum, quia cōtemptis terrenis, contemplari debet cōlestia.

Quartò respondetur, quòd omnis rationalis, est similis intelligentiæ, & postremò in Deum ordinata, vt patet per Auerroem primo de Anima, Ergo habet figuram eleuatam sursum.

Quintò respondetur, quòd homo existit *puresuūque*, id est, minor mundus, sicut vult Aristoteles octauo Physicorum, ideo omnibus animalibus debet præcipere, & illi obediunt.

Sextò respondetur, & vltimò, quòd naturaliter cuiilibet rei & operi talis figura est computanda, quæ suo motui sit apta. Vt cœlo competit rotunditas, igni autem cōpetit figura pyramidis, quæ motui sursum est apta. Ergo rei bipedali, vt est homo, figura diametrica, & figura pyramidis est aptissima. Ergo inter oninia animalia solus homo capite est eleuatus.

*Quare caput animalium est pilosum?*

Respondetur secundum Constantinum, quòd pili sunt ornamenta capitis & cerebri, & cerebrum per generationes pilorum euacuatur à crassis vaporibus, à supremo vsque



## PROBLEMA TA.

vsque ad partes inferiores, qui exeunt per poros carnis exterioris, & exiccantur & in pilos cōuertūtur. Patet quia in toto homine nihil siccius pilis est, quia sicciore sunt ossibus, vt patet per Albertum Magnum : quia quēdam animalia nutriuntur ossibus, vt canes. Sed nullum animal potest digerere plumas vel pilos, quia indigesti eiiciuntur, & omnino sicci sunt, & inepti ad alimentum.

Secundò respondetur, quòd cerebrum quatuor modis purgatur. Primò, ab aquaticis humoribus superfluis, per oculos : à melancholia, per aures : à cholera, per nasum : à phlegmate, per pilos : & illa est intentio Medicorum.

*Quare homines habent longiores crines, in capite quàm cetera animalia?*

Respondetur secundū Aristotelem, tertio de Generatione animalium, quòd homo inter omnia animalia habet cerebrum humidissimum, à quo egreditur sudor, qui in crines longos capitis conuertitur.

Secundò respondetur, quòd humores in homine sunt pingues, non citò exiccabiles : ergo pili in eo prolongantur. In aliis autem animalibus humores sunt facillè exiccabiles, ergo cessat in eis prolongatio pilorum.

*Quaritur ad idem, quare in alijs animalibus pili solum insiguntur cuti, sed in homine profundius radican-  
tibus in cute?*

Respondetur, & ideo, quia plus in homine habent nutrimenti: ergo magis ad interiora prolongantur. Et hæc etiam est ratio, quare pili in alijs animalibus variantur ad variationem cutis, et non in hominibus, nisi aliquando in cicatrice.

*Quaritur, quare mulieres habent longiores crines quam viri?*

Respondetur, quia mulieres sunt humidiores quam viri, et magis phlegmaticæ: ergo in eis plus est de materia pilorum, et per consequens sequitur longitudo pilorum, & cum hoc talis materia cerebri magis augetur à mēbris interioribus, & maxime tempore menstrui, quia tunc materia ascendit, quod augetur humor pilorum. Vt dicit Albertus: Si pilus mulieris menstruosæ ponatur sub fimo, ex illo generabitur serpens venenosus.

Secundo respondetur, quia mulieres non sunt barbatae, sic materia barbæ transit in materiam pilorum.

*Quaritur, quare aliqui homines habent crines molles, & aliqui duros?*

Respon-

## PROBLEMAT A.

9

Respondetur secundum Aristotelem, quòd cutis pili, sunt termini analogi, modò quædam cutis est dura, quædam spissâ, quædam subtilis, & quædam crassa. Ergo pilus qui egreditur per poros superficiales crassæ cutis, fit crassus: et qui per poros subtiles, fit subtilis. Etiam quando pori sunt aperti, tunc exit multus humor, ergo pili duri generantur. Et ubi pori sunt angusti, ibi molles & subtiles crines generantur. Et hoc Aristoteles in hominibus declarat, huius signum habemus primò, quia mulieres habent molliores crines quàm viri, quòd contingit ex eo, quia in eis pori sunt clausi propter frigiditatem.

Secundò, quia cholericici sanè frequenter habent duriores & crassiores pilos alijs, propter caliditatem ipsorum, & in eis pori valdè sunt aperti: ergo etiam barbesunt præ alijs: Ergo Philosophus in Physiognomia: Et animalia duos crines habentia, sunt audaciora, quia tales pili ordinati sunt per calorem, & per choleram, & cholera semper facit pugnare. Etiam Aristoteles ponit exemplum de Urso & Apro. Ex opposito animalia molles crines habentia, sunt timida, quia frigida, ut Lepus & Cervus. Item Aristoteles dicit

A 5

aliam

aliam rationem molliciei, & duriciei pilorum. Quia in regione calida crassiores pili generantur, vt habent Aethiopes. Per oppositum est de regione frigida, vt versus Septentrionem.

*Quaritur, quare quidam homines habent crispes crines, & quidam planos?*

Respondetur, quod causa crispitudinis est superabundantia caloris, vt si in homine est multus calor, tunc generantur pili crispi, quia tunc mouetur sursum, & eius signum est, quod quando aliquis intrat balneum, habet crines planissimos, postea tamen acquirit alios crines crispes. Itaque balneatores frequenter habent crispes crines, similiter Aethiopes & cholericus. Sed causa planicie, est multa humiditas fumi, diametro tendens deorsum. Et huius signum est, quia mulieres frequenter habent planos capillos, quia sunt multae humiditatis, & paucae caliditatis.

*Quaritur, quare mulieres pubescunt circa aluum, & non alibi, sed viri in pectore barbesunt?*

Respondetur Medicè, quia in viris & mulieribus est fluentia humiditatis ibidem, & magis in mulieribus: quia in viris est os vesicae in illo loco, in quo tene-

ENT



## PROBLEMAT A.

11

tur vrina, ex qua generantur pili in pectore, & circa vmbilicum. Sed de mulieribus sic dicitur, quod humiditas vesicæ & matricis ibi coniungitur, ergo multus fumus ibi resoluitur, qui est materia pilorū, quia eodem modo fit sub humeris & in aliis locis hirsutis.

*Queritur, quare mulieres non barbescunt?*

Respondetur, quia in eis est defectus caliditatis, vt etiam in aliquibus viris effeminatis, qui sunt imberbes propter eandem causam, quia habent complexionem muliebrem.

*Queritur, quare suspensis crescunt crines?*

Respondetur, quia corpora eorum sunt exposita soli, qui calore suo totum humidum resoluit in fumum, ex quo generantur & augentur crines.

*Queritur, quare pili barbe sunt crassiores alijs, & quantò plus abraduntur, tantò plus crescunt?*

Respondetur per regulam Medicorum: Quantò plus de aliquo liquore humor separatur, tantò plus ad talem locum humor contrahitur. Ergo, quantò plus pili abraduntur, tantò magis ibi confluunt humores, & ex eis crines generantur, & ibidem indurescunt.

*Quaritur*

*Quæritur, quare mulieres sunt valde planæ  
& formosæ, respectu virorum?*

Respondetur secundum Aristotelem, primo de generatione animalium, Quia in mulieribus tota humiditas, & superfluitas, quæ est materia pilorum corporis, expellitur cum materia menstruali, quæ manet in viris, per vapores transiens in pilos. Et huius signum est, quia mulieres raro habent fluxum ex naribus vel apostemata, vel ulcera, quia talis materia eijcitur cum menstruo. Item illud signum quia videmus aliquas vetulas barbescere in senectute, scilicet post quadraginta vel quinquaginta annos cum cessant menstrua: ut dicit, Aristoteles nono de Animalibus. *omnia in p. 110. s. 110.*

*Quæritur, quare inter omnia animalia soli homines canescunt velut Prætoras, & Aristoteles primo de Generatione.*

Respondetur secundum Philosophum, quod canicies causatur in hominibus quia inter omnia animalia habet calidissimum cor. Ideo natura sagax, ne per calorem cordis homo suffocaretur, cor calidissimum supposuit frigidissimo cerebro, ut caliditas cordis temperaretur frigiditate cerebri, & de converso sic, quod temperamentum adderetur utrobique. Hæc etiam patent ex tali signo, quia inter omnia animalia ho-

# PROBLEMA TA.

13

mo habet turpissimum odoratum. Sēcun-  
do de Anima. Etiam homo quasi medium  
vitæ suæ consumit dormiendo, & hoc con-  
tingit ex superabundantia cerebri frigidi &  
humidi, & sic indiget calore naturali, il-  
lud humidum digerente & consumente.  
Et illum calorem sufficientem habet in iu-  
uentute, ideo non efficitur canus: tempore  
verò senectutis deficit in calore naturali.  
Et sic vapores ascendentes à stomacho ma-  
nent indigesti, propter defectum caloris  
naturalis, & sic consequenter putrescunt, &  
illam putrefactionem humorum sequitur  
albedo, quæ dicitur canicies.

Ex illo patet, quòd canicies nihil aliud  
est quàm albedo crinium, ex putrefactione  
humorum circa radices pilorum, ex defe-  
ctu caloris naturalis, tempore senectutis  
causata. Etiam canicies causatur ex malicia  
complexionis aliquando, & illa bene con-  
tingit in iuventute, aliquando etiam ex hu-  
mido indigesto, aliquando ex nimio  
timore vel cura, vt patet de mercatoribus,  
nauigantibus, & raptoribus. Vnde ver-  
sus.

- Cura facit canos, quamuis homo non  
habet annos.

Queritur, quare crines rufi citius albescent  
quàm alij.

Respon-



Respondetur secundum Aristotelē, quia rubedo est infirmitas pilorum, nam generantur ex materia infirma & debili, scilicet ex materia menstruali, idēd citius canescūt quā crines nigri.

*Quaritur, quare lupi griseſcunt?*

Pro quo nota differentiam inter caniciē & grisiem. Quia canicies cauſatur ex defectu caloris naturalis, ſed grilities ex voracitate & comestione, vt patet per Aristotelem ſeptimo de animalibus. Cum lupus est animal multum vorax, quia multum comedit, & gulose, ſine maſticatione, & ſemel in tantum, quod contentus fit per tri-duūm, & tunc ille cibus cauſatur vapores craſſos in corpore ipſius lupi, & per con-uens grilities ex ipſis generatur. Item grilities & canicies ſecundo differunt, quia grilities fit per totum corpus, canicies vero ſolummodo fit in capite.

*Quaritur quare equi griseſcunt?*

Respondetur ſecundum Aristotelem in libro de Animalibus, Quia eorum corpora plurimum ſunt in ſole. Et ſecundum eundem quarto Metheororum: Calor etiam quandoque accidentaliter ſignat putrefactionem, ergo ex tali calore materia pilorum putreſcit, & per conſequentiam

etiam



etiam valde citò caluantur.

*Queritur, quare homines caluescunt, & arbores in hieme defoliantur?*

Respondetur secundum Aristotelem, vbi supra de Animalibus, quod eadem causa homines canescunt, & Arbores defoliantur. Quia defectus humiditatis vtrobiusque est causa defectus, tam pilorum quàm foliorum. Et hoc pulchrè declaratur, quia per actum venereum homo caluescit. Quia luxuria est emissio naturalis humiditatis & caliditatis. Et sic per luxuriam humidum consumitur, quod est nutrimentum pilorum, ergo sequitur caluities. Et hoc declaratur euidenter in Eunuchis, & mulieribus, quæ non caluescunt, quia tale humidum ab eis non separatur. Vnde Eunuchi habent complexionem fœmineam.

*Quare Eunuchi non caluescunt, nec habent podogram, id est infirmitatem pedum, vt dicit Hippocrates sexta particula Aphorismorum.*

Respondetur secundum Galenum in commento ibidem, quòd causa caluities est siccitas, & siccitates non sunt in Eunuchis, quia carent testiculis, qui supplent calorem per omnia membra, & calor ipse poros aperit, quibus apertis, cadunt pili.

*Quæri-*

*Queritur quare mulieres nō caluescunt?*

Respondetur, quia frigida & humida sūt, & hoc utiq; operatur permanentiā pilorū. Nam humiditas dat nutrimentum, & frigiditas poros constringit.

*Queritur, quare calui sunt fallaces? ut dicitur metrum?*

Si non vis falli, fugias commercia calui.

Respondetur, quia caluitas attestatur supra complexionem cholericam, quæ est calida & sicca, & cholericī naturaliter sunt fallaces, iuxta illum versum.

Hirsutus, fallax, irascēs, prodigus, audax.

Ergo sequitur à primo ad vltimum, caluos esse fallaces.

*Queritur, quare caci naturaliter non caluescunt?*

Respondetur secundum Aristotelem, quia oculus habet multum humiditatis, & talis humiditas quæ trāsire deberet per substantiam oculorum, transit in nutrimentū sufficiens pilorum, Ergo raro caluescunt.

*Queritur, quare omnibus timentibus contingit pilorum erectio?*

Respondetur, quia tempore timoris, calor vadit in interiora ab exterioribus membris volens subuenire cordi; & sic pori, in quibus

## PROBLEMAT A.

quibus pili figuntur, clauduntur, ad quam clausuram sequitur erectio pilorū, & hoc maxime patet in animalibus brutis, scilicet in porcis, in apris & pavonibus.

## DE CAPIT E.

*Quæritur, quare caput hominis est rotundum?*

**R**espondetur, quia hæc figura est aptissima ad capiendum in se aliquid, ut patet per Aristotelem secundo de Cœlo, cum ipsum caput capit in se quinque sensus, ut etiam declaratur in sphaera materiali.

*Quæritur, quare caput sit durum?*

Respondetur per Aristotelem, quia continet in se humidissimam partem animalis, ut cerebrum per ipsum, tanquam per clypeum tueatur.

*Quæritur, quare caput non est directe rotundum, sed oblongum.*

Respondetur, ut in ipso tres cellulae aptius possint distingui, scilicet phantasia, in fronte: logistica siue rationalis in media: & memoria, in posteriori cellula.

*Quæritur, quare homo imaginando erigit caput sursum siue versus cœlum?*

Respondetur, quia imaginatio est in  
B anteriori



anteriori parte capitis siue cerebri, ideo erigitur sursum, vt cellule imaginationis aperiantur, & vt spiritus animalis concurrendo facere possit imaginationem.

*Queritur, quare homo cogitans & recogitans de præteritis, caput suum inclinat ad terram?*

Respondetur, quodd ideo, quia occiput sedes est memoriæ. Ergo ille erigitur versus cœlum, cum caput inclinatur ad terram, & sic aperitur illa cellula, vt spiritus animales perficientes memoriâ, inarent.

*Queritur, quare caput non est carnosum sicut alia membra?*

Respondetur secundum Aristotelem in libro de Animalibus, Quia caput nimium aggrauaretur, & morari non posset. Ergo est sine carne. Etiam caput carnosum designat complexionem malam.

*Queritur, quare caput sæpè patitur dolores?*

Respondetur secundum Constantinum in libro de Stomachis, Quodd quandoque patitur dolores ex ascensione malorum vaporum prouenientes, qui de stomacho ad caput extolluntur, & ipsum cerebrum perturbant, & sic causatur dolor. Etiam dolor capitis maxime prouenit à stomacho

cho propter nimiam repletionem ipsius stomachi. Quia secundum Galenum, duo magni nerui transeunt de cerebro ad orificium stomachi, & sic ista membra semper simul patiuntur. Etiam dolor capitis quandoque prouenit propter vinum forte, vel propter cibaria fumosa & acuta, sicut allium & cepe. Etiam quãdoque contingit ex phlegmate in stomacho contento, de quo possunt venire febres quotidianæ.

*Quaritur quare mulieres sapius habens dolorem capitis quàm viri?*

Respondetur secundum Albertũ, Quia mulieres patiuntur menstrua, & non viri, & sic fumus immundissimus & venenosissimus resoluitur, qui sursum petēs exitum, ipsum caput dolere facit.

*Quaritur quare cerebrum sit album?*

Respondetur dupliciter. Primò, quia frigidũ est: & frigiditas est mater albedinis, vt patet per Philosophum.

Secundò respondetur, quòd ideo, vt posset in se recipere similitudinem omnium colorum: modò color albus est maxime simplex.

*Quaritur quare omnes sensus sunt in capite?*

Respondetur secundum Albertum, Quia ibi est cerebrum, in quo omnes sen-

sus dependent, & diriguntur, & per consequens, omnes spiritus sentire facit, & ab ipso omnia membra reguntur.

*Quæritur, quare cerebro laeso vel corde, homo non potest euadere mortem.*

Respondetur, quia cor & cerebrum sunt duo membra vitalia & principalia in animalibus, ergo ipsis laesis, nullum remedium est, quo curari possint.

*Quæritur, quare cerebrum est humidum?*

Respondetur, quod ideo, ut facilius recipiat impressionem. Quia humidum facile impressiones recipit, ut patet de cera, quæ facile recipit in se figuram sigilli.

*Quæritur, quare cerebrum est frigidum?*

Respondetur, dupliciter. Primo, ut ex sua frigidityte clarificet & subtilem reddat intellectum hominis.

Secundo ut eius frigidityte temperetur calor cordis, & hæc est sententia Aristotelis in libro de Animalibus.

## DE OCVLIS.

*Quæritur, quare habemus unum nasum, & duos oculos?*

**R**espondetur, quod ideo, quia visus est magis necessarius homini quam olfactus. Ergo prouenit ex benignitate nature scilicet



## PROBLEMAT.

11

scilicet, vt si in vno oculo offensio fiat siue destructio, tunc alter maneat, & sic certè videmus, quodd spiritus visiuus ad vnum oculum dirigitur, vt patet in perspectiua communi.

*Queritur, quare pueri in iuuentute habent magnos oculos, & in atate graciles redduntur?*

Respondetur secundum Aristotelem secundo de Generatione, quodd est propter maximam cerebri humiditatem, & propter hanc causam pueri sunt multum somnolenti.

*Queritur, quare oculi nigri in die benè vident, nocte vero malè?*

Respondetur secundum Aristotelem, quodd propter indigentiam ignis, & propter luminis & humoris in oculis congregationem, qui illuminat humorem glaci-lem.

*Queritur, quare oculi glauci in die malè vident, noctu verò benè.*

Respondetur per Aristotelem, quodd glaucedo per se est lucida. Et spiritus visibiles in die debilitantur, & nocte confortantur.

*Queritur, quare homines habent oculos diuersos?*

Respondetur per Aristotelem, quodd hoc est propter diuersitatem humorum. Vnde

Oculi habent quatuor tunicas, & tres humores. Prima dicitur consolidatiua, quæ est exterior, fortis & pinguis. Secunda dicitur cornea, ad similitudinem cornu, & illa est perspicua. Tertia dicitur vnea, ad similitudinem vuae magnæ. Quarta dicitur tela araneæ. Sed secundum alios, oculus constat ex septem tunicis, & tribus humoribus. Primus humor dicitur albugineus, ad similitudinem albuginis in ovo. Secundus est glacialis, id est, glaciei similis. Tertius est vitreus, id est, ad modum vitri clarus. Et illa diuersitas humorum, facit diuersitatem oculorum.

*Quæritur, quare homines lufci, & vnoculi sunt boni sagittarij? Quare sagittarij boni, communiter claudunt vnum oculum? Et quare speculantes astra, vident vno oculo per cannas?*

Ad hoc dicendum est, quodd hæc materia habetur in perspectiua: & ratio est, secundū quod patet in libro de Causis. Quia omnis virtus vnita, fortior est seipsa dispersa. Ergo tota virtus visiva dispersa in duobus, vno oculo clauso congregatur ad alium, & sic visus in ipso fortificatur, & per cōsequens certius videt vno oculo clauso, quàm ambobus apertis.

*Quæri-*

## PROBLEMAT.

23

*Quæritur quare fortiter bibentes, & videntes  
lachrymantur?*

Respondetur, quia dum bibunt aer inspiratus non exit per vocalem arteriam, & sic cum impetu ad oculos dirigitur, per poros exeundo, & sic humores oculorum expellit, & isti humores sic expulsi adducunt lachrymas.

*Quæritur, quare multum flentes parum min-  
gunt?*

Respondetur per Aristotelem, quia humidum radicale lachrymæ, & vrinæ sunt unius & eiusdem naturæ. Ergo ubi fletus multiplicatur, ibi vrina diminuitur: & quod sunt eiusdem naturæ & materiæ, patet in sapore, quæ ambo salsa sunt.

*Quæritur, quare aliqui habentes claros oculos  
nihil vident?*

Respondetur, quod hoc est propter opilationem & destructionem nervorum visuum. Nam temporibus destructis, virtus visiva ad oculum à cerebro deferri non potest, ut patet per Philosophum in libro de Sensu & sensato.

*Quæritur, quare oculus sit clarus & politus  
inftar speculi?*

Respondetur, quia res visibiles reverbantur melius super rem tersam & politam. Ergo oculus est politus, ut ex hoc



visus confortetur.

Secundò respondetur, quia oculus est maximè humidus, inter omnes partes corporis, & aquaticę naturę. Modò sicut aqua est clarè & benè polita, ita & oculus.

*Quæritur, quare homines habentes profundos oculos, acutè & longinquè vident, & similiter alia animalia?*

Respondetur secundum Aristotelem secundo de Generatione animalium, quia virtus visiva in eis non dispergitur, sed procedit diametro ad rem visam. Et hoc declaratur in simili. Quia quando aliquis stat in profunda fouea, aut in fonte profundo, stellas cœli & firmamenti in clarissime speculari, ut dicit Aristoteles in tractatu, de forma speculi: quia tunc virtus visiva, & radij non disperguntur.

*Quæritur, quare homines habentes alios oculos, & non profundos, indeterminate vident, & male.*

Respondetur per Aristotelem, quia radij qui transeunt ad visum, disparguntur ad latus, & non directè procedunt ad rem visam. Ergo visum debilitant.

*Quæritur, quare multa animalia nascuntur ceca, sicut cæculi Decurion & Canin &*

Respondetur, quia talia animalia non

*(FINE)*

## PROBLEMAT A.

23

sunt adhuc perfectæ maturitatis, & in eis non operatur fluxus nutrimenti. Et hoc declaratur in simili, de hirundinibus, vt si illis in nido auferantur oculi, alij recrescunt eis, & hoc patet in multis alijs animalibus quæ etiam immaturè generantur, quasi mortua vt catuli vrsi: & ista ratio est magis perspectiua quam naturalis materia.

*Quæritur, quare oculi mulieris menstruosa inficiunt speculum nouum? vt dicit Aristoteles in libro de Somno & vigilia. Et consimile Problema est illud,*

*Quare Basiliscus interficit homines visu?*

Ad primum respondetur, quia quando menstrua fluunt de muliere, tunc aer venenosissimus resoluitur ab ea, qui ascendit caput mulieris, & ipsa multum dolens cooperit ipsum cum multis velis & retijs: & quia oculi sunt poris pleni, ergo petit ibi exitum, & sic inficit oculos, qui pleni sunt sanguine, & apparent in eis oculi guttoli & lachrymosi propter malum vaporem in eis existentem, & illi euaporantur, & multiplicantur vsq; ad obiectum speculi. Et quia tale speculum est multum solidum, mundum, & politum, itaq; facile inmundum accipit.

Ad secundum respondetur, quodd Basil-

liscus est animal multum venenosum, & per oculos illius vapores venenosi exeunt, & multiplicantur vsque ad rem visam, & vsque ad oculum hominis: qui vapores venenosi seu humores intrantes corpora inficiunt, & tandem homo interficitur. Et hæc ratio est quare Basiliscus respiciens clypeum cum bitumine perfectè factum, aut aliam rem firmam & politam, interficit seipsum: quia ab ista re polita & solida, isti humores reflectuntur & reperiuntur vsque ad Basiliscum, ex qua percussione interficitur. Et similiter est dicendum de muliere menstruosa.

Correlatiuum est, quòd quædam vetulæ, quando tempore menstrui inspiciunt specula, aut alias res solidas, vel firmas, se ipsas lædunt & offendunt.

*Quare scintillario oculorum in cæcis & lupis, non apparet in luce, sed in tenebris*

Respondetur, quòd in luce maius lumen non obfuscatur, & extinguit minus lumen sic, quòd tunc extraneus color apparet scintillare, quamuis habent aliquam materiam lucis, per quam tempore tenebrositatis apparent splendidi, ex quo est corpus politum, & sic illa materia lucis quodam modo obfuscatur in die, ita, quòd non apparet splendida, sed magis colorata propter



pter lucis obfuscationem . Vnde quanto magis sunt tenebræ, tanto plus natura lucis, quæ est in obiecto visibili, fortificatur, quia tanto minus impeditur, per maius lumen extrinsecum, quo posset obfufcari.

*Quare homo se videns in speculo, mox obliuiscitur suæ dispositionis, & non scit qualiter sit dispositus?*

Respondetur in libro de Forma speculi, quòd idolum visum per speculum debiliter & reflexè, repræsentat se potentia visiva, & ex quo debiliter se repræsentat, tunc debiliter apprehenditur, & per consequens non diu retinetur.

*Quare visus recreatur per viridem colorem? ut patet per versum istum.*

Fons, speculum, gramen, oculis sunt aleuiamen.

Respondetur, quòd viridis color mediocriter mouet organum visus : & ideo confortat visum : hoc autem non facit color albus, vel niger, quia isti fortiter mouent & mutant organum visus, ideo plus faciunt violentiam: cuius ratio est, quia magis tendunt ad excellentiam seu violentiam. Sed quantò sensibile est magis excellens, tantò magis destruit & debilitat  
sen-

sensum. Vt patet per Aristotelem secundo de Animo, qui dicit, quod sensibile excellens corrumpit sensum.

### DE NASO.

*Queritur, quare nasus excedat ultra alias partes capitis?*

**R**espondetur dupliciter: Primò, quia nasus est quasi cloaca cerebri, per quam phlegma cerebri expurgatur. Ergo excedit alia membra, ne in immundicia maculentur.

Aliter respondetur secundum Constantinum, quia nasus est maximè decor faciei eminens seu splendens, cum naturaliter odorat, & faciem decorat, ut testatur Boëtius in libro de Disciplina Scholastica.

*Quare homo inter cetera animalia habet malum & turpissimum olfactum seu odoratum, ut patet secundo de Animo?*

Respondetur per Commentatorem ibidem, quod homo inter cetera animalia, quoad sui quantitatem, habet cerebrum humidum & frigidum. Ergo ex tali excellenti humido & frigido, cerebrum non disponitur: & per consequens olfactus, organo non disposito, impeditur sensatio, ut patet per Aristotelem, & Themistium libro de Animo. Ergo quidam homines omnino non odorant, & hoc est signum malæ

malæ sensationis.

*Quare vultures (vt vult Commentator secundo de Animo) optimè odorant ?*

Respondetur, quòd habent cerebrum valde siccum. Ergo aër deferens odorem non impeditur ab humiditate cerebri, sed subito tangit suum organum, itaque dicit Commentator super tertium de Anima, quòd vultures & tygrides, & alia animalia, prælio facto in Græcia venerunt à quingentis miliaribus ad cadauera mortuorum.

*Quare natura facit nares ?*

Respondetur, propter triplicem vtilitatem. Primò, quia clauso ore inspiramus per nares, in refrigerium cordis. Secunda vtilitas est quia aër procedens ex ore foetet: quia fumi stomachi sunt ei adiuncti, sed aër respirans ad nares minus foetet. Tertia est, quia phlegma procedens de cerebro, per nares purgatur.

*Quare homines sternutant ?*

Respondetur, vt virtus expulsiua & visua per hoc purgetur, & cerebrum à sua superfluitate purgetur. Quia sicut pulmo purgatur per tuum, sic virtus visua, & cerebrum per sternutationem. Etiam qui sternutat frequenter, dicitur forte habere cerebrum. Itaque medici sternutatorium dant,



dant, vt purget cerebrum. Et qui dolent non potentes sternutare, citò moriuntur, quia signum est, quòd cerebrum est totum impletum malis humoribus, qui non possunt expurgari.

*Quare apoplectici, id est in quibus sanguis citò effunditur, non possunt sternutare?*

Respondetur, quod meatus seu ventriculi cerebri, sunt eis oppillati & obturati, & si possèt sternutare, fortè apoplexia solueretur.

*Quare calor solis prouocat sternutationē, & non calor ignis?*

Respondetur, quòd calor solis tantum resoluit, & non consumit. Ergò vapor resolutus expellitur per sternutationem, sed calor ignis resoluit & consumit, itaq; magis consumit sternutationem quàm prouocat.

#### DE AVRIBVS.

*Quæritur, quare omne animal mouet aures præter hominem?*

**R**espondetur per Aristotelē, quòd quidam musculus est circa mandibulam in homine, qui prohibet motum in auribus, itaque eo extenso, homines mouent aures, vt visum est in pluribus hominibus, sed alia animalia illo carent, ergo aures suas mouent.

*Quæ*

*Quare ex erectione auricularum asini pluuia prænoscitur?*

Respondetur, quia asinus est animal valde melancholicum, & ex melancholia est sentiens pluuiam futuram. Modò tempore pluuioso aures omnium animalium eriguntur, ergo asinus sentiens pluuiam futuram aures erigit.

*Quare auicula non habent auriculas?*

Respondetur per Aristotelem, quòd ideo est quia Natura dat vnique, quòd sibi cògruum est: sed si dedisset auibus auriculas, impedirent eas in volatu. Similiter pisces carent auribus propter natationem, & solùm habent paruas foueas & poros, per quos audiunt, vt declarat Aristoteles, de Boue Marino.

*Quare vespertilioes aures habent cùm tamen videatur esse aues?*

Respondetur, quòd partim habent naturam auicularum in volando, ratione cuius habent alas: & partim habent naturam quadrupedum, eò quòd sunt pilosæ, quia mures sunt: ideo natura sagax disposuit eis auriculas.

*Quare homo inter cetera animalia habet aures rotundas?*

Respondetur, quia figura totius & figura partium in toto proportionantur, & maxi-

maximè inter homogenea. Quia sicut vna gutta aquæ rotunda est, ita & tota aqua, vt probat Ioannes de sacro Bosco in Sphæra materiali. Sed quia caput hominis est maximè rotundum, ergo & aures declinant se ad eandem formam siue figuram. Sed capita aliorum animalium valdè sūt oblonga, ergo & aures exinde prolongantur.

*Quare natura formauit aures ipsis animalibus?*

Respondetur, quòd fecit propter duo. Primò, vt animalia per aures audirent, & vt res audibiles pertingerent ad pelliculā auris. Secundò, quia per aures caput purgatur cholerica superfluitate. Sicut enim caput purgatur per nasum à phlegmatica superfluitate, sic per aures à superfluitate cholerica.

### DE ORE.

*Quare os habet labia ipsum circumstantia?*

**R**espondetur secundum Constantinū, quia labia tegunt & muniunt dentes, quia non esset pulchrum semper dentes apparere.

Aliter respondetur, quòd dentes sunt frigida naturæ. Itaq; citius laderentur ab exteriori si per labia non tegerentur.

Sed



Sed tamen alia potest esse ratio euidēti-  
or, quæ est moralis, scilicet, quod homo debet  
morari in loquendo.

*Quare homo habet duas aures, & vnum os,  
& similiter duos oculos?*

Respondetur, quod est ex ista causa, scili-  
cet, quod homo debet esse prouisor tam  
in videndo quàm in loquendo, & copio-  
sior in audiendo, vt sapientior sit. Quia vt  
dicit Aristoteles, Sensus auditus, est sensus  
disciplinæ. Et de visu dicit : Quod sensus  
visus multarum rerum nobis differentias  
ostendit. Et cum illo concordat Seneca,  
dicens: Duas aures à natura recipimus, &  
tantum vnum os, & ideo natura sagax au-  
res fecit patentes ; linguam verò duplici  
clausula circundedit, scilicet labijs & den-  
tibus.

*Quare homo habet os?*

Respondetur propter multas utilitates.

Prima, quia os est ostium stomachi.

Secunda quia cibus in ore manditur,  
& preparatur ad primam digestionem.  
Quamuis Auicenna voluit, quod secunda  
digestio fieret in ore. Tertia, quia in con-  
cauo oris aer inspiratus, pro cordis refri-  
gerio subtilior redditur, & propter alias  
multas causas, quæ postea patebunt.

C

*Quare*

*Quare labia sunt mobilia?*

Respondetur, quodd hoc fit propter formationem vocis, quia sine ipsis vox perfecte formari non potest. Nam sicut sine ipsis literis, a, b, f, p, voces literales non possunt formari, ita nec ipsae sine labijs.

*Quare homo oscitat?*

Respondetur secundum glossam ultimae particulae Aphorismorum Hippocratis, quodd hoc fit aliquando a taedio, ut cum homo sedet cum ignotis, quibus libenter careret.

Secundò fit oscitatio ex fumis crassiss, replentibus maxillas, ex quarum expulsionem fit maxillarum extensio & oris apertio, & tunc fit oscitatio.

*Quare homo videns alium oscitare et tiam oscitatur?*

Respondetur, quodd hoc fit ex imaginatione, & hoc declaratur ex simili: cum asinus est animal valde sensibile, ratione melancholice, quia superfluitates diu retinet, & nunquam urinaret vel comederet, nisi audiret alium urinare. Et sic etiam homo ex imaginatione oscitat, alio homine oscitante.

## DE DENTIBVS.

*Quare soli dentes inter omnia animalia ossa sentium sensu tactus?*

Respon-

## PROBLEMAT.

35

**R**espondetur secundum Auicennam & Galenum, vt possit discernere inter calidum & frigidum, ipsis nociua, quibus nō indigent ossa, quia vtuntur illis cibis solū ad saporem.

*Quare viri habent plures dentes, quam mulieres?*

Respondetur, quod est propter multitudinem caloris & sanguinis, qui abundat in viris plus quam in mulieribus.

*Quare inter omnia ossa dentes crescunt vsque ad finem vite?*

Respondetur ex secundo de Generatione, quod alias consumerentur mandendo & molendo.

*Quare inter omnia ossa soli dentes recrescunt eis ablatis, alia ossa ablata non recrescunt?*

Per Aristotelem respondetur, quod omnia alia ossa generantur ex humido radi- tali & sic generantur in vtero matris: sed dentes generantur ex humido nutrimentali, quod de die in diem renouatur & augetur.

*Quare dentes anteriores in iuuentibus cadunt & crescunt & non molares?*

Respondetur, quod hoc est propter defectum materie & figuræ: quia dentes anteriores sunt acutij & alij lati, scilicet posteriores.

C 2

Aliter



Aliter respondetur secundum Aristotelem in secundo de generatione Animalium, quod dentium anteriorum est præscindere cibum, ergo sunt acuti. Sed posteriorum est comedere & mādere cibum, ergo habēt figuram latam, quæ est ad hoc apta.

*Quare dentes anteriores citius crescunt?*

Respondetur ex eo quod ipsis citius indigemus scindendo, quam posterioribus mandendo.

*Quare in animalibus dentes in senectute nigrescunt?*

Respondetur, quod hoc est ex putredine cibi, & corruptione phlegmatis, cū paruo humore cholerico.

*Quare dentes equi in iuventute sunt crassei coloris, & in senectute albescent?*

Respondetur per Aristotelem, quod equus abundat humore aqueo, qui in iuventute digeritur, & cōuertitur in grossitatem: sed in senectute calor diminuitur, & remanet ibi aqueus humor, cuius proprius color est albedo.

*Quare natura dedit animalibus dentes?*

Respondetur per Aristotelem, secundo de Generatione animalium, quod quibusdam dedit vitæ suam tueantur, veluti lupis, apris; quibusdam verò propter partum

stunt, ut leporibus: quibusdam vero propter formationem vocis, ut hominibus, ut patet per Commentatorem in libris de Anima.

*Quare animalia cornuta carent dentibus in superiori mandibula?*

Respondetur secundum Aristotelem in libro de animalibus, quod eadem est materia cornuum & dentium, scilicet humidum nutrimentale. Ergo materia quæ transit in cornua, non transit in dentes, & sic deficient dentes in superiori mandibula. Et talia animalia secundum Aristotelem, non possunt bene mandere cibum. Unde propter defectum dentium, ex consequenti habent duos stomachos. Igitur sequitur correlatiue, quod bis mandunt cibum. Unde primo mittunt cibum in primum ventrem, noctu autem reciprocant ruminando.

*Quare quædam animalia nascuntur cum dentibus, ut hædi, & agnelli; & quædam sine dentibus, ut homines?*

Respondetur, quod natura non deficit in necessariis, nec abundat in superfluis, ut patet tertio de Animo. Ergo ex quo ista animalia statim post exitum ventris indigent dentibus, ideo nascuntur cum dentibus. Sed homines manibus matris nutriuntur

criuntur ad tempus, idèd dentibus ad tēpus carent.

*Quare auicula non habent dentes?*

Respondetur, quòd materia dentiū transit in rostrum, ergo digestio est in eis.

Vel aliter respondetur, quamuis dentibus non mandunt, tamen per instrumenta ipsorum mandunt.

### DE LINGVA.

*Quare lingua est poris plena.*

Respondetur per Aristotelem, secundo de Animo, quòd lingua est medium gustus, & per os in poros linguæ sapor peruenit ad sensum gustus.

Aliter respondetur, quòd saliuæ spumæ dirigitur ad os per linguam à pulmone, madefaciendo cibum, ad primā digestionē preparando: itaque lingua est poris plena, & ut saliuæ per eam exeat.

*Quare lingua febricitantium omnia iudicat amara?*

Respondetur medicè, quia stomachus ipsorum est repletus cholericò humore, & cholera est maximè amara, ut patet ex felle. Ergo fumus amarus inficit linguam. Quapropter lingua impleta saporibus iudicat eos amaros, quamuis amaritudo non sit in cibis, sed in lingua.

*Quare*



*Quare nobis audientibus acida nominare, lingua aquescit?*

Respondetur, quod virtus imaginatiua est superior virtute gustatiua: & cum imaginamur aliquem saporem, tunc ipsum concipimus mediante virtute gustatiua: quia nihil gustu percipitur, nisi mediante salina, ergo tunc lingua aquescit.

*Quare aliqui sunt muti, aliqui blesi, & balbutientes?*

Respondetur, quod hoc est pluribus de causis: aliquando scilicet propter linguæ & cerebri humectationem, vt in pueris qui lingua deficiunt, vt patet in proferendis multis literis. Secundò, hoc est propter extractionem neruorum ex phlegmate, quia tales sunt nerui eñtes ad linguas, qui nerui corrupti sunt.

*Quare dentes serpentum & canum rabidorum sunt venenosi?*

Respondetur, propter malitiam & sumositatem humoris venenosi in eis prado-  
minantis.

*Quare lingua canis est medicina apta, & conuerso equi est pestilens?*

Respondetur, quod hoc est ex aliqua proprietate occulta. Potest dici quod ideo, quia lingua canis est multum poris plena, & sic in se attrahit & tollit viscositate vulne-

Alij dicunt quòd canis ex natura habet quosdam humores in lingua quibus sanat lingendo: oppositum est de equo.

*Quare saliuæ est alba?*

Respondetur quòd hoc est ex continuo motu linguæ, quia in continuo motu generatur calor qui dealbat istam superfluitatem, quæ est saliuæ, ut patet in spuma aquarum.

*Quare saliuæ est insipida?*

Respondetur, si haberet determinatum saporem, tunc lingua non saperet, quia solummodo haberet saporem saliuæ, & sic alios sapes apprehendere non posset.

*Quare saliuæ ieiuni sanat apostema?*

Respondetur secundum Avicennam, quia est probe digesta, & subtilis reddita.

*Quare aliqui homines abundant multum saliuæ præ alijs?*

Respondetur secundum Medicos, quod hoc propter phlegmaticam complexionem fit, quæ in illis prædominatur. Et ideo Medici dicunt, quòd abundans saliuæ debet sibi cauere à quotidiana febre, surgente ex dominatione phlegmatis. Per oppositum est de illis, qui deficiunt saliuæ, quia calor in eis superabundat, qui consumit humidum saliuæ. Itaque defectus saliuæ est signum febris.

*Quare*

*Quare salua hominis ieiuni est subtilior & albiior, quàm salua hominis saturati?*

Respondetur, quodd illa salua est sine viscositate cibi, quæ solet incrassare ipsam saluam hominis pleni.

*Quaritur, vnde prouenit salua hominis?*

Respondetur, quodd prouenit à spumis ipsius pulmonis, vbi (secundum Medicos) est sedes phlegmatis.

*Quare animalia multum coëuntia, vt apri, sunt multum sputosa?*

Respondetur, quodd tunc pulmo & cor sunt in maximo motu libidinis, ergo generatur in eis multum de materia sputosa.

*Quare auiculæ non habent saluam?*

Respondetur secundum Aristotelem in libris de Animalibus, quia habent pulmonem valde siccum, ergo non habent sputum.

*Quare Epileptici, id est, qui submerguntur proprio sanguine, & Caduci putrescunt?*

Respondetur secundum Medicos, quia materia peccans est in cerebro: sed si vomit, tunc materia peccans est in stomacho: sed si multum meiunt, tunc materia peccans est in viis vrinæ: sed si sperma habere incipiant, tunc est in vasis feminalibus: itaque Medici secundum hoc faciunt euacuare materiam.



*Quare lingua aliquod perdis vsum loquendi?*

Respondetur ex vltima parte Aphorismorum Hypocratis, quòd ex Paralyfi vel Apoplexia, id est, ex subita sanguinis effusione, hoc euenit, scilicet de humore crasso. Et etiam aliquando ex infectione spiritus animalis in media cella cerebri, qui non mittitur ad linguam, & per vocis expressionem variæ passionis actus declarât, vt patet in Glossa ibidem, & hoc intendit Galenus.

### DE PALATO.

*Quare fructus ante maturationem sunt inspidi vel amari, & post maturitatem sunt dulces?*

**R**espondetur, quòd sapor inspidus causatur ex frigiditate, & defectu caloris in humido & crasso. Sed sapor dulcis causatur ex sufficiente calore. Vnde in fructibus maturis humidum est subtile, & per calorem solis subtile redditum: idè sanè frequenter fructus tuuc sunt dulces. Sed ante maturationem, humidum est adhuc crassum, & non subtile redditum à calore solis. Ergo tunc fructus sunt amari.

*Quaritur, quare magis delectamur dulci sapore, quàm amaro vel alio?*

Respon-

Respondetur quia natura delectatur dulcedine. Ratio, quia dulce est calidum & humidū, & per caliditatem humiditates superfluas dissolvit, & per humiditatem abluitur immunditia. Sed sapor acetosus, siue stipticus vel ponticus, propter frigus in ipso prædominans nimium constringit, & pungit, & membra offendit in purgatione. Ergo non delectamur illo sapore, quia Medici volunt, quod homines in æstate, & in vehementi calore non debent comedere aliquid amarum. Ratio est, quia amarum generat calorem. Sed solummodo in hyeme debemus comedere amara. Ergo dicit Aristoteles in libro de Nutrimeto & nutribili, quod dulce est amicū naturæ, & maximè nutrit.

*Quæritur, quare sapor acetosus plus incitat ad appetitum, quàm alius.*

Respondetur quod sapor acetosus est frigidus, & frigefacit. Modò frigidi est appetere & attrahere, & ideo causa est appetitus. Nota quod novem sunt species saporum, quorum tres sunt à calore, & tres à frigore, & tres à temperato medio.

*Quæritur, quare de spiritu aëreo plus attrahitur, quàm emittitur?*

Respondetur per Aristotelem ad Alexandrum

xandrum Magnum in libro de Motu cordis quoddam multa partes aëris inspirantur, & pertranseunt nutrimentum, cum spiritibus vitalibus inter pulmonem continentur. Itaque tandiu animal non suffocatur, quādiu aërem in pulmone percipit, & sic aliqua pars in ea continetur.

*Quæritur, quare aer inspiratus & expulsus videatur, cum tamen aer per se sit inuisibilis, propter sui raritatem?*

Respondetur, quia aer inspiratus admiscetur fumositatibus ipsius cordis, ratione quarum efficitur crassus, & sic videtur. Cuius experientia est, quia tempore hyemali videmus anhelitum, quia frigus aeris constringit anhelitum mixtum fumositatibus, & sic incrassatur, & condensatur, & per consequens videtur.

*Quæritur quare aliqui homines habent fatigum anhelitum?*

Respondetur secundum Medicos, quoddam aliquando fit propter malas fumositates stomachi, aliquando propter corruptionem spiritualium membrorum, ut pulmonis. Ergo anhelitus leproforum est infectus, quoddam inficit auiculas propinquas, quia interiora ipsorum sunt maxime corrupta, ut patet ex definitione à Constantino data. Quia lepra est nutrimentum omnium



omnium membrorum cum putrefactione eorundem, & incipit in sanguine, & terminatur in membris.

*Quæritur quare leprosi sunt rauci?*

Respondetur, ideo, quia in eis instrumenta vocalia sunt corrupta, scilicet pulmo.

*Quæritur quare homines raucescunt?*

Respondetur, quod propter rheuma descendens de cerebro, replens canalium pulmonis, vel aliquando ex apostematibus in gutture vel ex rheumate in collo congregato.

*Quæritur, quare omnes femellæ inter omnia animalia, graciliores & subtiliores habent voces, quam viri dempta sola vacca?*

Respondetur secundum Aristotelem in quinto de Generatione animalium, quod propter constrictionem viarum, & arterialium vocalium, id est, ubi aer intrat, per quas vox formatur, ut patet in simili: quia fistula parua acutius sonat, quam maior. Sic etiam est in mulieribus, quod via vocalis propter frigiditatem restringitur, & arctatur, quia frigidum est constringere: sed in viris illa via, ex calore viri aperitur & ampliatur, & ergo in viris grauius sonat, quia caloris est aperire seu dissolvere. Etiam dicitur, quod mulieres habent voces molliores propter humiditatem pulmonis, & propter debilitatem caloris.

*Etiam*

Etiā iuuenes & infirmi, eadem de causa habent acutas voces. Et est causa naturalis, quare masculus in principio suae natiuitatis profert a, i, vocem crassio rem, sed foemella profert e, i, vocem leuiorem, vt vult Laberintus cū dicit: Masculus a profert.

*Quaritur, quare in viris & mulieribus vox mutatur tempore pubertatis, & ista mutatio maxime contingit tempore spermatu in viris, & tempore cresendi mamillarum in mulieribus. Vt dicit Aristoteles in libro de animalibus.*

Respondetur per eundem, quia tunc remittitur principium vocis, seu relaxatur. Et hoc declarat in simili de chorda remissa, quae grauius sonat. Etiam declarat ex alio, quia animalia castrata, vt capones, spadonēs & eunuchi, habent voces meliores, propter priuationes testiculorum.

*Quaritur, quare homines rauescunt in senectute.*

Respondetur secundum Aristotelem, quia lupus est animal valde & maxime frigidū in cerebro, vnde habet caput graue.

Si ergo videntium hominum spiritus visibilis dirigitur ad eum, tunc attrahit aliquid de frigiditate ad pectus, modo ex illa frigiditate pectus constringitur vbi sunt

sunt instrumenta vocalia. Quia lupus non potest dirigere alias fumositates, sed expirantur ab eo in aërem, & sic ille aër circumstans inficitur, & alius aër iterum inficitur ab illo, & sic vsq; ad hominem peruenit, & tunc ille aër sic infectus ab homine attrahitur, & facit eum raucum. Etiā dicitur quodd lupus est animal multum vorax, vt patet in libris de Animalibus, quia auide sumit cibum, & comedit vna vice tantum, quantum sufficiat per tres dies. Et sic lupus aperiens os suum, emittit humores crudos, & crassos, & indigestos, à quibus aër inficitur propinquus, qui aërem alium iterum inficit, & sic deinceps, donec perueniat ad hominem, quo inspirato homo inficitur: eodem modo sicut basiliscus, qui emittit humores venenosos oculis, homines inficientes.

*Quæritur, quare homine lupum inspiciente lupus non raucescit?*

Respondetur, quia homo non est ita maliciosus & frigidus, vt lupus. Et propter similem rationem mouetur hîc tale Problema.

*Quare interfectus interfectore presente sanguinescit?*

Respondetur, quodd hoc est opus diuinum non naturale, quia sanguis clamat  
vindi-



vindictam contra interfectorem. Sed tamen si esset aliqua naturalis causa, maximè esset ista, quòd perpetrator huius sceleris recolens, maximè dolet poenitentia ductus, & sic maximè æstuat propter fortem imaginationem, quam de eo habet, sic quòd omnes spiritus eius ebulliunt, & sic ad instrumenta visus accedunt, & ibi exeunt per radios visuales oculorum, usque ad facta scilicet vulnera, quæ si recentia fuerint, statim sanguinem emittunt. Secundò hoc fit cum iuuamine aeris inspirati, sic quòd talis aer expiratur per vulnus educens sanguinem. Et simile est de oculo menstruoso, vbi postea macula apparet, dummodo per eum speculum est infectum. Sed et alij dicunt, quòd hoc fit à natura còmuni, ad manifestandum homicidium.

*Quæritur, quare parua auicula plus vociferantur & cantant, quàm magna? vt patet sensibilibus de alaude & philomela.*

Respondetur per Aristotelem, quòd spiritus paruarum auium est leuior & mollior, quàm magnarum. Ergo parua auiculæ facile procedunt in quodcunque desiderium, & sic frequenter cantant.

*Quæritur quare masculi plus cærant, quàm femellæ? vt patet in omnibus animalibus.*

Respon-

## PROBLEMATATA.

49

Respondetur, hoc est propter desiderium coitus, itaque secundum Constantinum in libro de Coitu, dicitur, quod tunc spiritus maximè mouetur in corpore, & fit appetitus coitus.

Etiam respondetur, quod generaliter loquendo de quolibet animali, foemellæ sūt frigidiores, quàm masculi.

*Queritur, quare apes, vespa, musca, & locustæ, & multa talia animalia vociferantur, cum non habent pulmonem, nec instrumenta vocis?*

Respondetur secundum Aristotelem libro de Inspiratione & respiratione, quod in eis est quædam pellicula, ad quam spiritus pulsans facit talem sonum, itaque mirabiliter sonat talis sonus.

*Queritur, quare pisces non vociferantur?*

Respondetur secundum Aristotelem secundo de Animo, quia pisces non habent pulmonem, sed solum branchias, nec etiam cor, ergo non indigent inspiratione aëris, & per consequens non vociferantur. Quia secundum Aristotelem secundo de Animo, Vox est percussio aëris inspirati.

## DE COLLO.

*Queritur, quare animal habet collum?*

**R**espondetur secundum Aristotelem  
D
in

in libris de Animalibus, quodd collum  
est sustentamentum capitis. Vnde secun-  
dum ipsum, Collum est medium inter ca-  
put & corpus, vt patet per ipsum & eius  
cervices et nervos, tanquam per vias me-  
dias motus & sensus corporis translegan-  
tur: & per ipsum tanquam per quandam  
distantiam, cor maximè calidum à cerebro  
elongatur.

*Quæritur quare aliqua animalia carent col-  
lo vt pisces, serpentes, & alia reptilia?*

Respondetur, quia talia animalia carent  
corde. Ergo non indigent tali distantia, de  
qua dictum est.

Aliter respondetur, quodd in imo habent  
collum, sed non est distinctum à corde &  
capite.

*Quæritur, quare collum sit osseum?*

Respondetur secundum Aristotelem, vt  
eo fortius posset caput sustentare. Etiam  
ideo quia spina dorsi, in collo coniungitur  
cerebro, & inde recipit medullam, quæ est  
eiusdem substantiæ cum cerebro.

*Quæritur quare quedam animalia habent  
longa colla, vt greges & ciconia, & sic de alijs?*

Respondetur secundum Aristotelem,  
quia talia animalia requirunt sua nutri-  
menta in profundo aquarum, ergo indi-  
gent longis collis, Sic etiam quedam ani-  
malia



## PROBLEMATATA.

31

malia habent breuia colla, vt nifus, & accipiter, quia talia animalia sunt rapacia. Ergo propter fortitudinē breui collo indigent vt etiam patet de boue, qui est breuis colli, & ergo fortis.

*Quæritur, quare collum fit concuum, & maxime in anteriori parte circa linguam?*

Respondetur, quia ibi sunt duo meatus, vnus deferens cibum ad membra nutritiua, vt ad stomachum & ad hepar. Et talis secundum Medicos, dicitur Iſophagus, à *ἰσος* Græcè, quòd est comedere Latine.

*Quare arteria vocalis est annulosa?*

Respondetur, quòd est propter flexibilitatem, quæ producit bonam resonantiā.

*Quare pullus decollatus diu mouetur, & homo decollatus statim immobilis est?*

Respondetur, quòd pullus & similia animalia habent neruos strictos, & sic in eis spiritus motiuus moratur diutius post decollationem. Sed homines & similia animalia habent neruos longos & amplos, itaque spiritus ab ipsis citò recedit, & per consequens non possunt mouere corpus.

## DE HVMERIS

& brachijs.

D. 2.

Quæritur

*Quare homo habet humeros & brachia?*

**R**espondetur secundum Aristotelem in libro de animalibus, quodd propter delationem & portationem oneris.

*Quare brachia sunt rotunda?*

Respondetur, quodd est propter maiorem velocitatem motus & operationis. Quia talis figura motui est apta, vt patet per Aristotelem primo de Cœlo.

*Quare brachia sunt valde crassa?*

Respondetur per Aristotelem, quod hoc est propter fortitudinem ad leuandum & ad portandum onera, etiam ad contingendum seu pugillandum. Sic etiam ossa eorum sunt valde crassa, quia ibi est multum de medulla, seu materia medullosa, ne citò corrumpatur brachia. Sed medulla in paruis ossibus non potest contineri ita bene sicut in magnis.

*Quare dolentes vel infirmi denudant vel de-  
seguunt brachia, & etiam laborantes in agone?*

Respondetur secundum Hippocratem in libro Prognosticorum, quodd in talibus mors est propinqua, & est signum mortis, quia ibi est dolor maximus, qui facit brachiorum denudationem.

*Quare in aliquibus infirmantibus brachia  
fragilia sunt, idest, subtilia redduntur, vt in  
hydrop?*

*hydropicis & phreneticis?*

Respondetur secundum Medicos, quia membra sibi compatiuntur: itaque vno dolente omnes humores ibi concurrunt in doloribus prædictis. Nam capite dolente, humores brachiorum currunt ad caput, & brachia gracilia fiunt.

*Quare animalia bruta non habent brachia?*

Respondetur, quod habent anteriore pedes loco brachiorum, vel pro brachijs.

Aliter respondetur, & melius, quia omnia animalia habent organa aliqua ad pugnandum & ad se defendendum. Vt lupus habet dentes, vacca cornua, equi pedes, volatilia, rostra & alas: sed solus homo habet brachia ad pugnandum.

DE MANIBVS.

*Quare solus homo habet manus & Animal ei simile, vt simia?*

**R**espondetur, quod manus est organum organorum, vt dicit Aristoteles de Animo, quibus maximè homo indiget. Quia multæ sunt operationes, quæ per manus fiunt, & non per alia organa.

*Quare aliqui sunt ambi dextri, id est, venter & viraque manu pro dextra?*

Respondetur, quod est propter multitudinem caloris cordis & propter suffla-



tionem eius calidam, qui facit si nistram ita habilem, sicut dextram: itaque tales homines sunt proculdubio bonæ complexionis.

*Quare mulieres non sunt ambi dextra, fi-  
ent viri, ut dicit Hipocrates circa ultimam  
particulam Aphorismorum, circa finem?*

Respondetur secundum Galenum, quod hoc est ideo, quia calidissima mulier sana, frigidior est frigidissimo viro sano. Et dicitur insigniter sana, quia si febricitaret, tunc dictum non esset verum, quia in tali casu mulier calidior esset viro, caliditate accidentali.

*Quare digiti sunt articulosi?*

Respondetur secundum Aristotelem in libris de Animalibus, quod propter aptitudinem ad recipiendum, & ad tenendum receptum.

*Quare quilibet digitus tres habet iuncturas  
seu articulos & pollex tantum duas?*

Respondetur, quod pollex etiam habet tres articulos seu iuncturas, sed tertius iungitur brachio, itaque fortior est alijs digitis: ut patet ex nomine, quia dicitur pollex à polleo. Quia secundum Aristotelem maioris est virtutis, cum etiam maior sit in quantitate.

*Quare digiti dexterae manus sunt subtiliores, quam si nistra, ut vult Aegidius?*

Re-

Respondetur, quod propter calorem in tali parte dominantem, qui facit maiorem subtilitatem.

*Quare digiti sunt crassiores ante cibum, quam post? ut dicit Albertus.*

Respondetur secundum omnes Medicos, quod homo ieiunus, repletus est malis humoribus, & fumositatibus diuersis, quæ incrassant omnia membra, etiam digitos: sed cum illi humores sunt per cibum expulsi, sic digiti magis graciles fiunt. Et eadem de causa homo ieiunus est grauior, quam homo cibatus, ut patet expresse de ieiunantibus. Et potest reddi melior ratio, quia post cibum calor à membris exterioribus delegatur ad interiora, propter digestionem cibi, itaque membra exteriora gracilia redduntur, sed post digestionem cibi è conuerso dirigitur ad membra exteriora, itaque tunc incrassantur.

*Quare aliqui homines sunt magis habiles in sinistra manu, quam in dextra, ad aliquod opus faciendum?*

Respondetur, quia in illis cor non influere facit dextro lateri calorem, sed plus sinistro, & etiam operatur in sinistra manu subtilitatem & gracilitatem.

DE VNGVIBVS.

*Quæritur, unde generantur vngues?*

Respondetur secundum Galenum in commento Prognosticorum, quod ex fumositatibus resolutis, ingredientibus extremitates digitorum, quæ aëre exteriori exsiccantur & in cornu reducuntur.

*Quare ungues se num nigrescant, & pallescant?*

Respondetur, quia tandem calor cordis deficit, quo deficiente, ipsorum pulchritudo deficit.

*Quare homines iudicantur bona complexionis vel mala, secundum dispositionem unguium?*

Respondetur, quia ungues testantur bonitatem vel malitiam cordis, ergo etiam complexionis. Quia si sunt rubei, testantur choleram bene temperatam: sed si aliquo modo sunt inclinati cum rubeo colore ad nigredinem, testantur sanguineam complexionem: sed si sunt crocei coloris vel nigri, testantur melancholiam.

*Quare aliquando macula alba apparent siue generantur in unguibus.*

Respondetur, quod nutrimenta unguium sunt diuersa reddita, quia aliqua pars phlegmatis est admixta: ergo ex tali phlegmate macula ista causatur.

*Quare omne Animal gradiens pedibus habet ungues vel ungulas, vel aliquid proportionabile eis*



*Te eis, ut patet in aniculis, solum curuos vngues habentibus, & in equis, quorum pedes subferatur, & in alia regula secundum Aristotelem, quæ est vera, exceptis natantibus, ut patet in Anseri, vel in Anate, quæ carent huiusmodi vnguibus?*

Quia naturaliter vngues sunt graues, & sic impedirent natationem. Et responsio sic potest elici ex dictis.

## DE PECTORE.

*Quare pectus est concavum?*

Respondetur secundum Aristotelem, Quia ibi est sedes spiritualium membrorum, quæ membra sunt nobilissima, ut cor & pulmo: ut ergo ista custodiantur læsione necessarium est, ut pectus sit concavum.

*Quare homo inter omnia Animalia habet latissimum pectus, ut dicit Aristoteles?*

Respondetur, quodd spiritus in homine sunt debiliores & subtiliores, ergo requirunt regionem ampliorem, in qua possint contineri, ut est pectus.

*Quare pectora Anicularum sunt rotunda & acuta?*

Respondetur, quia sunt in continuo motu: atque figura acuta & orbicularis motui est apta, ut patet quarto Physicorum.

*Quare ea quæ diligimus trahimus ad pectus?*

Respondetur, quod prior locus cordis est sub pectore. Ergo illa quæ cor amat ad pectus trahit propter vicinitatem cordis, applicando amatum amanti.

*Quare mulieres sunt brevioris pectoris quàm viri?*

Respondetur, quia in viris est caliditas, quæ naturaliter sursum mouetur, superiora viri incrassando, & ea ampliando. Ergo magnum pectus est signum animositatis, vt patet per Aristotelem in Physiognomia, vbi declarat hoc de Leone & Tauro. Sed in mulieribus frigiditas dominatur, quæ naturaliter mouetur deorsum: itaque dicit quod mulieres frequenter cadunt supra culum, quia posteriora eorum incrassantur ex frigidityte descendente. Sed vir frequenter cadit supra pectus, propter eius crassitiem.

#### DE MAMILLIS.

*Quare Mamillæ sunt posite supra pectus?*

Respondetur, quod pectus est sedes cordis calidissimi, ergo ibi mamillæ generantur, vt menstruum ad eas missum, calori cordis vicinum, citius decoqueretur, & in materia lactis conuerteretur.

*Quare*

*Quare in aliis animalibus mamillæ sunt infra pectus, sed in muliere sunt supra pectus?*

Respondetur, quia mulier est bipes, ergo mamillæ existentes infra pectus, impedirent eius transitum: sed alia animalia quatuor habent pedes, ergo ipsa non impediuntur in eorum transitu, vel motu progressivo.

*Quare viri non habent tam magnas mamillas, sicut mulieres?*

Respondetur, quia viris non generantur menstrua, nec ibi est vas menstruo deputatum. Tamen dicit Aristoteles, Viri habent paruas mamillas, & mulieres paruos testiculos.

*Quæritur, quæ mamillæ sunt magis valentes pueris lactantibus, an parvæ, vel magnæ, seu mediocres?*

Respondetur, quod in magnis calor est diffusus & dispersus, ergo ibi non est bona digestio lactis: sed in parvis est unitus & fortis, cum omnis virtus unita, est fortior seipsa dispersa, & per consequens ibi est bona digestio lactis. Ergo parvæ sunt meliores quàm magnæ, mediocres autem sunt optimæ. Ex quo omne medium est optimum.

*Quare tredecimo & decimo quarto anno mamillæ*



*milla iuencularum incipiunt crescere & in-  
crassari, vt dicit Alberius?*

Respondetur per Aristotelem de Gene-  
ratione animalium, quod ideo, quia tunc  
puella efficitur pubes, & mēstrua incipiunt  
augeri in ea & fluere, vt dicit Aristoteles,  
quia in eadem atate puellarum crescunt  
mamillæ, & virorum sperma.

*Quare mamilla mulierum generatium abor-  
um, id est, puerum qui egreditur mortuus ex v-  
tero matris, vt dicit Hippocrates in secunda Par-  
ticula Aphorismorum, mollescunt?*

Respondetur secundum Glossam ibidē,  
Quia tunc mēstruum non fluit ad mamil-  
las, à quo foetus deberet nutriri, ergo tunc  
mollescunt.

*Quare mulier impregnata concipiens masculū  
in vtero, dextrā mamillā habet duriores, quā  
sinistrā?*

Respondetur secundum Hippocratem,  
quia masculi concipiuntur in dextero late-  
re matris, Ergo tunc mēstruum fluit ad  
dextram mamillam ipsam indurando.

*Quare mulieris impregnatis lac fluens de ma-  
mellis significat debilitatem foetus?*

Respondetur secundum Aristotelem,  
quia lac est proprium nutrimentum fœ-  
tus in vtero: itaque quando lac fluit, si-  
gnum

ghum est quoddam foetus non nutritur, & ex hoc vterque debilitatur.

*Quare dura mamilla indicat sanitatem in puero existente in vtero?*

Respondetur, quia menstruum conuertitur in lac, & tale lac sufficiens nutrit foetum & ex hoc arguitur eius fortitudo.

*Quare mulier habet tantum duas mamillas, & aliqua bruta, ut porca & canicula, habent decem vel plures?*

Respondetur, quia frequenter mulier concipit masculum unum, vel foemellam, & huic sufficit una mamilla, vel duae. Sed alia bruta habent multas cisternas, procreantes multos foetus. Ergo habent mamillas, primo scilicet foetui primam, secundo, secundam, & sic de aliis per ordinem.

*Quare tempore impraegnationis mamillae sunt durae, & alio tempore sunt molles?*

Respondetur, quia tunc inflantur & tumescunt sicut vterus, quia multa humiditas menstrualis fluit ad eas, quae alio tempore manet in matrice, & expellitur per locum deputatum.

*Quaeritur, per quem modum lac mamillarum venit ad matricem?*

Respondetur secundum Hippocratem, ubi supra, quod mamilla habet colligantiam cum matrice, & quasdam venas, quas  
abscin-

abscindunt obstetrices tempore partus, & perillas lac fluit ad vmbilicū puerorum, & capiunt nutrimentum per vmbilicū. Vnde aliqui dicunt, quod puer existens in vtero nutritur per os, sed hoc falsum, quia si sic tunc stercora emitteret etiam: sed hoc est falsum, quia non videtur vbi dimituntur illa stercora.

*Quare lac egrediens de mamillis spissum & crassum & non uisum, & fluidum, est fagnum masculi in vtero: sed lac tenue, est foemella?*

Respondetur, quia mulier gestans masculum, est fortioris caloris, quia digerit ipsum lac inspissando. Sed in mulieribus habentibus foemellam, non est tantus calor, ergo manet indigestum, & aquosum, & fluidum supernatans, si ponatur in aqua.

*Quare lac sit album, cum tamen menstruum sit rubeum, ex quo generatur?*

Respondetur, quia sanguis nō bene decoctus recipit formam albam, ut patet de carne, cuius proprius color est albus.

Aliter respondetur, quia quilibet humor, qui in tali membro generatur, alicui membro assimilatur in colore, in quantum potest. Sed quia caro mamillarum est alba, ergo & humor lactis est albus.

*Quare*



*Quare vacca dat copiose lac, pra alijs animalibus?*

Respondetur, quia vacca est animal multum vorax. Et ubi multum recipitur alimenti, ibi multum generatur menstrui. Quia lac non est aliud nisi menstruum de coctum & dealbatum, ergo etiā in ea multum generatur lactis.

*Quare lac non est sanum, ut dicit Hippocrates in secunda particula Aphorismorum?*

Respondetur secundum Glossam ibidem, quod propter multas causas non est sanum. Prima, quia quandoque coagulatur in stomacho, ex quo ulterius malus anhelitus generatur. Sed Hippocrates ponit remedium in loco allegato, dicens: Si tertia pars aquae admisceatur lacti, tunc non est nocivum, & hoc intelligitur de aqua fluiali. Alia causa: quia lac aliquando in stomacho accedit, & excoquitur, & iterum ex eo generantur mali humores, inficientes anhelitum.

*Quare lac praesertim dolentibus capite, non valet?*

Respondetur secundum Hippocratem ubi supra, & secundum Glossam ibidem, Quia lac citò transit in multam fumositatem, & multum habet materiae terrestriſque fumositas ascendens, morbum gignit.

*Quare*

*Quare lac est conueniens nutrimentum infātibz & pueris?*

Respondetur, quia est naturalis eorum eibus & consuetus, quia etiam in vtero nutriebantur tali cibo: ergo est eis conueniens.

*Quare lacticiuium tempore partus vaccarū est bonum?*

Respondetur, quia tunc lac est multum spongiosum. Ergo tempore illo multas fumositates expellit, & quodamodo est purgatio illo tempore.

*Quare lac in mulieribus coeantibus destruit puerum lactātem?*

Respondetur secundum Aristotelem in libris de Animalibus, Quia tempore coitus, subtilior & melior pars lactis vadit ad vasa seminalia, & ad matricem, & peior pars manet in mamillis, quæ destruit puerum.

*Quare lac mulierum fuscārum sit melius, quā albarum?*

Respondetur, quia fuscae mulieres sunt calidiores alijs, & quia calor digerit nutrimentum sufficienter, & sic lac melius fit.

*Quare in eadem mensa simul comedere lac & pisces sit prohibitum à Medicis?*

Respondetur, quia maximè disponunt ad lepram

## PROBLEMAT A.

36

lepram. Quia ambo sunt phlegmaticæ naturæ, tam lac, quàm pisces.

*Quare auicula non habent lac atque mamillas?*

Respondetur, quia mamillæ impedirent eis volatum. Etiam, pisces nō habent mamillas vel lac, quia ipsi emittunt lactes, ut dicit Aristoteles in libro de Generatione animalium. Quia foemella emittit polygramum, & masculus superaddit lactes, sic eorum species æternæ fiunt per successionem individuorum.

## D. E. D. O R S I S.

*Quare Animalia habent dorsa?*

**R**Espondetur per Aristotelem, propter tres causas. Prima, ut dorsum esset via nervorum à spina dorsii extensorū per totū corpus, ut patet sufficienter in suspensis, quia quando sunt ilacerati, tunc adhuc nervi dependent in spina dorsii. Secunda causa est, ut esset custodia membrorum mollium in corpore existentium, ut stomachi, hepatis, pulmonis & sic de alijs. Tertia causa est, ut esset fundamentum omnium ossium, quia videmus, quod alia ossa, ut costa, fundantur in spina dorsii.

**E**

*Quare*



*Quare homo inter omnia animalia habet dorsum latum, ita quod nullum animal, prater hominem, potest convenienter iacere in dorso?*

Respondetur, quia pectori lato correspondet dorsum latum. Si ergo homo haberet dorsum acutum, sicut alia animalia, illa esset indecens & inepta dispositio. Ergo requiritur quod habeat dorsum latum.

*Quare homo iacens in dorso, habet horribiles visiones?*

Respondetur, quia tunc meatus seu nervus phantasiæ est apertus, qui est in anteriori parte cerebri, & ergo tunc phantasia corrumpitur.

Vel alia ratio est, quia homo iacens in dorso, habet se ita, quod humores perturbantur, & moventur sursum, ubi est phantasia, itaque phantasia perturbatur.

*Quare malum est iacere in dorso?*

Respondetur secundum Medicos, quia hoc disponit ad lepram, epilepsiam, maniam, & ad incubum. Vbi nota, quod mania est infectio anterioris partis cerebri, cum priuatione imaginationis. Sed incubus in proposito, est passio cordis, cum aliquis se in somno suffocari putat & putat aliquid iacere super ipsum, quod libenter remoueret.

*Quare*

## PROBLEMATÆ

67

*Quare spina dorsi habet multos articulos, & multa membra, quæ apud Medicos Spondylia dicuntur?*

Respondetur, quod propter flexibilitatem ipsius dorsi, quia sine illis articulis, flexiones fieri non possent, neque motus, ut patet per Aristotelem in libris de Motibus animalium. Itaque dicentes, quod elephas non habent membra, dicunt malè, quia non posset se mouere.

*Quare spina dorsi in piscibus fracta, pisces citò moriuntur?*

Respondetur, quia spina dorsi in piscibus est loco cordis. Modò cor est primum viuens, & vltimum moriens, ut patet in libro de Longitudine & Breuitate vitæ. Ergo laesa spina dorsi, pisces diutius viuere non possunt.

## DE MEDULLA.

*Quare laesa medulla, homo facillè moritur?*

Respondetur, quia medulla venit à cerebro: quod est vnum membrum principale, ut patet in duobus. Primò, quia medulla seu nucha est alba, sicut cerebrum: Secundò, quia aliæ medullæ non habent cutem neque pelliculam. Sed nucha habet duplicem pelliculam, sicut cerebrum, scilicet piam matrem, & duram matrem.

E 2

Et

Et etiam circa spinam dorsi sunt quinque venæ, quæ secundum medicos dicuntur Hæmorrhoides, ab æma Græcè, quod est sanguis Latinè. Ideo medicum videndum est de venis Hæmorrhoidum.

### DE FLUXU HÆMORRHOIDUM.

*Quare aliqui viri patiuntur fluxum Hæmorrhoidum?*

**R**espondetur, quod sunt Melancholici. Ergo multum generatur in eis melancholia, quia frigidi sunt, quæ primò mittitur ad splenem, scilicet ad propriam sedem melacholiae, & ibi propter sanguinis multitudinem retineri non potest. Ergo mittitur ad spinam dorsi, ubi sunt aliquæ venæ, quæ terminantur in dorso, & in collo. Et quando illæ venæ valde replentur sanguine melancholico, tunc aperiuntur viæ Naturæ, & exit ille sanguis semel in mense, ut menstrua mulieris, Et tales viri per talem fluxum præservantur magis ab infirmis, scilicet ab hydropisi, peste, & cæteris.

*Queritur, quare Iudæi indifferenter patiuntur talem fluxum?*

Respondetur Theologicè, quia ipsi tempore passionis Christi clamauerunt, Sanguis



quis eius super nos, & super filios nostros. Ergo dicitur in Psalmo: Percussit eos Deus in posteriora dorsi.

Aliter respondetur magis naturaliter, quia Iudæi vescuntur cibarijs phlegmaticis & frigidis, ex quibus cibarijs generatur sanguis melancholicus, qui per fluxum hæmorrhoidum expurgatur.

Alia ratio naturalis est, Quia dicit Aristoteles in libro de Cælo & Mundo, quod motus facit calorem, & calor digestionem ut patet quarto Metheororum. Sed Iudæi non sunt in continuo motu & labore, nec in conuersatione hominum. Etiam ideo, quia sunt in magno timore, quia timent nos vlcisci passionem nostri Saluatoris. Et hæc in eis frigiditatem faciunt, & impediunt digestionem, & ergo iterum in eis generatur multus sanguis melancholicus, qui in ipsis tunc tempore menstrui expurgatur.

## DE CORDE.

*Quæritur, quare cor & pulmo dicuntur membra spiritualia?*

Respondetur vno modo, quod à spiritu, quia spiritus vitalis in corde generatur. Sed illa responsio non videtur valere: quia sic hepar & cerebrum, erunt membra

spiritalia, quod est falsum. Quia hepar est membrum nutritium, sed cerebrum animatum. Sed tamen consequentia patet; quia spiritus vitalis generatur in hepate, & spiritus animalis cerebro. Itaque respondetur, quod cor & pulmo ideo dicuntur membra spiritalia quia in eis recipitur spiritus & aer. Vel dicuntur spiritalia, propter eorum impossibilitatem, respectu aliorum membrorum. Ergo ipsa per ipsam pelliculam diuersa sunt ab alijs membris nutritiuis, vt à stomacho.

*Quæritur, quare pulmo sit ita rarus, & spongiosus.*

Respondetur, quod ibi aer melius potest recipi pro cordis refrigerio, & expulsionem superfluarum fumositatum. Quia secundum Aristotelem in libro de inspiratione & respiratione, Pulmo est flabellum cordis, seu ventilabrum. Et sicut follis inspirando inflatur, & expirando comprimitur & contrahitur: sic simili modo pulmo inspirat aerem, dando refrigerium cordi, & inspirat ne cor suffocetur per nimiam caliditatem aeris inspirati.

*Quæritur, quare caro pulmonis sit alba?*

Respondetur, quod propter eandem causam, quia est in continuo motu.

*Etiā*

*Etiā solēt quari, quare sola animalia habeant cor, habent pulmonem, & non alia.*

Respondetur, quia pulmo non est membrum propter se, sed propter aliud, scilicet propter cor. Ergo si animal corde carens haberet pulmonem, tunc superfluum & frustrum esset: modò natura non permittit hoc. Quia natura nō deficit in necessarijs, nec abundat in superfluis.

*Quare animalia non habentia pulmonem carent vesica, ut dicit Aristoteles?*

Respondetur, quia talia non recipiunt aquam potabilem, ut potum suū & cibum faciant feruere, sed propter temperamentum cibi: ergo carent vesica, & etiā vrinaria, ut patet in auiculis, quarum quaedam simpliciter non bibunt, ut falco, nifus, accipiter.

*Quare cor est in medio animalis?*

Respondetur, quòd ideo, ut aliquo modo omnibus mèbris influere faciat vitam: itaque cōparatur Soli, qui est fons in medio planetarum, ut alijs planetis influere faciat lucē. Itaq; Pythagorici dicētes Cœlum esse magnum animal, dixerunt Solem esse cor illius animalis.

*Quare in solo homine cor collocatur in sinistro latere?*

Respondetur, ut calor cordis temperet



frigiditatem splenis. Nam splen est sedes melancholiæ, quæ etiam in sinistro latere collocatur.

*Quare inter omnia membra cor primo generatur? ut dicit Aristoteles, Quod cor est primum viuens & ultimum moriens?*

Respondetur secundum Aristotelem in libro de Iuuentute & Senectute, quia cor est principium & origo vitæ, & omnium membrorum, & sine illo nullum membrum viuere potest. Nota secundum Phisicos de semine in matrice retento, primum generatur quædam pellicula circundans ipsum semen: post hoc generatur typus formatiuus, qui ex subtiliore sanguine primum facit cor, & de sanguine minus subtili successiuè facit hepar, & de sanguine crasso & frigido facit medullam & cerebrum.

*Quare animalia parui cordis sunt audaciora? ut Leo, qui est animal valde ferox & audax?*

Respondetur, quod in paruo corde animalis calor est bene adunatus & vehemens, & sanguis adueniens in tangendo ipsum, citius calefit, & ad alia membra mouetur spiritu calefactiuo, mediante quo, audacia eis tribuit.

*Quare*

*Quare animalia magni cordis sunt valde ti-*  
*midu, & lepore.*

Respondetur, quia calor tum est diffusus  
 & dispersus, & non potest calefacere san-  
 guinem ad ipsam concurrentem, & sic ti-  
 mor ibi generatur.

*Quare in corde magnorum animalium, & cer-*  
*uorum & hominum secundum Albertum, est*  
*quoddam os.*

Respondetur per Aristotelem, quod idem,  
 ut sit fundamentum motus continui ipsius  
 cordis: quia secundum eundem in libris  
 de motibus animalium, In quolibet motu  
 est quidam fluxus & quies.

*Quare cor continue mouetur?*

Respondetur secundum Aristotelem in  
 libro de Motu cordis, & per Galenum &  
 Aegidium, Quia ibi spiritus generatur,  
 qui est subtilior aëre, qui propter ma-  
 iorem rarefactionem, querit locum amplio-  
 rem, replendo concavum ipsius cordis, ex  
 quo sequitur dilatatio cordis. Et quia cor  
 est terrestre: ergo cessante impulsione,  
 partes eius cessant, & tendunt ad centrū.  
 Et magister Galenus ponit experientiam  
 de glande. Si glans ponatur ad ignem,  
 calor ignis eius humiditatem resoluit in  
 fumum, qui est maior humiditas, ita-

que maiorem locum occupat, & sic non potest manere infecta, ergo ipsam eleuat, & facit eam ex igne saltare: & sic conformiter est de corde. Unde nota, quod cor animalis est triangularis figuræ aliquo modo, & partem minorem habet versus sinistram partem vero maiorem versus dextram, & in parte minori se continet aperit, & claudit, & sic est in continuo motu. Primus motus, apud Medicos, vocatur Diastole. Sed motus contritionis siue clausione, vocatur Sístole. Ex quibus duobus motibus fit pulsus in toto corpore, quem Medici in arterijs sentiunt, cuius & auxilium habet.

*Quare animalia magis hec cordis sunt macra?*  
Respondetur, quia calor naturalis egrediens de corde constituit humiditatem aquosissimam, quam humiditatem, oportet conuertere in pinguedinem. Et sane frequenter mulieres sunt pinguiiores quam viri, quia habent multum de humido, & sunt humidioris cordis quam viri.

*Quare caro cordis est compacta & spissata?*  
Respondetur, quia in re densa & bene compacta calor fortiter recipitur, ut etiam patet in alijs.

Aliter respondetur, ut cor sua caliditate temperet frigiditatem cerebri, ideo



est compactum.

*Quaritur, quare est cor calidissimum in toto animali?*

Respondetur, quia ibi est materia spissa & densa, & bene compacta, & calor fortiter recipitur in eo, ut patet in filicibus. Et iam alia ratio est, quia cor sua caliditate temperat frigiditatem cerebri.

*Quaritur, quare cor est principium vitæ?*

Respondetur, quia in eo generatur spiritus vitalis qui est sedes vitæ. Vnde secundum Augustinum in libro de differentia spiritus & animæ: Cor habet duos vêtres, scilicet dextrum & sinistrum. Dexter enim venter plus habet de sanguine, quàm de spiritu, quia spiritus generatur ad viuificandum totum animal.

*Quaritur, quare cor sit rotundum, & habeat figuram pyramidis instar?*

Respondetur, secundum Aristotelem, Quod figura rotunda non habet angulos: Et ideo est rotundum, ne materia corpori nociua ibidem possit retineri.

Aliter respondetur secundum Aristotelem, Quia figura rotunda est motui apta. Et ideo figura rotunda secundum Aristotelem metaphoricè Agonia dicitur, ab Alpha quod est sine, & gonìa angulus, quasi sine angulo.

*Quaritur*

*Quaritur, quare in solo corde per excellentiā  
sa sanguis?*

Respondetur quia sanguis est in eo tan-  
quam in proprio loco, vel tanquam efficiē-  
te, quod alij dicunt de hepate. Vnde cor à  
nullo membro recipit sanguinem, sed alia  
membra ab eo.

*Quaritur, quare aliqua animalia non habent  
cor?*

Respondetur, licet non habeant cor, ta-  
men habent aliquid proportionabile cor-  
di, ut patet de piscibus & anguillis, qui spi-  
nas dorſi habent pro corde.

*Quaritur, quare ut videmus sensu, in brutis  
animalibus, ut in auibus & pullis capite i psis am-  
putato, cor adhuc pulsar & viuit?*

Respondetur, quia spiritus vitalis diutius  
manet in eo, quam in alijs mēbris, eo quod  
cor est primum viuens, & vltimum mori-  
ens, ut dicit Aristoteles de Senectute & Iu-  
uentute. Ergo cor pulsar, & plus mouetur,  
quam alia membra.

*Quaritur, quare omne animal carens corde,  
vel proportionali ipsi cordi, carens sanguine? ut  
patet in muscis.*

Respondetur, quia cor est principium  
sanguinis, modò deficiente causa, deficit  
effectus.

*Quaritur*

*Quæritur, quare pulsus cordis certius iudicatur in dextro latere, quàm in sinistro?*

Respondetur, quia calor cordis ibi facit maiorem habilitatem & calorem, itaq; ibi plus sentitur, quàm in sinistro latere.

*Quare calor aliquando è medio desinit, ut patet in caducis & epilepticis.*

Respondetur secundum Constantinum in libro de Stomacho, quòd hoc fit ex defectu sui ipsius, & pelliculari, quibus cooperitur, quibus tunc infectis, cor è medio deficit: & aliquando fit ex infectione membrorum vicinorum. Vnde quando ex orificio stomachi exit humor venenosus, lædit ille cor, & membra sibi vicina, & tunc illa inducunt è medio defectione cordis. Notandum quòd secundum Aristotelem, Dispositio cordis maximè cognoscitur per pulsus cordis. Quia pulsus velox, magnus & frequens cognoscitur, siue testatur de caliditate cordis, & de bona complexionem. Et pulsus tardus & debilis testatur de frigidityate cordis, & malitia complexionis. Vnde mulieres, in quantum sunt sanæ, habent tardiorē & debiliorem pulsū quàm viri, & hoc etiam patet per alias causas, ut infra patebit.



## ARISTOTELIS DE STOMACHO.

*Quare stomachus est amplius?*

**R**espondetur secundum Aristotelem in libris de animalibus, Quia in eo cibus, vt in olla primo decoquitur & digeritur, vt purum ab impuro separetur: itaque per multitudinem cibi natura ampliat stomachum.

*Quare stomachus est rotundus?*

**R**espondetur secundum Constantinum in libro de stomacho, quia si haberet angulos, tunc in illis cibus potius maneret, & sic homo nunquam febribus careret: qui tamen humores eleuatur & consumuntur, & non absconduntur propter eius rotunditatem.

*Quare caro stomachi est multum nervosa, & sensibilis?*

**R**espondetur, secundum Aristotelem & Constantinum, quia nerui sunt dilatabiles & extensibiles: itaque stomachus tempore repletionis dilatatur, & tempore famis restringitur: ergo natura sagax disponit nervosum stomachum.

*Quare stomachus digerit?*

**R**espondetur, propter calorem in eo existentem, quia calor protuenit à membris vicinis, scilicet ab hepate & corde: quia videmus in fabrica arte, quod calor ignis separat

separat aruginea, vt scoriam à ferro, aurum à cupro, argentum à stanno. Sic digestionem per calorem fit separatio puri ab impuro, & talis digestio est quadruplex secundum Medicos.

*Quare stomachus adiungitur hepati, vt patet sensu?*

Respondetur secundum Constantinum vt supra, quia hepar est valde calidum: vt ergo sua caliditate possit iuuare ad digestionem, circumdat ipsum.

*Quare communiter patimur plus frigus post prandium, quam ante?*

Respondetur, quia tunc totus calor vadit ad stomachum ad digestionem faciendam, & sic partes exteriores frigescent calore priuato.

*Quare post prandium immediatè sit malum studere?*

Respondetur, quia cum calor debet laborare pro imaginatione studij, tunc non laboraret pro cibo dirigendo, & sic cibus permaneret crudus. Ideo secundum Medicos, homo primum debet spaciari post prandium ad centum passus, vel secundum aliquos mille.

*Quare mulieres, & maxime impregnate, primo & tertio mense habent appetitum inordinatum, ad comedendum carbones, cineses, &c?*

Re-

Respondetur secundum Constantini, vt suprà, quia quales sunt humores in stomacho illarum mulierum, talia nutrimenta appetunt. Et quia mulieribus imprægnatis sunt putridi & corrupti humores replentes stomachum, ideo appetunt similia, cum omne simile applaudat sibi simili.

*Quare stomachus carnes valde pingues tarde digerit?*

Respondetur, quia tales carnes natant in stomacho. Modò optima digestio fit in profundo stomachi, vbi carnes pingues nō possunt venire. Itaq; tales sunt multū somnolenti, post esum pinguium carniū, quia in eis digestio retardatur.

*Quare stomacho infirmo, omnia alia membra habent in se malè, eo sano, melius sunt singula membra disposita?*

Respondetur secundum Constantinum in principio sui libri, quia stomachus colligantiam habet cum cerebro, corde, & hepate, quæ sunt membra principalia, ergo ipso dolente, omnia dolent.

Aliter respondetur, quia impedita prima digestionē, aliæ digestionē impediuntur. Nam in prima digestionē principium est infirmitatis, scilicet in stomacho.

*Quare iuvenes citius esuriunt, quàm senes?*

Re-



Respondetur secundum Hippocratem in prima particula Aphorismorum, & Galenum ibidem in Commento, quod iuuenes propter tria cibo indigent. Primò propter incrementum, secundò propter restorationem vitæ, tertio propter conseruationem vitæ.

Aliter respondetur, quod iuuenes sunt calidiores senibus, eo quod senes sunt frigidi & ficci, vt patet secundum Aristotelem in libro de Generatione animalium. Ergo calor in iuuenibus plus digerit, & per consequens plus appetunt.

*Quare medici precipiunt, quod existente appetitu comedendi, debet quis comedere.*

Respondetur secundum Auicennā. quod tolerare famem, est stomachum malis humoribus & putridis, adimplere, quos attrahit ad se loco cibi, vt patet per experientiam. Cùm ieiunamus nocte, habemus appetitum comedendi, sed sequenti die minimè. Ergo est signum quod stomachus tunc est repletus malis humoribus, & maximè orificium eius, quæ repletio non est vera, sed mendax est propter hoc, sumpto modico cibo, regreditur statim appetitus: itaque dicunt vulgares communi prouerbio, quod os est trufator, quia licet fuerit corruptū malis humoribus, sumpto

F,

tamen

**S**amen cibo reuertitur appetius.

*Quare consilium medicorum est, quod homo  
debet successiue comedere?*

Respondetur secundum Auicennam,  
quia stomachus nimium repletur, & tunc  
cibus supernabit in eo, quod est valde  
periculosum.

Alia causa est, sicut ligna multum frigi-  
da suffocant ignem, sic cibaria suffocant  
calorem naturalem. Itaque optima medi-  
cina est uti modestia & tem peramento in  
cibo & potu. Vnde versus,

Esse cupis sanus, sit tibi parca manus.

Pone gulæ metas, ætas ut sit tibi longa.

*Quare alio & alio tempore anni appetuntur  
alia & alia cibaria? ut in hyeme carnes bouinæ,  
& vaccina, & porcina: in æstate appetuntur car-  
nes subtiliores, ut vitulina, agnina?*

Respondetur ideo, quia complexio va-  
riatur secundum tempus anni, ut patet per  
Gilbertum in libro sexto Principiorum.

Aliter respondetur & melius, quia hoc  
fit propter qualitatem ipsorum temporū,  
quia frigus hyemis facit meliorem dige-  
stionem: nam ventres calidiores sunt in  
hyeme propter frigus circumstans, ut di-  
xit Hypocrates in prima particula Apho-  
rismorum, & Aristoteles in primo Me-  
thor

Theororum.

*Quare cibus non debet esse nimis calidus, vs  
piper, zinziber?*

Respondetur, quia cibus calidus adu-  
rit sanguinem, & disponit ad lepram, Sic  
è conuerso, cibus frigidus mortificat &  
congelat sanguinem. Etiam cibus non de-  
bet esse nimis acetosus, quia ille citò in-  
ducit senectutem. Item cibus non debet  
esse nimis conditus, quia ille adurit inte-  
riora, & post illum cibum oportet potare  
multum, vt post alia cruda. Item cibus non  
debet nimis esse dulcis, quia dulcedo ma-  
ximè constipat venas.

*Quare sit bona consuetudo caseum comedere  
post prandium, & pira post omnia fercula im-  
mediare?*

Respondetur, quia caseus ratione ter-  
restritatis & crassicie tendit ad fundum  
stomachi, & sic deprimat carnes, & ille ci-  
bus digerit omnes alios, seipsum digerere  
non potest. Sic etiam dicitur de piris. No-  
tandum de caseo, quod caseus recens cæ-  
teris laudabilior: sed caseus vetus, & sic-  
cus & salsus est pessimus, citò faciens do-  
lorem capitis, & hepatis constipationem:  
& quanto fuerit veterior, tanto & deter-  
rior. Vnde versus.



Caseus est nequam, nam digerit omnia se-  
quàm.

*Quare post pisces sit bonum comedere nuces?  
vt dicit Metrista.*

Post pisces nuces post carnes caseus adsit.

Respondetur quia pisces sunt aliquando  
venenosi, quia sunt difficilis digestionis,  
& facile putrescunt & corrumpuntur. Et  
nuces iuuant digestionem, quia sunt me-  
diocriter calidæ.

Alia ratio, quia quando sunt venenosi,  
vt dictum est, mox nux est remedium con-  
tra venenum. Ergo pisces temperantur  
per nuces, & sic sanum est sumere nuces  
post pisces. Sed tamen notanda est regula  
de piscibus, quia pisces debêt esse de aqua  
clara & petrosa, & non frigida & lutosâ,  
nec quieta. Vnde versus.

Hi currant per aquam mundam, cla-  
ramque petrosam.

Sint cocti vino pisces cum petroselino.  
Et tales pisces minus nocent:

*Quare nouus cibus multum nocet stomacho?  
vt in festo Pascha multi laduntur ex nouo  
cibo.*

Respondetur, quia talis cibus nimis aui-  
dè comeditur, ergo replet stomachum, &  
sic stomachus difficulter potest digerere  
istum cibum, & sic eius immoderata com-  
estione

inestione multi moriuntur. Quia est regula Galeni & Hypocratis, quod gula interficit plures quàm gladius, ideo summopere valet moderatio cibi & potus.

*Quare sit malum differre in mensa, & paulatim diuersa cibaria comedere?*

Respondetur, quia quando vltimum apponitur, tunc primum incipit digeri, & sic partes in digerendo non æquantur, & cibus decoctus corrumpitur: hoc bene perpescunt Gallici, quia ad maius duo vel tria fercula comedunt: est tamen notanda regula de ordine cibariorum, quia si plura habentur fercula, quorùm quædam sunt subtilia in digestionem, sicut caro pullorum, hœdorū & vitulorum, oua mollia & subtilia, & huiusmodi, tunc illa subtilia debet præcedere. Sed crassa, Vt caro ceruorū, porcorū, vaccarum, assatura porcina vel vaccina, oua dura in patella frixa, debent post comedi. Ratio est, quia si præponerentur, tunc ipsa cito digesta, impedirent digestionem aliorum, & tunc subtilia iam digesta violenter retinerentur, & in stomacho corrumperebantur: ex quo sequitur eructatio, nausea, fastidium, & dolor capitis, dolor ventris, & magna sitis. Et per consequens est valde nocuum in eadem mensa comedere

dere lac, & bibere vinum, quia disponunt  
ad lepram.

*Quaritur, quid melius est stomacho, cibus  
vel potus?*

Respondetur, quod potus citius digeritur  
quàm cibus, quia cibus est magis ma-  
terialis quàm potus. Ergo cibus difficilius  
digeritur.

*Quare bonum est potare in prandio?*

Respondetur, vt potus temperet ci-  
bū & reddat eum aptum digestionem: quia  
olla repleta carnibus aut piscibus, si non  
habeat humiditatem, tunc sequitur illius  
pulmenti & ollæ destructio. Et stomachus  
habet se vt olla decoquens cibum. Ergo  
à Medicis est consultum inter prandia po-  
tare.

*Quare bonum sit cenam dimittere serotina?*

Respondetur, quod ideo, quia post coe-  
nam non sequitur motus, sic cibus non in-  
trat profundum stomachi, sed remanet in-  
digestus & sic inducit nocumenta: itaque  
bonum est cenam esse breuem & modi-  
cam. Vnde versus,

Cœna levis cœnæque brevis tibi sit,  
quia magna nocet.

Cœna nocet, medicina docet, res est ma-  
nifesta.

Et



## PROBLEMATATA.

87

Et magna coena stomacho fit maxima poena.

Vt sis nocte leuis, fit tibi coena breuis.

*Quare stomacho ieiuno vinum bibere sit valde insanum?*

Respondetur secundum Auicennam, quod talis sobria potatio vini dat magnū periculum in cerebro, & quandoque inducit morbum caducum vel apoplexiam.

*Quare aquam frigidam multum bibere est periculosum?*

Respondetur, quod vnum contrarium expellit & impedit reliquum, vt patet per Aristotelem primo de Generatione. Sed quia aqua est summè frigida, ergo veniens ad stomachū, impedit digestionem, & calorem digerentem.

*Quare bibere de nouo musto sit valde periculosum ipsi stomacho?*

Respondetur, quia est indigestibile. Ergo multum inflat ventrem, & sic aliquo modo prouocat dysenteriam, id est fluxum ventris sanguineum. Vnde versus, Impedit vrinam mustū, soluit cito ventrē.

Sed de vino bono bibere, est cōueniens Vnde versus.

Vinum sic clarū, vetus, subtile, maturum. Ac bene lymphatum, soluens, moderamine sumptum,

F. 4.

Quare

*Quare statim post prandium laborare prohibetur à Medicis iuxta hunc versum.*

Post mensam pauca, nec eas, nec stes sine causa.

Respondetur, quod huiusmodi triplex est ratio. Prima est, quia motus post prandium lædit virtutem digestiuam, & sic cibus indigestus depellitur. Secunda est, quia motus post prandium facit ut membra crudum attrahant cibum, quod statim est causa ægritudinis,

Tertia est, quia motus facit cibum descendere, antequam digeratur, & si homo inciperet ambulare post prandium, tunc motus paulatim incipiet. Sed post cœnam motus est bonus, quia post cœnam citò consequitur somnus. Ergo parum est spaciandum, ut per hoc cibus intret profundum stomachi.

*Quare de mane ante prandium sit bonum spaciari?*

Respondetur, quod talis motus dat membra commoda, & congrua ipsi spacianti, quia calorem naturalem fortificat, & facit descendere superfluitates stomachi. Itaque dicit Avicenna, quod dimittentes exercitium & motum, incurrunt hæcticam. Et ille motus patet in his versibus.

Anto

Ante cibum perge, motus primus moderatus.

Post coenam stabis, aut passus mille meabis.

*Quare, secundum doctrinam Auicennae & Hippocratis, vomere sit valde sanum?*

Respondetur secundum eos, quia purgat stomachum ab omni humore nocivo: nam ibi expellitur materia passiva, scilicet glauca vel viridis, quæ si in stomacho maneret, febrilia induceret. Etiam secundum Auicennam, Vomitus purgat oculos, purgat caput, & mundificat cerebrum.

*Quare somnus valde fortificat stomachum, & virtutem digestiuam?*

Respondetur, quia in somno viget calor naturalis, interius digestionem confortando. Sed calor in vigilia, manet circa locum sensuum, & in toto corpore dispersus.

*Quare homo patitur infirmitates, ut cibus & potus à stomacho receptus, in eadem qualitate & quantitate per inferiora expellantur?*

Respondetur, quod hoc est propter debilitatem virtutis naturalis, scilicet appetitiuæ vel attractiuæ, digestiuæ, retentiuæ & expulsiuæ, quæ infirmitas, lyenteria vocatur.

Nota differentiam inter lyenteriam, dya-



riam, & dysenteriam. Vnde versus:

Cruda lyen, simplex dyen, sed sanguine  
dysen.

### DE SANGVINE.

*Quare omne animal habens sanguinem, ne-  
cesse est habere hepar?*

**R**espondetur secundum Aristotelem,  
quod sanguis primò generatur in he-  
pate; eo quod hepatis est sedes sanguinis, se-  
cundum aliquos medicos, & attrahitur à  
stomacho per quasdam venas principales,  
quo generatur talis sanguis.

*Quare sanguis sit rubeus?*

Respondetur, quia assimilatur membro  
in quo generatur, scilicet hepatis, quod est  
rubei coloris. Etiam sanguis est dulcis,  
quia est bene digestus, & coctus, & parum  
de terrestritate sanguini admistum, causa  
est salsedinis in eo, ut patet per Philoso-  
phum in libris Meteororum.

*Quare mulieres habent spissiore sanguinem, quam viri?*

Respondetur, quod propter frigiditatem  
inspissantem. Frigiditas ex illa natura con-  
densat, coadunat, constringit, vel congelat,  
ut patet in libris Meteororum.

*Quare sanguis venit ad totum corpus ab he-  
pate, & per quem modum?*

Respondetur, quod per venas principa-  
les,

les, vt patet per hepaticam, cephalicam, medianam, & per venas capitales de quibus patet in libro Aphorismorum.

## DE VRINA.

*Quæritur, quomodo vrina venit ad vesicam, cum tamen vesica sit clausa?*

**A**liqui dicunt, quod sudando: & videtur esse verum, cum vrina non sit mortificatiua, ut patet per Aegidium. Ergo aliter, respondetur, scilicet, quod semipellicula quæ est in vesica, aperitur, & per eam intrat vrina, & quia illa pellicula est duplicata, ideo è conuerso clauditur. Et dicit Theophrastus, Vrina est nuncius non fallax, quia testatur de sanitate & agitudine animalis. Vt dicit Hippocrates in libro Aphorismorum, quod homines habent mane vrinam albam, & ante prandium rubeam, & post prandium candidam, & similiter post coenam. Et multi colores vrinæ de quibus nihil ad præsens.

*Quare hydro-pisis venit ab hepate?*

Respondetur secundum Constantinum, quod virtus digestiua in hepate, non potest materiam crassam conuertere in quatuor humores, sed conuertitur solum in aquam, quæ tumescit, & inflat hominem, & maxime ventrem.

DE

## ARISTOTELIS

92

### DE FELLE.

*Quare animalia habent fel?*

**R**esponderetur, quod ibi recipitur humor cholericus, qui suo acumine multum iuuat viscera, ad expellendum superflua: etiam iuuat ipsum stomachum, in digerendo.

*Quare ictericia venit à felle.*

Responderetur, quia humor fellis est glaucus & croceus. Igitur cum pori fellis obstruuntur, tunc ille humor non potest intrare sacculum fellis, sed miscetur cum sanguine vadens per totum corpus, inficiendo cutem.

*Quare equus, muli, asinus & coruus non habent fel?*

Responderetur secundum Aristotelem in libris de animalibus: quamuis illa animalia sic dicta, non habent fel in sacculo, habent tamen fel dispersum per paruas venas.

### DE SPLENE.

*Quare splen est caro nigra? ut patet sensu.*

**R**esponderetur secundum Aristotelem, in loco prius allegato, quod splen causatur ex materia terrestri: id est, ex materia nigra: Modò effectus assimilatur suae causae.

Aliter responderetur secundum Medicos, quia



quia splen est referuaculum melancholiæ.  
Modo melancholia, est nigra cholera.

*Quare homo habens magnum splenem, fit  
macer.*

Respondetur, quia splen multam trahit  
ad se materiam, quæ debet transire in pin-  
guedinem. Itaque per oppositum, homi-  
nes parui splenis pingues efficiuntur.

*Quare splen facit ridere?*

Vt dicit Isidorus, Splene ridemus, felle  
irascimur, corde sapimus, iecore amamus  
& cerebro sentimus, vt etiam tangit Ebar-  
dus capitulo de verbis.

Cor sapit, & pulmo loquitur, fel com-  
mouet iram.

Splen ridere facit, cogit amare iecur.

Respondetur, valde naturaliter, quia  
splen attrahit ad se melācholiā, eo quod  
est proprius locus eius, quæ melācho-  
lia est causa tristitiæ, & illa ibi consumi-  
tur, & sic deficiente causa, deficit & effe-  
ctus. Quod autem melancholia est cau-  
sa tristitiæ patet per Aristotelem in pro-  
œmio de Anima, itaque illa consumpta  
sequitur oppositum tristitiæ, scilicet gau-  
dium. Et eadem de causa fel facit irasci,  
quia cholericī sunt iracundi, quia mul-  
tum habent de humore fellis. Et nota pro-  
dilucido intellectu illorum, quatuor hu-  
mores

mores sunt in homine; scilicet sanguis, cholera, phlegma, & melancholia, quorum quilibet habet speciale reservaculū, & membrum speciale in quo reservatur, & conservatur. Unde ex parte materiæ siccæ & calidæ generatur cholera quæ vadit ad fel, ubi habet locum in quodam sacculo: Sed ex parte materiæ frigidæ & siccæ generatur melancholia, quæ vadit ad splenem, tanquam ad suum receptaculū, secundum Medicos: ex parte materiæ frigidæ & humidæ generatur phlegma, quod vadit ad pulmonem, tanquam ad suum receptaculū, vel secundum Medicos, ad splenem: sed sanguis qui est nobilissimus humor, dicitur generari in hepate, & ibi videtur suus proprius locus.

#### DE COITU.

*Queritur, quare coeunt animalia?*

**R**espondetur secundum Avicennam, secundo de anima super illam litteram. Naturalissimū quidem operū in viventibus est, generare sibi simile in specie, quod fit propter conservationem speciei. Quia si coitus non esset, omnes species dudum perissent.

*Queritur, quid sit coitus?*

Ref-

Respondetur, quodd coitus est mutua actio maris & foeminae, per instrumenta ad talem actum deputata, ad seruandam speciem. Et ideo dicunt Theologi, quodd quando coitus non fit propter generationem sibi similem, tunc est maximum peccatum.

*Quare coitus temperatus sit conueniens, saltem quibus licitum est?*

Respondetur secundum Auicennam & Constantinũ in libro de Coitu, quodd coitus alleuiat corpus, animum exhilarat, caput & sensũ cõfortat, aufert multas agitudines melancholiae, quia expellit fumum spermatis de cerebro, & expellit materiam apostematicam. Itaque secundum Auicennam tertio Canonis: ex dimissione Coitus: aliquando causatur tenebrositas oculorũ, & vertigo capitis. Vnde sperma viri ultra debitum tempus retentum, conuertitur in venenum.

*Quare distemperatus coitus & nimis assiduus sit nociuus?*

Respondetur, quia destruit visum, & corpus exiccat. Quia dicit Aristoteles secundo de Generatione Animalium, Luxuria est emissio purae humiditatis, & cerebrum cõsumit. Et inducit febres acutas, secundum Auicennam, vt expertum est.

Et



Et maximè abbreviat vitam, secundum Aristotelem, in libro de longitudine & breuitate vitæ. Et hoc declarat Albertus de passere, qui propter nimium coitum, tantum peruenit ad tertium annum.

*Quare melancholicis & cholericis, & in vniuersum macris, valde nocet coitus.*

Respondetur, quia eos multum exiccat cum ex se sint sicci ipsi, inducit siccitatem. Per oppositum phlegmaticis & sanguineis multum prodest coitus, vt dicit Auicenna, quia in eis multum aufert de tali materia, quæ necessario à natura expellenda est. Quamuis Aristoteles dicit, quod omne animal pingue sit pauci spermatis, quia materia transit in pinguedinem.

*Quare fœmella animalium brutorum non appetunt coitum post imprægnationem.*

Respondetur secundum Albertum, quia tunc matrix fœminæ est clausa, & mēstrua tunc sunt retenta, ergo appetitus circa illa cessat.

*Quare tunc mulieres, & equa post imprægnationem appetunt coitum? vt dicit Aristoteles in libris de Animalibus.*

Respondetur secundum Galenum de muliere: quod recordatio iuuat ad coitum. Et quia mulieres recordantur delectationem in coitu præcedenti habitam, & sic appe-

appetunt coitum.

Sed de equa respondetur, quia est animal multū vorax: quare habet in se multas fumositates distemperatas, ergo appetit alium sperma, eo quod omne simile appetit suum simile.

*Quare repleto corpore non est coeundum?*

Respondetur secundū Aristotelem, quia prohibet digestionem. Similiter non bonū est ventri famelico, quia ille coitus valde debilitat corpus animalis.

*Quare non sit bonum post balneum coire?*

Respondetur, quia tunc pori sunt aperti, & calor per totum corpus est dispersus. Ergo coitus sequens balneum, maximè frigefacit ipsum corpus.

*Quare post vomitum, & post solutionem ventris, minimè valet coitus?*

Respondetur, quia est valde periculosum facere duas purgationes in vno die, ut dicit Hypocrates & Galenus. Sic est de coitu & solutione ventris, cum renes per coitum purgantur, & intestina per vomitum.

*Quare animalia agrestia, in coitu sunt furibunda?*

Quod patet in ceruis, qui tunc maximè clāmat & vociferantur, ut etiam patet de asinis, qui tunc solent insanire, ut dicit

G

Con-

Constātinus ex autoritate Hyppocratis.

Respondetur, quia tunc membra sunt maximè incensa ex appetitu Venereo, natura laborat ad expellendum superflua, quæ in sensu disponunt ad iram, & ad furorem. Ergo post coitum sunt statim mansueta.

*Quare in coitu est tanta delectatio?*

Respondetur, quia coitus est opus despectum in se, totum malum, & valde immundum, ita quod omnia animalia naturaliter abhorrent illum actum. Et si non esset tanta delectatio in eo, nunquam fieret actus coitus, quia talis actus immundus est, & maliciosus. Itaq; natura in tali delectatione sic libenter exercetur, vt species rerum possit conseruari.

*Quare frequenter coeuntes non habent tantam delectationem, sicut raro coeuntes?*

Respondetur, quòd fit propter tres rationes. Prima ratio est, quia meatus seminis est nimis largus & amplius, ergo semen non facit ibi moram, ex cuius mora inducitur delectatio. Secunda ratio est, quia illis semper coeuntibus, propter continuum coitum est paucitas seminis, & sic iterum non facit delectationem. Tertia ratio est, quia in illis aliquando loco seminis, emititur sanguis crudus, & indige-



stus, vel alia materia aquosa, & quia hæc materia non est calida, ergo non facit talem delectationem.

*Queritur virum coitus potest fieri per os, scilicet quod animalia concipiant per os? Vnde dicunt quidam de cornicibus, quod osculando se rostro coeant, & concipiant. Et quidam dicunt, quod mustella concipit & parit per os.*

Respondetur, secundum Aristotelem in libris de animalibus, quod ille sermo est penitus falsus & fictus: quia licet columbe rostris se contrectent, tamen ex hoc non concipiunt, nec etiam sic coeunt. Etiam quia mustella semper portat in ore foetum suum de loco ad locum, itaque ipsi putant quod pariat per os. Vnde Aristoteles ita declarat & arguit. Quicquid intrat per os, hoc digerendo consumitur. Sed si semina per os intrarent, tunc digerendo consumerentur. Ergo, &c. Maior patet, quia non est debilis instantia, sed consequentia tenet in Dant. 299. 58100 6 35.

*Sed diceret fortis aliquis, Tamen beata Virgo concepit per aurem, scilicet per verba. Ergo etiam possibile est, quod aliqua mulier concipias per os.*

Respondetur, quod hoc non fuit naturale, sed supra naturam, & miraculose, &c. de illa conceptione nihil est ad propositum.

Vnde dicit venerabilis dominus Albertus:  
Quid mihi de Theologia, cum Phisice lo-  
quor.

### DE SPERMATE

*Queritur vnde generatur semen viri.*

**R**espōdetur, quod de hoc sunt diuersæ o-  
piniones Medicorū, Philosophorū: &  
dicunt quidā, quod sit humor superfluus  
quartæ digestionis. Et aliqui dicunt, quod  
sperma sit sanguis purus, à cerebro fusus &  
est decoctū, & in testiculis dealbatū. Sed al-  
ij dicunt, q̃ sit superfluū secundæ & ter-  
tiæ digestionis, Sed quia similia sunt sudor,  
vrina, sputum, phlegma, cholera, ergo dicit  
Aristoteles in libris de Generatione ani-  
malū, quod sperma semper est superfluum  
vltimi nutriti, scilicet sanguinis, per totū  
corpus dispersi. Sed tamen præcipue dif-  
fundiur & deceditur à membris principa-  
libus, scilicet à corde, hepate & cerebro.  
Et huius signum est quia talia membra in  
digestione virtutis seminalis maximè de-  
bilitantur, & ex illo patet, quod coitus sit  
minimè proficiuus. Sed tamen aliqui asse-  
runt, quod prædicta sunt intelligenda de  
coitu excedenti, sed non de moderato.  
Notanda sunt aliquæ virtutes, quæ lucide  
patent

patet in his metris de moderato coitu. Vnde versus.

Alleuiat corpus coitus moderamine factus,

Quibus sit licitus, quibus non, valde noticius.

Quare semen viri est album, cum tamen semen mulieris sit rubeum?

Respondetur, quod in viris est album, propter magnam caliditatem, & est magis decoctum, quia in testiculis dealbatur, quorum caro est alba sicut & caro mamillarum. Sed semen mulieris est rubrum, quia est superfluum secundae digestionis, quae celebratur in hepate quia hepar est membrum rubeum. Igitur, &c.

Aliter respondetur, quia menstruum est sanguis corruptus & indigestus ergo habet colorem sanguinis.

Quaritur, virum sperma decidatur, à membris vel ab humoribus?

Respondetur secundum aliquos, quod à membris, sicut iam dictum est. Et hoc sic probatur, quia sensibilibiter videmus, quod claudus generat filium claudum, & pater habens cicatricem, generat filium habentem cicatricem, ut dicit Aristoteles in libris de Animalibus: & hoc non fieret, si non esset decisio à membris. Sed tamen



alii dicunt quoddam decisio fit ab humoribus, quia fit ab ultimo nutrimento. Modò nutrimentum non est membrum sed humor.

Sed ad primam opinionem, de patre truncato respondetur quoddam Aristoteles secundo de Generatione Animalium vult, quoddam hoc fiat propter imaginationem matris tempore coitus.

*Quare imaginatio matris de Aethiope, generat filium nigrum.*

Et hoc etiam est verum de alijs opinionibus. Vnde refert Albertus Magnus, quoddam quedam regina in coitu imaginabatur Aethiopem prope lectum depictum imagine magna & distorta, & sic concepit & peperit filium nigerrimum.

Ad hoc respondetur secundum Avicennam, quoddam imaginatio de casu facit homines cadere, & de lepra facit hominem leprosum. Sic etiam in proposito, imaginatiua est superior formatiua foetus. Et tale praecipit formale, quale scilicet imaginatum est.

*Quaeritur, utrum semen viri ingrediatur substantiam & materiam foetus?*

Respondetur, quoddam utrumque semen, tam patris quam matris materia, intrat substantiam embryonis. Quia ut lac coagula-

tum

tum intrat substantiam casei, ita habet se-  
 sperma vt coagulum, & menstruum ple-  
 nitudinem habet lactis. Sed illa opinio  
 non videtur valere. Ergo respondetur se-  
 cundum Aristotelem, & secundum alios  
 Philosophos, quod semen viri non intrat  
 substantiam fœtus: quod probatur sic, quia  
 sic materia & causa efficiens coinciderent,  
 quod est contra philosophum. Valet con-  
 sequentia, quia semen viri non intrat sub-  
 stantiam fœtus, ed quod est principium  
 efficiens ipsius pueri. Sicut domus stru-  
 ctor est causa efficiens, & principium ipsius  
 domus. Item alio modo probatur, quia ea-  
 dem est materia nutrimenti & generatio-  
 nis, secundo de Anima. Quia ex eisdem  
 sumus & nutrimur, ideo sperma non po-  
 test esse materia nutrimenti, secundum  
 Auerroem.

Vnde secundum rei veritatem respon-  
 detur, quod semina ambo clauduntur in  
 matrice. Sed semen viri disponit semen  
 mulieris ad receptionem formæ seu ani-  
 mæ, quo facto, conuertitur in humidū, &  
 exalatur per poros matricis, quod pater,  
 quia solum menstruum est materia fœtus.

*Quare matrix auidē & cupide attrahit se-  
 men?*

Quia vt dicit Auerroes secundum Col-  
 G 4 ligamentum

liget capite decimo . Fuit quædam puella in balneo, vbi sperma iactum fuit, & illa puella ab attractione seminis concepit & peperit.

Respondetur secundū Auerroem, quodd matrix & natura specifica, attrahit ipsum semen, vt magnes ferrum, & agathes chalybem, sic attrahit ipsum ad suam perfectionem propriam.

### DE MENSTRUIS.

*Quare mulieres habent menstrua?*

**R**espondetur secundum Medicos, quia sunt frigida respectu virorum. Ergo totum nutrimentum non potest conuerti in eorum sanguinem, itaque magna pars transit in menstruum. Quia omni mense à qualibet muliere eius ætatis, & sana, expelluntur: quia ante tredecimum annum non fluunt, etiam de sana. Quia aliquæ mulieres infirmæ non patiuntur menstrua.

*Quare menstrua fluunt à mulieribus?*

Respondetur, quia menstruum est materia venenosa . Nam dicit Aristoteles in Generatione animalium, quodd mēstruum recens & fluens, si tangat arborem vel ramum arboris virentem, talis arbor decrescit vel deficit. Item dicit Aristoteles: Si canis gustaret de menstruo, tertia die esset rabi-



rabidus: & si muscæ tangantur ab ipso, illo die moriuntur. Itaq; natura sagax omni mense expelli voluit a mulieribus menstruum tanquam inimicum vitæ contrarium. Ergo retentum à mulieribus ultra debitum tempus, secundum Aristotelem, inducit pessimas infirmitates, scilicet syncope, & extasin.

*Quare ante tredecimum annum non fluunt menstrua?*

Respondetur, quia iuenculæ sunt calidæ, ita scilicet, quod bene digerunt totum cibum. Ergo menstruum in eis non generatur ante illud tempus, & per consequens non expellitur, & hoc est verum, nisi bonitas vel malitia complexionis impediat.

*Quare mulieres post quinquagesimum annum, non patiuntur menstruum? Ut patet in metris?*

Adde decem tribus, mulierum menstrua cernis.

Ad quinquaginta durat purgatio tota.

Ibi respondetur, quod mulieres veteres sunt steriles, ergo non habent menstrua.

Aliter respondetur, & melius, quia tunc natura est debilis, & sic non potest ipsum expellere, præ nimia debilitate. Ergo generantur in eis maximæ quantitatis immu-

dities, in vna massa, & sic efficiuntur ita immunda, vt suo anhelitu inficiantur homines, & ergo tunc in eis tussis abundat, & alia mala. Ergo secundum consilium Medicorum, abstinendum est à talibus ventulis.

*Quaritur, quare mulieres taliter existentes, veneno non inficiant semetipsas?*

Respondetur, quia venenum non agit in seipsum, sed in aliud sibi obiectum.

Aliter respondetur, & melius, quia consuetum est mulieribus talem naturam habere, ergo eis non nocet. Refert enim Albertus Magnus de quadam puella, quæ in Colonia ad ipsam ducebatur, Comedit omnes araneas, nil ei nocentes, sed fuerunt ei cibus aptissimus. Et dicit Aristoteles in libris de Regimine principum ad Alexandrum regem, & narrat illi de quadam puella, quæ in iuuentute fuit nutrita veneno. Et hoc dicit Commentator in secundo Physicorum, Quod quidam homines consueverunt comedere venenum sic, quod erat eis cibus quotidianus.

*Quare mulieres imprægnatae non patiuntur menstrua?*

Respondetur, quia tunc menstruum transit in lac, & in nutrimentum foetus. Ergo mulier imprægnata quoniam pati-

tur

## PROBLEMAT. 109

tur menstruum, hoc est signum abortionis.

*Quare tribus primis mensibus, menstruum mulieris imprægnatæ adhuc fluit?*

Respondetur, propter paruitatem & nonnitatem pueri; quia ad huc non potest sumere totam materiam menstrualementem.

*Quare foemellæ animalium brutorum, ut volucrum & piscium, non patiuntur menstrua?*

Respondetur per Aristotelem & Albertum, quod in brutis talibus menstruum transit in materiam pilorum: in piscibus transit in squamas: & in auiibus in plumas. Et ex hoc considerandum est sic esse verum, quia inter bruta animalia foemellæ frequenter magis sunt hirsutæ, quam masculi: & foemellæ piscium magis sunt squamosæ: & foemellæ auium magis sunt pennosæ, &c.

*Quare menstruum recipit nomen à mense?*

Respondetur, quia est spacium temporis mensurandi motum Lunæ. Quia Luna motum suum perficit in viginti nouem diebus: & quatuordecim horis. Modò Luna habet dominium in humidum, ut patet secundo Metheorum. Sed quia menstruum est humidum, ergo capit denominationem à mense. Nam humidum crescit Luna crescente, ipsa deficiente, deficit.

*Quare*



Quare quædam mulieres diutius patiuntur  
talem fluxum, & quædam breuius: quædam per  
sex dies, quædam per septem, aliæ vero per tres,  
ut frequenter in omnibus?

Respondetur, quod primæ sunt frigi-  
diores, ergo plus generatur in eis de men-  
struo, & per consequens longiore tempo-  
re expellitur, & aliæ sunt calidiores, ergo  
minus generatur, & in breuiori tempore  
expellitur.

Queritur, ubi reservatur menstruum ante flu-  
xum?

Dicunt aliqui, quod in matrice, sed  
Auerroës hoc probat, & dicit, quod ma-  
trix est locus generationis, sed tale men-  
struum ad generationem nihil facit. Res-  
pondet ipse, sicut dicebatur de fluxu hæ-  
morrhoidum, scilicet, quod quædam venæ  
circa spinam dorsi ipsa menstrua referuat.  
Et huius signum est, quia mulieres istæ  
tempore menstrui maximum patiuntur  
dolorem dorsi, propter eius expulsionem à  
natura.

Queritur, utrum menstruum, quod omni tem-  
pore expellitur, & menstruum, de quo factus ge-  
neratur, sint idem?

Respondetur, quod non: quia primum  
est impurum, & malè dispositum ad ge-  
nerationem, sed secundum est valdè pu-  
rum

tuni & clarum: itaq; sanguis ille est aptus generationi.

*Quare mulieres impregnata tempore menstrui, generant filios leprosos & imbecilles?*

Respondetur, quia menstruum est venenosum, imò venenosissima est mulier menstruosa. Modò vt patet in libro de Causis. Causa relucet in effectibus: Etiam per philosophum, Effectus gerit aliquam similitudinem suæ causæ. Ergo ille natus tale disponitur.

*Quare mulieres non vniformiter, eodem tempore mensis, patiuntur menstrua? quia quædam in novilunio, quædam in plenilunio, quædam in defectu Luna.*

Respondetur, quòd propter diuersas complexionones mulierũ. Vnde licet omnes mulieres respectu virorũ sint phlegmaticæ, tamen mulieres inter se sic se habent, quòd vna est magis sanguinea, alia magis cholericæ. Et quomodo qualibet lunatio habet quadras, sic illæ habent quatuor complexionones: prima est sanguinea, secunda cholericæ, &c. Mulier sanguinea patitur in prima quadra: cholericæ in secunda: melancholica in tertia: & sic de alijs.

*Quare mulieres sanguineæ patiuntur fluxum menstrui in prima quadra?*

Respon-

Respondetur secundū Galenum in libris Aphorismorum, & secundum Gilbertum in sex principijs, Quod omne tale additum suo tali, facit ipsum magis tale. Ergo prima quadra Luna mulieri sanguineę auget sanguinem, ergo tunc sic expellitur.

Etiā respōdetur, quod Luna noua recipit iuuenes: quia tales sunt magis sanguinei quā sēnes, iuxta hunc Versum. Luna vetus veteres, iuuenes noua Luna requirit.

Quare tam frequenter omnes mulieres in fine mensis patiuntur menstruum?

Respondetur, quia generaliter omnes mulieres sunt phlegmaticę. Modō ultima quadra est phlegma.

Aliter respondetur, quod hoc est propter defectum, ergo in eis frigiditas operatur ad multiplicandum illam materiam, & materia multiplicata tunc expellitur.

Queritur, quare in tali fluxu mulieres patiuntur dolores?

Responderur, quia est similis dolori strangurię, id est, proiectionis vrinę paulatim & guttatim. Quia sicut strangurię quę fit potu indigesto, vias vrinales, subtiles lędit, sicut contingit post balneum: sic etiam materia menstrualis est, quę terrestres & indigesta lędit vias, per quas digerit



digeri debet, & transi.

*Quare post fluxum menstrui, mulier facile concipit?*

Respondetur, quia tunc melius est disposita ad conceptionem, quia est mundata à menstruis. Vnde legitur in Exodo, Cum Iudæi essent in Aegypto, breui tempore augebantur super Aegyptios. Huius non fuit alia ratio naturalis, nisi quod viri Iudæi non coibant cum mulieribus suis, nisi essent purificatæ & mundatæ à menstruo, quia tunc erant aptæ ad concipiendum.

*Quare dolor mulierum menstruosarum minuitur in pallorem?*

Respondetur, quia tali tempore calor recedit ab omnibus membris exterioribus, ad mēbra interiora, ad iuuandum naturam, & expellendum menstrua, quæ priuatio caloris facit pallorem in facie.

Aliter respondetur, quia menstrua sunt crudi humores, ergo ipsis fluentibus possunt decolorare faciem, & per consequens inducunt pallorem.

*Quare mulier menstruosa abhorret cibum capere?*

Respondetur, quia natura plus laborat ad expulsionem menstrui, quam ad digestionem, ergo si caperet cibum, ille manet

ret crudus: ergo natura sagax hoc non admittit.

### DE STERILITATE.

*Quare quædam mulieres sunt steriles, nec concipiunt?*

**R**espondetur secundum Medicos, quod propter multas causas. Prima est, quia aliquando ex parte viri est defectus, scilicet quando vir est frigida naturæ, quia tunc semen eius est ineptum generationi. Secunda causa est, quia semen eius est aliquoties aquosum, non faciens moram in matrice. Tertia quia semina viri, & mulieris non habent eandem proportionem, ut si vir est melancholicus, & mulier sanguinea: vel si vir est cholericus, & mulier maximè phlegmatica. Quia ut patet ex primo de Generatione animalium, & secundo de Anima: Agens & patiens debent habere eandem proportionem, alias actio impeditur.

*Quare mulieres pingues raro concipiunt?*

**R**espondetur, quia habent matricem lubricam per quam semen receptum labitur nec retinetur.

Aliter respondetur quia tales pingues habent orificia matricum valde stricta, ita quod semen impeditur, & si intrat, tunc tardè intrat, ita quod semen medio tempore

pore frigescit, & sic non valet ad generationem, seu in materiam carneam resoluitur.

*Quare mulieres nimis calidae raro concipiunt?*

Respondetur, quia semen in eis receptum extinguitur, & corrumpitur, ac si pauca aqua in magnum ignem fundetur. Ergo videmus, quod mulieres feruenter appetentes luxuriam & libidinem raro concipiunt.

*Quare mulieres publica, vt meretrices, non concipiunt?*

Respondetur quod est propter diuersa semina, ex quibus earum instrumenta concipiendi destruuntur, & lubrica efficiuntur, ita quod natura seminalis non retinetur. Vel etiã, quia vnum semen destruit aliud, ita quod nullum valet ad generationem.

Vnde versus.

Impedit & semen aliud simul & mediante.

Quo impedito, sequitur destructio prolis.

Item nota, vt patet per Albertum, quod summum remedium est ad cõceptionem, recipere matricem leporis puluere asperam, & purificatam in potu, quæ à tota natura specifica operatur ad conceptionem.



## DE CONCEPTIONE.

*Quare quædam mulieres concipiunt masculos?*

**R**esponderetur secundum Constantinum & Aristotelem, Quod si semen cadat ad dexteram partem matricis tunc generatur masculus, quia hæc pars est calidior, & calor secundum prædicta operatur ad generationem masculi. Ergo secundum Albertum, Quando dextra pars mulieris maximè tumet, est signum masculi in utero. Sed alij assignant aliam causam, scilicet quando semen patris habet dominium super semen matris, tunc generatur masculus: sed quando est è cōuerso, tunc generatur foemella.

*Quare quædam mulieres concipiunt famellæ?*

Responderetur, quia semen est elapsum ad sinistram partem matricis, quæ est frigidior ratione splenis adiacentis, quia splen cooperatur ad frigiditatem, & illa est causa foemellæ. Item ut dicit Albertus, Quando mulieres post coitum iacēt in dextro latere, concipiēt masculum, si autem in sinistro, cōcipiēt foemellam. Quia semina reclusa ad illam partem matricis fluunt, in qua mulier iacet, tunc talis foetus illic formatur.

*Quare mulier habet matricem?*

Respon-

Respondetur secundum Auerroem, in libro qui dicitur Colligamentum, Quia est proprius locus generationis, illa est sita in medio mulieris. Quia sicut ad cloacā fluunt omnes immunditiæ ciuitatis, ita ad matricem fluit sanguis menstruosus & immundus.

*Quare quadam mulieres portant pueros longos & graciles, & alix portant breues & spissos?*

Respondetur secundum Auerroem, uti supra, & etiam secundum Galenum, quia puer formatur secundum quātitatem matricis. Sed quia aliquæ mulieres habent matricem longam & strictam, ergo pueri erunt longi & graciles: sed alix per oppositum dicuntur habere matricem oppositam, ergo etiam pueri per oppositum disponuntur.

*Quare mulier aliquando concipit gemellos?*

Respondetur secundum Galenum in libro de Natura humana, Quia in matrice sunt septem cellulae receptacula seminis, & tot possunt naturaliter generari pueri, in quot cellulas semen ceciderit, & diuisum fuerit: quia tres cellulae sunt in dextro latere, & illic generantur tres masculi, & tres sunt in sinistro latere, in quibus generantur tres foemellae. Sed alia

est in medio istarum, vbi antiqui autentici dicunt generari Hermaphroditem, id est hominem habentem membrum vtriusque sexus, Si ergo mulier pareret ultra septem pueros, hoc potius fieret miraculose quam naturaliter.

*Quare gemelli sunt semihomines, & non ita fortes sicut alii, vt dicunt leges, ipsi pro dimidio homine in duellis depugnantes?*

Respondetur, quia semen & materia, quæ deberet transire in vnum foetum, cecidit in duos: & ergo debilitantur, & secundum rei veritatem, non diu sanè frequenter viuunt.

#### DE HERMAPHRODITIS.

*Quaritur, quomodo generantur hermaphrodita?*

**R**espondetur per talē modum, quia in matrice sunt tres cellulæ principales, vna in dextro latere, alia in sinistro, tertia verò in medio, in quā semen elapsū, dicitur generare hermaphroditem per talem modum. Quia natura semper tendit ad melius, ergo intendit semper generare masculum & nunquam foemellam. Quia foemella est vir occasione natus, & monstrum in natura, vt patet in libro de Animalibus. Ergo quandoque generatur masculus, quo ad omnia



nia membra principalia : sed tamen propter malam dispositionem matricis, & obiecti, & secundum inæqualitatem seminis, cum non posset perficere masculum perfectum, sic generat foemellā, vt hermaphroditem: Itaque dicunt naturales, quod hermaphrodites sit impotens in membro virili, vt patet per experientiam.

*Quare natura non disponit in eo duo membra virilia, vel duo foeminalia, sed semper vnum virile, & aliud foeminale?*

Respondetur, quia natura tunc faceret aliud frustra, quod est contra Aristotelem in multis locis, scilicet in tertio de Anima, & quarto Metaphysicorum, vbi dicitur quod natura nihil facit frustra & Deus.

*Quæritur, virum ille sit habendus pro viro vel muliere?*

Respondetur, consideranda est quantitas vnius membri, per quātitatem alterius membri, & debet considerari in quo membro sit potens in actu Venereo: & si secundum actum muliebrem, tunc est mulier: si secundum actum virilem, tunc est vir.

*Quæritur, vtrum debes baptizari nomine viri vel mulieris?*

Respondetur, quod nomine viri. Ratio est, quia nomina imponuntur ad placitum, & secundum nomen dignius debes

baptizari. Quia omnis vir dignior est muliere: quia omne genus praestantius est suo passo, ut dicit Aristoteles tertio de Anima.

*Quaeritur, virum debeat stare in iudicio loco viri vel mulieris?*

Respondetur secundum regulam Iuris quoddammodo debet iurare, antequam admittatur ad iudicium, quo membro posset uti & secundum hoc est admittendus, iuxta usum & potentiam illius membri. Et si uteretur ambobus membris aequaliter, tunc secundum sanctam matrem Ecclesiam est tollendus.

Ex quo etiam quaeritur, & soluitur tale Problema, Vtrum ipse possit promoueri ad sacros ordines? Et respondetur secundum iam dicta.

### DE MONSTRIS.

*Quaeritur, an natura facit monstra?*

**R**espondetur, quod sic, ut patet secundo Physicorum: quia si non tunc priuaretur suo fine, nam ex possibilibus semper intendit producere id quod melius & perfectius est, sed tandem ex mala dispositione materiae, & influxu constellationis specialis, non potens est perficere, & sufficienter producere intentum: ergo producit illud quod potest. Ut contingit temporibus

bus Alberti, quod in quadam villa vacca peperit vitulum semihominem, tunc rustici suspicantes de pastore, ipsi rei causam variam imposuerunt, & tandem ipsum cum vacca volebant cremare. Sed Albertus Astronomiae expertus, agnosens rei veritatem, ex constellatione speciali hoc factum esse dixit, & pastorem a manibus eorum redemit.

Hæc sunt verba Alberti :

Vidimus biconcorpora eorum in nullo erant coniuncta, nisi dorso, & habebant duo capita, quatuor pedes, quatuor manus & ibant ad quamcunque partem vertebantur. Verba Alberti : Vidimus hircum non habentem alios, nisi pedes anteriores, & partem posteriorem, scilicet, culum, & trahit post se super terram. Verba Alberti : Narrauerunt nobis, quod duo homines fuerunt in dorso coniuncti, & erant contrarie complexionis, & cum vnus fuit furibundus, alter fuit mansuetus, & vixerunt per duos annos, & vnus prius moriebatur, alter verò tam diu superuixit, donec ex foetore infectus moriebatur.

*Quæritur quomodo fiant hæc.*

Respondetur quod per talem modum, quia semen funditur ad cellulas matricis, quod pro generatione duorum sufficit : tunc

mutuo

H 4

fortè



fortè quandoque contingit quod interstitium pellis, medians inter duas cellulas rumpitur, & in dorso ramificantur & coniunguntur, habentes duo capita distincta.

*Quæritur, utrum sit unus homo vel duo?*

Respondetur secundum Aristotelem, respiciendum est ad cor, unde quando sunt duo corda, duo sunt homines.

*Quare aliquando homo generatur cum magno capite, vel cum sex digitis in una manu, vel cum quatuor pedibus?*

Respondetur secundum Albertū, Quod est propter superfluitatem, & nimiam abundantiam materiæ. Unde quando materia superfluit, tunc generatur caput nimis magnum, vel sex digiti, vel quatuor pedes, vel aliorum superabundantia membrorum: Sed quando materia deficit, tunc generatur membrum minus quam deberet, vel pauciora membra. Et sic Albertus & Auerroes distinguunt, secundo Physicorum, quantitatem discretam, & continuam.

*Quare mulier sit monstrum in natura?*

Respondetur ex secundo Physicorum, omne occasione natum, est monstrum. Sed mulier occasione producta est, ergo, &c. Minor probatur, quod natura nunquam

quam intēdit generare foemellā, sed ſēper  
maſculum. Sed natura generat quādoque  
foemellā, propter materiæ malam diſpoſi-  
tionem, vt prius dictum eſt.

DE INFANTIBVS.

*Quare quidā in totum aſſimilantur patri, qui-  
dam in totum matri, quidam vtrique, quidam  
neutri parentum?*

REſpondetur ſecundum Ariſtotelem, ſi  
ſemen patris in totum ſuperat ſemen  
matris, etiam puer in totū aſſimilatur pa-  
tri. Si autē per oppoſitum, tunc matri. Sed  
quandoque neutri aſſimilatur, & hoc con-  
tingit varijs de cauſis: quandoque ex di-  
ſpoſitione primarum qualitatum, quando-  
que ex influxu conſtellationis cœleſtis. Et  
ſic refert Albertus Magnus exemplū,  
quodd quodam tempore erat bona conſtel-  
latio pro generatione porcorum, & gene-  
rabatur homo habens faciem inſtar porci,  
ſecundum hoc producuntur monſtra di-  
uerſimodē.

*Quare pueri frequentiſſe aſſimilantur patri  
quā matri?*

Reſpondetur, quodd hoc eſt propter ima-  
ginationem matris de diſpoſitione patris  
in coitu. Vnde ratione fortis imaginatio-  
nis, de qua memoratur tēpore concep-  
tionis, pueri maximē attrahunt eiſ diſpoſi-

tionem. Aut color est, vt superius patuit de regina, imagināte imaginem nigram, quæ peperit filium nigrum. Et rursus patuit de quadam regina Aethiope, quæ tempore conceptionis imaginabatur de albiſſimo colore, & tunc peperit filium album. Et idem habetur ex artificio Iacob, qui virgas discoloratas miſit in aquas tempore commixtionis ouium,

*Quare pueri aliquando aſſimulantur auiſ & auis, plusquam parentibus?*

Reſpondetur naturaliter, quia virtus auorum eſt impoſita in cordibus generantium, & poteſt dici, quod fit aliquando ex ſimilitudine nutrimenti, & tunc foetus formatur ex ſimilitudine auorum.

*Quare membra pueri ſunt diuerſis modis diſpoſita, quadam molliora?*

Reſpondetur, quod hoc eſt propter dominium diuerſorum elementorum, quia oſſa fiunt ex materia terreſtri, ergo ſunt magis dura. Sed medulla & cerebrum, fiunt ex materia magis aquoſa, ergo ſunt magis mollia. Sed ſpiritus vitales & animales generantur ex materia magis ærea, & hoc intelligitur de eorum membris, ex quibus reſultant, ſicut hepar & cor, in quibus principaliter ſpiritus vitales exiſtunt.

*Quare*

*Quare*



*Quare secundum vsum & cursum naturæ  
pueri exeunt utrum maternum nono mense?*

Respondetur, quia tunc foetus est in totum perfectus, vel hoc ideo contingit, quia tunc regnat planeta mollissimus & bene uolus, scilicet Iupiter, quia est amicus naturæ. Nam secundum Astronomos, ipse est calidus & humidus, itaque temperat malitiam Saturni frigidi & ficci. Et ideo omnes pueri generati in nono mense, sunt sani frequentius.

*Quare pueri exeuntes in octauo mense, tam frequenter moriuntur, & illi pueri dicuntur factus Luna?*

Respondetur, quia Luna est planeta frigidus, habens dominium in foetum, ergo sua frigidity stringit foetum, ita quod oportet eum mori.

*Quare puer exiens statim flet?*

Respondetur, quod propter subitam præparationem à caliditate ad frigiditatem, quæ frigiditas maximè lædit suam ténertatem. Sed alia ratio esse potest talis, quia tunc pueri habent membra mollia & tenera, quæ comprimuntur, cum exire debent per portam matricis strictam & angustam. Et præcipuè cerebrum humidum, capite compresso, de se facit stillare quosdam humores, qui patientes exitum per

per oculos, causa sunt fletus & lachrymae. Sed Theologi assignant aliam causam, videlicet quod hoc fit propter transgressionem primorum parentum, & propter peccatum originale.

*Quare puer cum exit ponit digitum in os?*

Respondetur, quia puer exiens à matrice, exit à calido balneo, ergo intrans frigiditatem, ponit digitum in os, propter defectum caliditatis.

*Quare mulieres asserunt, quod puer clamans in utero est malum signum?*

Respondetur, quod est malum, eo quod non vivus exit. Ergo dicunt Theologi, quod dum puer cognoscit se privari diuino intuitu, propter carentiam baptismi, tunc clamat. Sed naturaliter respondetur, quod clamor est signum suae passionis: quia si maxime non pateretur, non clamaret.

*Quaritur quomodo puer exit de utero?*

Respondetur quod primo caput exit, & si alio modo exiret, scilicet per crura vel per brachia, tunc interficeret matrem & semetipsum.

#### DE FOETU.

*Quaritur, quomodo fetus successiue generatur?*

**R**espondetur, quod in primis sex diebus foemina habet colore lactis, sed in sex diebus

diebus sequentibus habent colorem ru-  
beum, qui est color propinquus dispositio-  
ni carnis, & tuuc transmutatur in materiã  
pissi sanguinis, & coagulati, non flentis  
sicut massa carnea. Sed in duodecim die-  
bus sequentibus post illos materia con-  
densatur & consolidatur, ita, quod posset  
suscipere fabricationem & formationem.  
Quia res fluida & humida non tenet im-  
pressionem, vt patet per Aristotelem secun-  
do de Anima, sic singulis diebus, vsque ad  
partum aliter disponitur. Sed quomodo  
foetus per singulos menses regatur per  
planetas: hoc patet alibi, scilicet in Boetio.  
Et ille modus transmutationis seminis, pa-  
tet in his metris: *Susceptum semē sex primis credo diebus*  
*Est quasi lac, reliquisque nouem fit san-*  
*guis, abinde*

Consolidat duodena dies, bis nona dein  
ceps

Efficiat totū, tēpūque sequens oriundum.

*Queritur, virum fetus stercus emitat, &*  
*minga?*

Respondetur, quod non, ratio est,  
quia non habet primam digestionem, quæ  
est in stomacho: quia cibus non venit  
ei per os, sed per vmbilicum, itaque non  
yrinat, sed sudat, quæ yrina est parua  
quan



quantitatis, & reseruatur in quadam pellicula matricis, & in partu emittitur magna copia.

*Quare in fine imprægnationis, scilicet septimo, octauo, & nono mensibus, puer facile exit?*

Respondetur secundum Galenum, quia quando fructus sunt maturi, tunc ligamenta facile franguntur, & sic facile cadunt.

#### DE ABORTIVO

*Quare mulieres comedentes cibum infectum, puta carnes rancidas facile generant abortiuum?*

**R**espondetur, quia in eis generatur semen infectum: quod anima abhorret proijcit ab ægro naturæ, scilicet à matrice, quia non est aptum pro forma nobilissima, scilicet & humana, quod ei anima infunderetur.

*Quare corporea luctatio & saltus, faciunt abortiuum, ut aliqua mulieres astuta bene sciunt & faciunt?*

Respondetur, quia per talem motum ligamenta embryonis soluuntur, & per consequens sequitur abortiuus, quia materia diutius retineri non potest.

*Quare ictus fulminis & tonitru faciunt abortiuum?*

Ref-

Respondetur, quia ille vapor est adu-  
stius, ratione cuius facile lædit materiam  
tenerrimam ipsius foetus, intrans per po-  
ros matricis. Imò dicit Albertus, Si puer  
actu viueret in vtero materno, per fulmen  
& tonitru interficeretur.

*Quare mulieres iuuenes & non vetulae,  
propter causas prius dictas abortum faciunt?*

Respondetur, quia corpora mulierum  
iuuenum sunt magis rara, poris plena, &  
graciliora. Ergo vapor fulminis citius cor-  
pora earum intrat, procurando abortiuum  
in eis. Sed mulieres vetulae habent carnes  
crassas & compactas, ita quod vapores eas  
facile intrare non possint, ergo non sequi-  
tur talis actio in eis.

*Quare multum gaudium facit abortiuum vt  
vult Aristoteles?*

Respondetur, quia tempore gaudij ma-  
trix destituitur calore, & per consequens  
abortiuus efficitur. Eadem ratio est, cur  
timor facit abortiuum, quia tunc calor  
vadit ad cor, subeundo ipsi, derelinquens  
matricem.

*Quare in principio imprægnationis, scilicet  
primo, secundo, & tertio mensibus, facile fit  
abortiuus?*

Ad hoc Galenus responder quod sicut  
fructus pomorum vel piorum in prin-  
cipio

capio facillè cadunt, quia ligamenta adhuc sunt mollia & debilia, ita etiam est de puero in utero.

*Quare tempore imprægnationis adhuc medio, scilicet tertio, quarto, quinto, sexto mensibus difficulter fit abortiuus?*

Respondetur, quia tunc ligamenta plus sunt fortificata, vel solida, & per consequens non citò corrumpuntur.

#### DE VARIIS,

*Quare aliquibus mulieribus maior accidit dolor parturiendo, & aliquibus minor?*

**R**espondetur propter tres causas, aliquando propter foetus magnitudinē, vel quia obstetrix est indocta. Etiam aliquando fit, quia foetus mortuus est quia tunc non habet flexibilitatem, sed in exendo est inflexibilis. Sed dolor minor contingens in aliquibus oppositum fit.

*Quare homo non habet caudam, sicut alia animalia?*

Respondetur, quia homo est animal cuius proprium est sedere, sed hoc nulli aliorum animalium caudas habentium est proprium.

*Quare balneatores cum aqua frigida, & non cum aqua calida, expellunt colorem de fornace?*

Respondetur, quia illa sunt qualitates

con-



# PROBLEMAT A. 6129

contraria; quæ maioris actionis sunt ad-  
inuiçem, & sic calor in lapidibus melius  
repellitur.

*Quare aqua calefacta magis congelatur, quàm  
frigida?*

Respondetur, quòd ideo, quia talis est  
magis rara, & per consequens magis dat  
ingressum frigiditati.

*Quare homines sunt magis pingues, & cras-  
si circa ventres quàm alibi?*

Respondetur, quia maxima digestio est  
in stomacho. Ideo partes quæ sunt magis  
pro pinquæ stomacho, magis impinguan-  
tur & crassæ fiunt.

*Quare animal post coitum tristatur?*

Respondetur, quia actus luxuriæ est in  
se turpis & immundus, & sic omne animal  
abhorret talem actum, quia homines cum  
super hoc cogitant, erubescunt, & tri-  
stantur.

*Quare ebrii non habent discretionem inter fa-  
pores sicut sobrii?*

Respondetur, quòd caro lingue est mul-  
tum poris plena; siue spongiosa, & in se  
multum capit de humiditate, & magis in  
ebriis quàm in sobriis. Ergo lingua re-  
pletur malis humoribus ex frequenti po-  
tatione, & sic ex ista repletione caro lin-  
guæ repletur, quòd organum gustus cras-  
sum

sum fit. Quia gustus est vena linguae, subtili carne subtracta. Ideo propter incrassationem medij, id est ipsius gustus, potus ab ipsis ebrijs sumptus non perfecte sentitur, quia ad debitam sensationem requiritur proportio debita medij. Et ex illo elicitur causa, quare ebrii non habent perfectum modum loquendi.

*Quare animalia melancholica habent longas aures? & quare huiusmodi homines habentes longas aures, ut plurimum, non sunt sapientes, sicut habentes breues aures, ut patet per Aristotelem in libris de animalibus.*

Respondetur, quod aures generantur ex materia frigida & sicca, quae dicitur cartilago, quae est in potentia propinqua ad os, vel ad ossis generationem. Sed quia animalia melancholica tali materia abundant, ergo habent longiores aures, ex quo habent materiam sufficientem & abundantem, pro aurum generatione, & sic tunc aures abundantes generantur.

*Quare praedicti sunt semisacti?*

Respondetur, quia animae sequuntur corpora. Nam si sensus corporis sunt subtiles: tunc anima exercet subtiles operationes, tam practicas, quam speculativas, & per oppositum est de corpore crasso.

*Quae*

## PROBLEMATATA. 131

*Quæritur, quomodo anima intellectiua coniungatur puero in vtero matris? scilicet utrum pater generas disponit materiam, ad receptionem anima intellectiua?*

Respondetur Theologicè, quod in materia sufficienter disposita, Deus infundit animam intellectiuam. Et hoc idem vult beatus Augustinus, dicens: Anima creando infunditur, & infundendo creatur.

## PROBLEMATATA

varia.



Olutis & adductis probléatibus de partibus corporis humani, ex varijs dictis Aristotelis, & aliorum philosophorū & medicorū codicibus dilucidè electis, sequuntur aliâ probléata, vtilia, quorū primū est.

*Quare lepores apertis oculis dormiunt?*

Respondetur, quia habent oculos præ eminentes, & palpebras breues, & sic cum difficultate clauduntur. Alia potest esse causa, quia sunt animalia meticulosa, ideo vt se custodire possint, apertis oculis dormiunt.

*Quare corui non cibant pullos suos ante noxam?*

*Resp.*

*I 2*

*Re-*



Respondetur, quia vident eos non esse eiusdem coloris, seu non conformes colori suo, & ideo putant esse de alio genere: sed tamen Deus omnipotens pascit eos per illos dies, rore coeli, Vnde Psalmista: Qui dat iumentis escam ipsorum, & pullis coruorum inuocantibus eum.

*Quare ovis & columba animalia sunt mississimas?*

Respondetur, quia carent felle. Et fel commouet ad iram vt patet supra.

*Quare aues habent testiculos in rostrum?*

Respondetur, quia si haberent eos ex-  
trorsum, impedirent eorum volatum &  
leuitatem.

*Quare auicula non meium?*

Respondetur, quia illa superfluitas, quae deberet conuerti in vrinam, conuertitur in pennas, & patet, quia in pennis multa apparet humiditas. Alia ratio est, quia sunt in continuo motu: itaque multum humidum in eis exiccatur per aërem & ventum.

*Quare oua oblonga efficiunt mares, & ob-  
tusa femellas?*

Respondetur, vt vult Hippocrates, quia calidi est, mittere a centro ad circumferentiam frigidi. Vnde si oua sunt oblonga, signum est quod habent multum caloris,  
&

& ideo trāseunt ad materiā masculī.  
 Quia in omni genere animalīū, masculus  
 est calidior foemella, teste Philosopho. Si  
 verò oua sunt obtusa: signum est quòd ca-  
 lor in eis est dispersus & remissus, & ideo  
 tendunt ad materiam foemellæ.

*Quare melius auditur noctu, quàm die?*

Respōdetur secundū Aristotelem, quia  
 nocte maior est trāquilitas, quàm die, quia  
 sol non ita bene eleuat vaporem noctu, si-  
 cut in die, ideo tunc medium est melius di-  
 spositū, & per ipsum melior fit motus, qui  
 dicitur esse cum sono. Alia ratio est, quia  
 die plures fiunt motus aëris & soni, quàm  
 nocte, qui se mutuò impediunt. Etiam no-  
 cte est maius silentium, quod est oppositū  
 sono. Sed quia opposita iuxta se posita, ma-  
 gis elucescunt, ideo quanto magis opposita  
 sunt iuxta se posita, tanto magis se decla-  
 rant.

*Quare homo tactus sub ascellis, citius ridet,  
 quam tactus in alio membro?*

Respōdetur, quia ibi est concursus plu-  
 rium neruorum, & quia etiam mediū ta-  
 ctus, scilicet caro est ibi subtilior, & ergo  
 fit maior, & subtilior sensatio. Et hoc est  
 verum, si talis locus non nimis tangitur  
 quia si fieret per excellens sensibile, tunc  
 non fieret talis delectatio, & quando sic

tangitur, tunc ibi fit diffusio spirituum ex multis nervis ibi collectis, tandem venit spiritus ad faciem, & sic inde causa est risus.

*Quare lignum adustum convertitur in carbonem, & os adustum vertitur in corpus album?*

Respondetur, quia lignum ante eius adustionem est sufficienter humidum, & sic post adustionem acquirit sibi calorem per accidens, & ille calor humidum in ligno totum consumere non potest, & sic remanet humidum post adustionem, & convertitur in corpus nigrum, eo quod humidum in ligno fuit satis viscosum, & non potuit ab illo igne in totum consumi. Os autem ex sua natura est frigidum & siccum, modicum habens in se de humiditate, quæ & adustionem in totum consumit, & sic per accidens humido consumpto os albescit.

*Quare aliqui magis delectantur colore albo, & aliqui colore nigro?*

Similiter respondetur ut supra.

*Quare aliqua mulieres plus diligunt viros albos, & aliqua viros nigros?*

Respondetur, quod huius duplex est causa. Prima est, quia aliquæ habent visum debilem, & istæ magis latantur nigredine: quia albedo propter sufficiens lumen, super naturam lucis, quam in se habet, magis



gis lædit visum, quàm nigredo. Secunda causa est, quia omne simile applaudit suo simili: sed quia quædam naturæ calidæ sunt, & iste magis delectantur nigredine: quia nigredo sequitur calorem. Sed quædam frigidæ sunt, & iste magis delectantur albedine: quia frigiditas est mater albedinis.

*Quare animalia dormiunt?*

Respondetur, quod propter necessitatem quia ex longitudine diuersorum actuum organa sunt fatigata, sed per requiem quæ fit in somno confortantur, vt pater per Aristotelem, in libro de somno & Vigilia.

*Quare studentes, statim post prandium volentes studere, impediuntur per somnum, & non tempore solatijs?*

Respondetur, quia cum aliquis dat mentem ad studendum, tunc calor naturalis ingreditur introrsum à membris exterioribus & sic per congregationem confortatur, & sic facit ascendere fumum cibalem vsque ad cerebrum, & sic causatur somnus per ingressionem fumi. Vel potest dici quod ideo, quia cum virtus animalis intenditur, tunc naturalis remittitur. Sed quando homo est in solatio, tunc per solatium calor naturalis diffunditur, & non permittit

sumum ascendere ad cerebrum, & sic homo non dormit; sed dilatatur per totum corpus, & per consequens, solatium impedit somnum.

*Quare post labores, homines libenter dormiunt?*

Respondetur, quod in labore calor diffunditur per continuum motum ad membra exteriora, qui est conuerso post laborem ad interiora colligitur circa loca digestiua, & facit digestionem, à qua fiunt vapores, qui procedunt à corde ad cerebrum, & obstruunt meatus, per quos calor naturalis ad membra exteriora deberet diffundi, & sic frigescentis, & crassis redditis istis membris exterioribus, ex frigiditate cerebri, tunc causatur somnus. Et hoc patet, quod multi comedentes & bibentes, multum dormiunt, & diu, eo quod exinde, refoluitur multus & magnus vapor, qui non potest bene digeri & consumi à calore naturali, &c.

*Quare multum dormientes sunt male dispositi, & male colorati?*

Respondetur, quod in somno colliguntur multae humiditates, quae in vigilia expelluntur, quae non possunt in corpore consumi, & sic petunt cito eijci, & petunt per superficiem corporis, & precipue ad faciem, & sic causam afferunt malae dispositionis

tionis; seu mali coloris, ut patet clarè in phlegmaticis, qui præ cæteris sunt longioris somni.

*Quare aliquibus apparet in somno, quod comedunt & bibunt aliqua dulcia?*

Respondetur, quia & phlegma eleuatum stillat ad fauces & ad guttur, & tale phlegma quodāmodo est dulce, igitur in eis hoc apparet.

*Quare aliquibus apparet in somno, quod sunt in aqua, & submerguntur, & aliquibus quod sunt in aqua & non submerguntur, & hoc contingit maximè in phlegmaticis?*

Respondetur secundum Aristotelem, quod huius causa est, quia quando materia phlegmatica fluit ad superiora, tunc apparet illis, quod sunt in aqua, & submerguntur: sed quando fluit ad interiora, tunc apparet illis quod euadunt. Alia potest esse causa scilicet nimia repletio seu ebrietas. Vnde cum homo est nimio cibo repletus: tunc fumi sursum ascendunt, & multiplicantur, & inde videntur quod debeant submergi, seu strangulari. Si autem non potest tam maximè ascendere, tunc apparet eis ac si euaderent.

*Queritur, virum aliquis possit causam somni afferre ab extrinseco?*

Respondetur secundum Aristotelem,

I 5 quod



quoddam sic, sed hoc modo: nam si aliquis alii  
 cui remissè loqueretur ad aures, sic quoddam  
 ipse excitaretur, tunc ex commotione spi-  
 rituum in capite tonitrua fiunt, vel aliquod  
 aliud simile, & sic de illo fieret eius som-  
 nium. Et sic saepe aliquis ex reuelatione  
 diuina potest habere somnium de deo glo-  
 rioso, ipsum in somno honorante. Cui  
 quidem Conditori totius vniuersi, Filióq;  
 virginis illibatae, condigna laus, & glo-  
 ria, gratiarumq; actio sit nunc,  
 & semper, per infinita sa-  
 cula saeculorum.

Amen.

M A R C I  
A N T O N I I

Z I M A R A E

Sanctipetri-  
natis.

*Ad Ioannem Castriotam, Ferrädina  
ducem illustrissimum, Problema-  
tum, Liber.*

# MARCVS AN- TONIVS ZIMARAE

Sanctipetrinas Hydrun-

tinus, illustrissimo Ferran-

dine duci, domino Io-

anni Castri-

ota.

S. P. D.



*Vi opus aliquid prin-  
cipibus dedicant,  
Dux illustrissime,  
in operis præfati-  
one, multa de lau-  
dibus eorum re-  
laxatis eloquentiæ habenis, pro-  
sequi consueverunt, vt ea potissi-  
mum ratione illos in sui amorem  
alliciant, atque obnoxios reddant,  
quorum*



quorum ergo consuetudines minimè obseruare institui. Vereor enim, ne, si de tuis laudibus agere velim, idem mihi obiiciatur, quod illi qui apud Lacedæmōios de Herculis laudibus agere voluit. Quis Herculem? scilicet, vt aut minus de eo bene sentiat? quis illum non inter immortales Deos enumeret, colat, obseruet? vt tu laudare velis, Lacedemonii subdiderunt. Tanta enim est virtutum tuarum amplitudo, tantus in omni honorum genere splendor, vt frustrà quis prædicet, quibus sis institutus, aut quo ingenio polleas. Admirantur cæteri in te naturæ & fortunæ doctes: quidam prudentiam, alii fortitudinem & magnificentiam. Ego autem vnum præ cæteris admiror in te præcipuam charitatem, qua  
literatos

literatos amplecteris hac tempe-  
state, quia ob bellorum importu-  
nitates, pax vnà cum literis interire  
visa est. Inuideo (Dux inuictissime)  
priscorum temporibus, apud quos  
tanta erat Philosophorum autho-  
ritas, vt sine ipsa philosophia omni-  
um laudatarū artium procreatrice,  
& quasi virtutum omnium paren-  
te, neque Respublica, neque priua-  
ta constare posse vllō modo videre-  
tur: Philippum Macedoniæ regem  
maximo gaudio affectum fuisse  
traditur, quòd huic Alexāder filius  
temporibus Aristotelis nasceretur.  
Quid de ipso Alaxandro dicam?  
quippe qui tanta obseruantia Ari-  
stotelem præceptorem coluit, vt o-  
missis reliquis muneribus, quibus  
ab eo fuit locupletissimè donatus,  
Stagiram ciuitatem suam, à Philip-  
po

po patre suo dirutam, suis precibus  
instaurauerit. Verum nullus hac æ-  
tate Princeps, qui philosophos a-  
met, nullus qui philosophis (te ex-  
cepto) faueat. Quo fit vt tibi ma-  
ximè istæ philosophiæ reliquæ red-  
dantur obnoxia, quippe qui nun-  
quam viris virtute præditis fauere  
desistas. Verum ne opusculum no-  
strum, in caput (vt aiunt) excreseat,  
libellum nostrum, de quibusdam  
quæsitis, ad vtramque Philosophiã  
spectantibus, ex tempore editum,  
ob immensum beneficiorum tuo-  
rum erga me relatorum cumulum  
gratitudinis, erga te, meæ argumē-  
tum, in præsentia suspicias, serio-  
ra in posterum susceptu-  
rus. Vale.

(.)

MAR



MARCI ANTONII ZI-

MARAE SANCTIPETRI

natus Problematum liber, ad il-

lustrissimum Ferrandinae

ducem, Dominum

Ioannem Ca-

striotam.

PROBLEMA PRIMVM.

*Quàm ob rem Sapientum omnium iudicio,  
Seipsum cognoscere omnium ferè difficillimam  
habitu est?*

1. De ani-  
mal. cap. I.  
Plato alibi de  
anima.

AN quia nihil cognosci potest, ignorata  
sua forma? Sui ipsius autem formam,  
cognoscere, vt Philosopho videtur, satis  
admodum difficile est. Atq, homo Platonis  
authoritate, aut nihil est, aut si quid fuerit,  
nihil aliud est, quàm anima. An quia nisi actu  
reflexo hoc fieri nequit? Reflecti autem su-  
pra seipsum maximè immaterialitatis est  
argumētū. Quippe à sensibilibus affectibus  
seductum oportet, qui seipsum cogniturus  
est: hoc autem quàm difficile sit, nemo est qui  
ambigat. An quia homo? quia homo intel-  
lectu uiuit: Hominis autem intellectus se-  
ipsum non potest capere, nisi post captum  
aliorum: hoc & per difficile est.

3. De ani-  
ma. text. ca.

18

II.

Propter quid Apollinis Pyrhij oracu-  
lo,

Id Socrates Græcorum omnium sapientissimus dijudicatus est? Cum Aristorelis sententia, solum circa mortalitatem versatus fuerit, de natura nihil.

An quia ad communem hominum cōmoditatem magis expedire videtur bene viuere, quàm speculari. An quia (vt Platoni videtur) passim illud profiteri consuevit, Vnum scio, quòd nihil scio.

Primo prima Philoso.  
text 5.5. de  
par. animal.

III.

Cur homines præcipue de ingenio contendant?

An quia reliqua ex bonorum genere, in aliena potestate constituta esse credunt. Quemadmodum corporis dotes, naturæ extrinseca verò bona, fortunæ imperio subiacent. Quo fit, vt vnusquisque facile se vinci in talibus sinat, vt pote non sui culpa aut occasione contingentibus. Ingenium verò in nostra potestate constitutum esse prorsus antumant.

An quia animi bona cæteris præstant, idcirco de re præstantiore cōtendere, naturale admodum est. An quia communis est ista hominum aegritudo (vt sapienti cuida videtur) quòd quilibet credit se esse doctum plus quàm sit & cupit complere omnia quæ credit, sine studio & labore?

Rabbi Moses in 28

III.

Quam ob causam, cum omnes homines scire.

K

con-

contendant natura pauci tamen admodum scientia insudant.

*Plato in Phe-  
don. In Pro-  
tagora prima  
philosophia.*

An quia virtutem posuere Dij sudore parandam, ut Hesiodo placuit? An quia corporis voluptas, cui hominis natura maxime obnoxia est, animum a veritatis indagine distrahit? Neceffe autem est, ut qui animo viuere cupit, corporis mortem, ut diuino videtur Platoni, meditetur. An quia natura hominis multis modis seruire cogitur, ut Aristoteli placet? Quo fit ut deficientibus adminiculis naturale desiderium non deducatur in actus, non enim natura per se sufficiens est ad contemplandum.

## V.

Propter quid, nudam esse Philosophiam praedicant?

*Lib. c. 10.*

An quia nuda est veritas, nullusque verborum color requiritur, ubi de veritate agitur? Quippe Sophistarum interest, de nominibus disputare, ubi rerum synceritas quaeritur. An quia male philosophari est eius qui philosophiam non propter se, sed lucri, aut ambitionis gratia prosequitur? An quia nudum a passionibus corporeis oportet esse eum qui philosophiae vacare desiderat? Nam ut Aristoteli videtur, Anima sedendo & quiescendo fit prudens. An vulgari-  
um



rium opinione hoc firmitum est, iuxta illud Tusci poetæ, Pouera & nuda vai Philosophia, dice la turba al vilguadano intersa; quandoquidem hoc rationi, minimè sit consentaneum. Facile enim est Philosophis ditari dum velint, quemadmodum Taletis Mylefij exemplo perspicuum apparet. *Physica auscultationis, comment.*

10.

## VI.

*Propter quid homines maximè in opinione esse appetunt, ut nonnulli pyramides alii simularbra signaque, & varia sui fabricent monumenta?*

An quia omnia, ut Aristoteli videtur perpetuum & diuinum esse, participare concupiscunt secundum quod possint. Inde prouenit, ut si in esse naturæ non permanent, nituntur ut saltem permaneant in cōserationis.

2. de Anima text. 3.

An quia ad successorum excitamentum ita consuetudo tulit, quod à parentibus minimè degenerare videantur?

## VII.

*Propter quid est quod hominis desiderium circa ea que fortuna sunt in immensum crescit?*

Epistol. 16.

An quia, ut Senecæ videtur, naturalia desideria finita sunt: quæ autem ex falsa opinione proueniunt, ubi definant non habent?

ad Lucili.

## VIII.

K. 2

Quam-

Quamobrem Patra semper principibus  
quem sapientem familiarem constituunt? quem  
admodum Homerus, Nestorem Agamemnoni:  
Euripides, Tiresiam Creonti; Hesiodus Prome-  
theum Ioui: & Maro Achatem Aeneae.

Plato epi-  
stola ad Di-  
onysium.

An quia naturæ lege ita comparatum  
est, ut diuino detur cernere Platoni ut sa-  
pientia, potentiaque in idem tendant, sem-  
perque ista duo se inuicem affectant, per-  
sequuntur, congruuntur.

## IX.

Propter quid Homerus cum de Legatis me-  
minit, eandem verbosenus imperantis legationem  
significare facit?

An quia Legatorum interest, meram  
imperantis voluntatem sententiamque exe-  
cutioni mandare? quare nihil addere, ni-  
hilque subtrahere oportere, certum est. An  
quia imperantis mandatum ut pote sapie-  
tis, per optimè digestum, absolutumque  
esse præsumitur? quamobrem variatur or-  
do verborum, & tanquam perfectus, cui  
nihil deficiat, significare debet sapientium  
imperium quippe quorum est, ut Philoso-  
pho videtur, imperare, constitutionesque  
atque decreta absoluta esse iudicare.

## X

Cui Aristoteles in rebus difficilibus mira  
vultus

*virtutis breuitate.*  
An quia mos sapientum est, verba onerare sententijs? An quia vt obscurus fiat, quatenus, vt expositoribus videtur, ingenia rudia deterreat, & à suorum operum lectione secludat? An quia in re difficili prolixus sermo de veritate suffectus redditur? quandoquidem veritas consistit in paucis. An quia, vt sapienti videtur, in multiloquio plerumque contingit delinquere?

XIIX

*Quam ob rem illustres in aliqua scientia videndum in aliquo errant, gratias erant minus illustribus?*

An quia proprii ingenij freti facultatibus valde admodum à sensibus abstrahuntur? quare necesse est eos falli. Argumento est Auicenna qui cō sua celebritate in philosophia dixit. Hominem ex terra naturaliter posse produci. Et maximus ille Auerroes, quē nulla lex potuit persuasionē conuertere, vetulæ cuiusdam verbis seductus est, vt sibi persuaserit, Puellam in balneo si ne viri commixtione posse concipere.

*Sicut de eo  
asseruit com  
mentarij in  
Metaphy.  
15. Secundo  
Collig. ca.  
10.*

XII.

*Quæ scientes, si iniusti euadant, magis iniusti sunt, minus scientibus?*

An quia familiarissima est iniustitia, ferre

K. 3

arma?



arma? vt Philosopho videtur. An quia contrariorum vna est scientia.

## EX ARISTOTELE.

*Curbomo, qui à Deo eruditione pradius est, animantium omnium iniustissimus sit?*

**A**N quia ingenio, cogitationeque plurimum valet ad voluptates? Igitur & felicitatem rimatur maxime atque perpenſat, quam niſi cum iniuria aſſequi nemo poteſt?

## XIII.

*Quam ob rem magis cupiunt videri homines, quam eſſe & non videri?*

An quia ſolus homo honoris eſt particeps. Quo fit, vt quilibet videri bonus facile appetat, laborem autem natura ſubterfugiat. Virtutes autem non niſi labore coſequimur. An quia Sophiſtarum natura hæc eſt (vt Philoſopho videtur) vt cupiat magis videri & non eſſe, quam eſſe, & non videri. Cæterum pauci admodum ſunt qui virtutes ipſas verè aſſequantur.

*Elemeb.*

## XIII.

*Cur quidam in adoleſcentia, feminas, dum ſunt aut conſiſtentes, aut in primo ſenio mares procreant?*

An quia nimis coëuntibus refrigeſcit ſemen. Quare cum atate conſiſtentia & primo ſenio minus coëant, calidius eſt eorum

PROBLEMAT. 151

rum semen, quod mariū est productiuum.

XV.

Cur pueris coeuntibus, cum genituram non emittant, contingit delectatio?

An quia ut Philosopho videtur, ex spiritus emissionem pruritus & titillatio accidit? Quemadmodum in adultis, ex seminis emissionem consimile contingit.

Primo de  
generatione  
Animalium  
cap. 24.

XVI.

Quam ob causam frequenter coeuntes minus delectantur?

An quia ex ipsa coitus frequentia contingit, semen & spiritus diminui, & refrigerare? Quare non ita prurituum neque titillatuum est semen, quod delectationis causam asserunt philosophi.

XVII.

Propter quid plus lædit immoderatus coitus, quam immoderatus plebotomia?

An quia spiritu plenius est semen, & magis proximum naturæ membrorum dispositum nutrimentum, quam sanguis? Quippe, ut Galeno videtur, Substantialis est membrorum causa, sperma, & ex ipso corpus augetur ac nutritur, ac quemadmodum esuriens, magis læditur ex panis quam ex farinæ subtractione: Sic corpus debilitatur magis ex seminis ablatione, quam ex euacuatione sanguinis.

K 4.

XVIII.

## XVIII.

*Quam ob causam qui prolixiores sunt ad modum pene gignere nequeunt.*

*Primo de ge-  
neratione  
animalium,  
cap. 20.*

An quia per longū, procedente semine, interstitium, necesse est spiritus exhalare? Quapropter frigidum, & prorsum generationi ineptum redditur necessarium.

## XIX.

*Propter quid corpulenti, in coitu parum seminis emittunt, & frequenter steriles sunt?*

An quia talibus semen, in corporis alimentum transfit? Nam eadem ratione, ut Philosopho videtur, Corpulentæ mulieres parum menstrui excrementi eiciunt.

## XX.

*Quam ob causam mulieres, æstiuo tempore,*

*Particula 4*

*Problema-*

*sum.*

*Problema,*

*18. 57.*

*mares verò hyberno, ad Venerē sunt propiores?*

An, ut Philosopho videtur. Quia testes eo tempore magis demittuntur & flaccent quàm per hymen? cū qui concubiturus sit retrahat ac suscipiat illos necesse sit.

An quia naturæ calidæ, præ nimio calore æstiu tempore æstiuant, collabunturque; frigidæ verò refrigerant & vigent? Est autem vir calidus & siccus: mulier frigida & humida. Ergo virorum tunc vires infirmantur, mulierum corroborantur, & vigent per compensationem qualitatis contrariæ. Eadem ratione, animalia frigida



# PROBLEMAT.

153

gida naturæ, vt Galeno videtur, hyberno tempore frigiditate aëris opprimuntur, vt quæ mortua in cauernis accubantia reperiuntur, & quæ insensibilia, & nullum motum habentia: quædam verò ibidem per-euntia: vnde pauco admodum vt nullo extrinseco tunc alimento nutriuntur, quæ tunc superueniente calore ruiuiscunt.

I. partie.  
Apho. cap.

I 3.

## XXI.

*Cur pueris nomina septimo die imponere consueuerunt?*

An, vt Philosopho videtur, Quoniam, ante septimum diem plures intereunt, quo fit vt tunc nomina imponantur, tanquàm salutis pueri magis credamus.

7. De bis-  
viis Anim.  
ca. I 2.

## XXII.

*Quam ob rem præ cæteris animalibus homo maxime superbit?*

An propter variam & multijugam cognitionem? siquidem, vt Philosopho datur cernere, Sunt omnia sensibilia per sensum: omnia intelligibilia, per intellectum: quare quid restat, quod eius cognitionem subterfugiat? An quia nexus videtur esse Dei & mundi? Mediæ quippe naturæ est, quæ intentio æternitatis, & temporis constituta esse creditur. An quia cæteris animantibus imperat, omnia hæc caduca, ad sui videntur redacta fuisse arbi-

Philoso. 3.  
Anima. 162  
37.

Hermes  
sententia.

K 5

trium

## XVIII.

*Quam ob causam qui prolixiores sunt ad modum pene gignere nequeunt.*

*Primo de ge-  
neratione  
animalium,  
cap. 20.*

An quia per longū, procedente semine, interstitium, necesse est spiritus exhalare? Quapropter frigidum, & prorsum generationi ineptum redditur necessarium.

## XIX.

*Propter quid corpulentī, in coitu parum seminis emittant, & frequenter steriles sint?*

An quia talibus semen, in corporis alimentum transfit? Nam eadem ratione, ut Philosopho videtur, Corpulentæ mulieres parum menstrui excrementi eiciunt.

## XX.

*Quam ob causam mulieres, æstiuo tempore,*

*Particula 4.  
Problema-  
tum.*

*Problema.*

*18.57.*

*mares verò hyberno, ad Venerē sunt propiores?*

An, ut Philosopho videtur. Quia testes eo tempore magis demittuntur & flaccent quàm per hymen? cū qui concubiturus sit retrahat ac suscipiat illos necesse sit.

An quia naturæ calidæ, præ nimio calore æstiuī temporis æstiuant, collabunturque; frigidæ verò refrigerant & vigent? Est autem vir calidus & siccus: mulier frigida & humida. Ergo virorum tunc vires infirmantur, mulierum corroborantur, & vigent per compensationem qualitatis contrariæ. Eadem ratione, animalia frigida

# PROBLEMAT.

153

gidæ naturæ, vt Galeno videtur, hyberno tempore frigiditate aëris opprimuntur, vt quæ mortua in cauernis accubantia reperiuntur, & quæ insensibilia, & nullum motum habentia: quædam verò ibidem pereuntia: vnde pauco admodum vt nullo extrinseco tunc alimento nutriuntur, quæ tunc superueniente calore ruiuiscunt.

I. parrie.  
Apho. cap.  
13.

## XXI.

*Cur pueris nomina septimo die imponere consueuerunt?*

An, vt Philosopho videtur, Quoniam, ante septimum diem plures intereunt? quo fit vt tunc nomina imponantur, tanquàm saluti pueri magis credamus.

7. De histo-  
riis Anima.  
ca. 12.

## XXII.

*Quam ob rem praeter ceteris animalibus homo maxime superbit?*

An propter variam & multijugam cognitionem? siquidem, vt Philosopho datur cernere; Sunt omnia sensibilia per sensum: omnia intelligibilia, per intellectum: quare quid restat, quod eius cognitionem subterfugiat? An quia nexus videtur esse Dei & mundi? Mediæ quippe naturæ est, quæ intentio æternitatis, & temporis constituta esse creditur. An quia cæteris animantibus imperat, omnia hæc caduca, ad sui videntur redacta fuisse arbitrium.

Philoso. 3.  
Anima. sex  
37.

Hermetia  
sententia.

K 5

trium



trium? An quia illud respondebo, hominis superbiam[ex] sui ignorance prouenire. Quippe si se inter stercus & vrinam conceptum fuisse reminisceretur, si se nudum in lucem prodiisse animaduerneret, si se cum miseris & laboribus vitam ducere perpenderet, si tandem se mortis vinculis astrictum pensitaret, non utique superbiret.

## EX ARISTOTELE.

*Cur homo maximè aliud intelligat, aliud faciat?*

An quia contrariorum eadem sciëntia est? An quia mentis officium, complura contingit: appetitus in vnum tantummodo profluit? Atqui homo, mente magna parte vivit ratione: bestiae appetitu, ira, cupiditateque ducuntur.

## XXIII.

Scotus. I.  
senten. dist.  
I 9. q. 1.

*Quam ob causam, cum secundum intellectum quadam bona esse iudicamus, illorum tamen opposita plerumque prosequimur iuxta illud Poeta: video meliora proboque, Deteriora sequor.*

An ex naturali plenitudine libertatis voluntas potest indiscriminatim, ut subtilibus videtur, in oppositos actus? ut eis mediantibus libera etiam est in oppositis obic-

## PROBLEMAT A. 155

obiecta, in quæ tendit: huius autem, præ-  
 ter voluntatis naturam, non oportet aliam  
 quærere rationem & causam: indisciplina-  
 ti siquidem est, omnium quærere causas.  
 Nam, vt philosopho videtur: Principio-  
 rum non est altera causa. An Peripateticè  
 respondebo, ex corporis connexionem pro-  
 uenire voluntatem nostram, non semper  
 confirmari ratione. Quod argumento ab-  
 stractorum intellectuum corroboratur, si  
 quidem in eis non est aliud volitum & a-  
 liud intellectum. Quo fit, vt incontinen-  
 tes secundum concupiscentiam agere di-  
 cantur, vt Aristoteli placuit, non intelle-  
 ctione, aut voluntate: apparet enim aliud  
 quiddam, præter rationem illis in esse,  
 quod repugnat, resistitque rationi. Vt  
 enim resolutæ corporis partes, si ad dexte-  
 ram mouere velis, in sinistram feruntur &  
 sic & in animo in contrarium feruntur, in  
 continentiam, appetitus voluntate. Adsti-  
 pulatur huic sententiæ aurea illa Apostoli  
 authoritas, dicentis: Sentio aliam legem  
 in membris meis pugnantem legi men-  
 tis meæ, & captiuum me ducentem in le-  
 gem peccati, quod est in membris meis.  
 Quare sapienter dictum est, vt è coelo ema-  
 nauit: Corpus quod corrumpitur aggra-  
 uat animum.

*Primo pos-  
 sessorii, 18  
 Physicorum  
 text. 15.  
 Aueroes  
 12. Met. 23  
 9. 11. 3.  
 Eth. cap. 5.  
 Primo Ethic.  
 cap. 29.*

**EX**





ditur & libentius expediturque discurrit?  
 contra durities & crassitudo obturat oppi-  
 laturque, & ergo repagulo sunt, ne purus  
 & liquidus transmittatur. Etenim omni-  
 bus sua cuique portio spiritus, ad functio-  
 nem & ministerium tributa est: quocirca  
 fieri contra, ut à prima anima, qui præcisi-  
 abiunctique videantur.

XXIII.

Quam ob causam mulieris ingenium, in bo-  
 nis ineptum, in malis vero promptissimum est? *2. de genera-  
 tione Ani-*  
 Quod & Euripides in Medæa sentire mal. c. 3. &  
 videtur. *7. 1. Physica*

*Kai περὶ τῆς γυναικὸς, ἐπεὶ μὴ ἴσθαι ὁρμηγ-  
 ῶταται, καὶ ὅτι πᾶσι τοῖς ἀνθρώποις.* *consultati-  
 nis textus 8.*

An propter priuationem, quæ cum su-  
 natura videtur esse connexa, Nam, ut Phi-  
 losopho datur cernere, Fœmina est, qui-  
 mas læsus: Priuationis vero ea conditio  
 est, ut semper malum molietur atque per-  
 niciem machinetur.

XXV.

Quamobrem autem, primum mulieris consi-  
 lium fore eligendum?

Verum, quia quemadmodum in rebus  
 ratione carentibus, cernimus, à superiore  
 Autore, in proprios fines dirigere actio-  
 nes

nes & motus. Nāque verissimū puto, quod dicitur providentiam fuisse, quæ & turpi, desiderium honestatis, & egenti opulentia, quantum sit satis, iniecerit, Sic & mulieris intellectus, & si boni verique rationem non capiat, ad talia tantū capescenda, à certa veritate plerunque dirigitur. Consilia verò, quæ propria indagine ipsa molitur, tanquam inualida, & quàm pluribus erroribus infecta relinquenda esse conspiciuntur.

## XXVI.

*Cur mulieres corporis cultu magis delectantur, quàm viri?*

An quia mulierum natura imperfecta est quo fit, ut suæ conditionis defectum, artis beneficio supplere contendant, atque nitantur. Natura si quidem comparatum est, ut turpe, pulchrum & honestum appetat & prosequatur. An quia mentis decore carentes, corporis ornamento prorsus vacare coguntur.

## XXVII.

*Propter quid raro longus sapiens est?*

Vtrum quia corporis prolixitas, ex excessu caloris, humiditatisque exuberantia profiscitur? atqui ut sapientibus videtur complementū & perfectio, atque valentia ad nostras perficiendas operationes, non nisi

nisi multa ficitate perficitur, quæ assidue progreditur, donec nos inducat ad interitum nostri, Siquidem corporis constitutio, à sui primordio ab vltima humiditate profluxit. Caloris insuper excellentia auctoritate Philosophi tranquillitatem mentis, iudiciūmq; peruertit.

## XXVIII.

*Quam ob causam multitudo Principum mala?*  
*Quod & Homerus sentit.*

Οὐκ ἀγαθὸν πολυκίεσθαι, τίς κίεστος ἴσος εἰς βασιλεύς.

Vtrum quia vbicunq; fieri potest, vnum esse, quam plura melius est, vt Philosophi fert sententia? An quia si imperium in tyrannidem transeat, ac conuertatur, satius est vnius quàm plurium subire iugum? An quia ad commune Reipublicæ commodum raro, imperantium multitudo respicere consuevit? Quo fit, vt vno dissentiente, maximum vniuersitati immineat malum, Facilius quippe est vnum, quàm plures ad bonum disponi. In principatu enim multorum, non desunt inuidiæ, iurgia, contentiones, rixæ. Proinde cum experimento comprobatum sit regnum non capere duos, quàm verissimè illud Aristoteles enuntiavit; Multitudo Principum pra-



## xxxiii.

Cur homines pilosi, maxime sunt ad libidinem prompti ac proclives?

Vtrum quia in his maxima copia excrementi esse praesumitur & seminis, ut philosopho videtur.

## xxxv.

Cur homines, qui paruum caput obtinent, naturaliter sunt iracundi?

4. De Generatione animalium  
ca. 5.

An quia paruo existente capite, cerebro, cordis caliditas, propter oppositionem contrariae qualitatis, debito modo non potest refrigerari? Atque ira ex sanguinis ebullitione circa cor, propter desiderium rei contristantis contingit.

## xxxvi.

Quam ob causam, ubi homo minxit, de vestigio comprimit anum?

An quia statim aer ad replendum vacuum proficiscitur? Quare aeris frigiditate membra alterari, & inhorrescere necesse est.

## xxxvii.

Quam ob rem nonnulli ex tristitia perierunt, quidam vero ex gaudio, ex ira vero nulli?

Arist. lib. de Moribus  
vita,

An quia gaudium, intima viscera prorsus refrigerat? Tristitia vero interiora extingit & suffocat, exteriora frigidificat? Calore vero manente, stat vita naturae,

PROBLEMATTA. 163

vt Philosopho datur cernere, Permansio  
animæ in calido naturali, vitæ esse dicitur.

xxxVIII.

Cur pubescentibus, dum semen ferre incipi-  
unt, vox imminuat?

Vtrum quia cor (vt solertissimus Natu-  
ra rimator Aristoteles fêtit, quidquid Me-  
dicis videatur) sanguinis, & venarum prin-  
cipium est: quo fit, cum in parte superiori  
venarum sit seminalis excrementi mutatio,  
hic primum innotescere necesse fit. Ex qua  
fit, vt etiam voces cum marium, tum foe-  
minarum immutentur, dum semen ferre  
incipiunt.

De Part.  
animalium,  
cap. 3. & 5.  
de generat.  
animal. ca. 7.

Cum lebetis pleni aqua seruescente, fundum  
frigidum efficitur.

An quia calidi vapores sursum tendunt?  
Quare cum superiores calefiunt, fundum  
etiam interea frigiditate aquæ contigua  
frigeat.

xxxIX.

Cur granæ, quæ aestiu tempore formica in  
horreis reponunt, corrosa una ex parte reperiun-  
tur?

Vtrum quia à natura diriguntur, vt par-  
ticulam primam, in qua virtus seminaria  
constituta est, consumant ne pullulos. Her-  
cules. Illic germinantibus proprijs labo-  
ribus





# PROBLEMATATA. 165

Quo fit, vt plerunque filius neutri assimiletur, sed auo vel pro auo : quandoque verò nulli ex eorum familia similis est fortis.

An quia ex forti imaginatione hoc provenit? Tales enim vehementi admodum amore vxores prosequi consueuerunt. Nā vt Auicennæ fert opinio, contingit plerunque corpus ab effectibus animalibus immutari : valde enim admodum imprimunt res naturales. Quemadmodum euenit, vt puer illum præ se ferat, cuius effigies fuerit præconcepta in ipso concubitu mulieris & viri. Et huic sententiæ vulgares qui rerum causas & habitudines non capiunt, minimè acquiescunt. sapientes verò illi assentiunt, tanquam possibilia continent. Et proinde euenit vt sanguis ad exteriora moueatur, & profluat in eo, qui rubeas res maximè quadam applicatione animi, coniectat & cōspicit. Eodémq; modo dentium stupor contingit, dum aliquem, rem acritudine participantem comedere cernimus. Et plerunque membra eadem in nobis languent, cum aliquem dolere in talibus inueniatur. Saepetiam nostri corporis constitutio iminuitur, propter timoris excessum.

*Auicennæ in  
1. Sen. pri-  
mi. c. 24.*

XLIII.

Quamobrem asini, ut in proverbio est, agiliiores in prima aetate esse dicuntur?

Vtrum quia eorum natura & constitutione existete melancholica ab aetate, contrariarum qualitatum compensatione, necesse est temperiem provenire? Melancholica siquidem natura frigida est & sicca, pueri autem calida & humida. Hoc etiam in pueris videmus melancholicis: quippe quia in pueritia ingenio maxime pollent, & ante expectatum sapientia & prudentia fulgent, ut indiscriminatim, quicquid lubet, in posterum de eis sperare tibi polliceri valeas: quorum tamen ingenia in aetate progressu marcescunt. Quare quam scite & eleganter elogium illud apud Graecos emanavit: Esto malus, ut viuas: talium namque natura quam breuissima est.

XLV.

Cur in Pontio & in Scytia non sunt asini?

An quia maxime frigoris impatiens est eorum natura, ut Philosopho placet?

XLVI.

De natura animalium, lib.

8. ca. 25.

3. de gen. animalium, ca. 6.

Cur clericorum & mulierum avarissimum genus est?

Vtrum quia virtutis habitus ex frequentibus actionibus proficiscitur? Cum igitur clerici filijs vxoribusque careant, suas erogare

gare diuitias nulla necessitate coguntur, interea accipere ac congregare assuescunt, sicque auari euadunt. Nam, vt philosophus asserit, Quales sunt actus vniuscuiusque, talis tandem & ipse euadit. Mulierum autē natura, vt saepe diximus, imperfecta est, proinde sibi ad plenum satisfacere impossibile esse autumant. Quare congregant & retinent, vt suae indigentiae eo modo quo possunt occurrant: & quod natura illis non tribuit, arte & industria assequi enituntur. Eadem vt puto, ratione euenit, vt senio confecti auaritiae studeant. Aetatis namque & naturae destituti auxilijs, fortunae bonis inhiare proponunt, vt per ea defectibus subueniant.

## XLVII.

*Cur in bello potius, quam extra vulnerati minus dolent?*

Vtrum quia virtutes animae, ad aliam partem tendunt? Nam, vt philosopho videtur, ad alia fortiter intenti, delata sub oculis non videmus. An propter iram, quae, vt sapientibus videtur, tam interiora, quam exteriora membra calefacit? Calore autem anima (vt Aristoteles inquit) omnia operatur, quare contingit iratum, ex illato vulnere tardius refrigerescere: indeque euenit, vt minus tardius doleat.

*In li. de Sensu  
& sensibili.  
de anim. sens.  
tu 41. et 130*



## XLVIII.

Quam ob causam si Solis aut Luna, contingit deliquium, admiratur: cum autem ex seminibus planta aut animalia progignantur, minime?

*Auicenna*  
de viribus

cordis, tex.

I. cap. vlti

& Boet.

4. De con-

solatione,

lib. 5.

Vtrum quia à rebus consuetis admiratio cadit vt sapientibus videtur, & negligit anima de ipsis inquirere veritatem? Quod autem raro euenit, excitat admirationem, & inducit intellectū ad inquirendum & perscrutandum causas eius.

## XLIX.

Quam ob causam ex seminis diuturna retentione, capitis grauedo, & memoriæ hebetudo, & cogitativa mala dispositio contingit?

Vtrum quia, cerebrum ex seminis exuberantia grauet & impediat? An quia semen diu retentum mala & venenosa efficitur qualitate? quo fit, vt vaporatio eius ad caput, lædat nimis.

## L

Propter quam causam clerici & monachi mortem præ aliis agere ferunt & perhorrescunt?

Vtrum quia natura earum frigidi cordis extat, & melancholica est? An quia prorsus funditisq; se interire animaduertunt: quandoquidem nec in propria, nec in posterum natura consistunt, vbi ex vita migrauerint?

**L.** Cur cum planta nutriantur, & à qualibet digestionem aliqua superfluitas accidatur, nullum est samen in eis cernere excrementum?

Vtrum quia terra eius, quæ calore perinde ac vere utitur proprijs? Namque radicibus alimentum iam ex terra confectum hauriunt: ideo in stirpibus contrahi minime solet.

**LII.**

Cur planta, quæ frondes amiserint, denovo recipiunt pilos, & animalia pennas, quas amiserint, iterum recipiunt? hominibus autem quibus caluitium contigerit, nunquam capilli redeunt?

Vtrum quia anni tempora, illius corporis mutationem afferunt, ita ut primo temporum mutatione vicissitudo gignendi amittendique sequatur? Ut animalia pennas, post ut plantæ frondes, si pilos dimittant, recipiant, hominibus verò caluitium per ætatem euenit. Aetatibus verò reuersionem natura non tribuit.

Cur ætus omnes ægrotudines terminat?

Vtrum quia, ut Auicennæ videtur, si virtus & natura constiterit, inueniet ætatem resolutioni & digestionem, & expulsionem promptissimum: si verò prostrata

fuerit, calor continentis magis ipsam prosternet. Maxar enim corpora debilia, quia propter agro pernicies adueniet & interitus.

## LIIII.

Quam ob rem astate, si quis manus in aquam adijciat, magis refrigescat aqua mora quam quiescente?

Vtrum quia particulae aquae manum contingentes, a calore manus calefiunt? Siquidem omne agens in materia cum patiente communicans, in agendo rursus patitur? mota autem aqua, necesse est patefactas particulas segregari, aliasque frigidiores succedere.

## LV.

Cur nonnulli mala habitudinis & constitutionis plerumque diutius viuunt, alijs sanguineam aut meliorem naturam habentibus?

Vtrum propter regiminis peruersum ordinem? Aut melius respondebo, dispositiones in eis latentes, diuersas esse. Infinitus quippe est, ut Auerroi videtur, elementorum numerus in naturae suppositis: quod praeter naturae autorem, intellectus non potest capere.

## LVI.

Cur medicorum sententia, suffocatio maritica, qua ex consensuque seminis contingit, sauior



*ſauior eſt illa, qua ex retentione menſtrui ex-  
crementi prouenit?*

Vtrum quia quantũ aliquo excremen-  
tum perfectius eſt dum in ſua naturali diſ-  
poſitione conſiſtit, tantũ ceteris deterius  
redditur, dum ab ea remouetur, & ad cõ-  
trariam qualitatem permutatur? Quod in  
aceto etiam eſt cernere: quippe quũ me-  
lius eſt vinum, quod accedit, ed acetum  
eſt acutius. Eadem ratione euenit, vt qui ſe  
in uicem nimis amauerint, occurrente diſ-  
cordia, maiori odio ſe proſequantur.

LVII.

*Cur nauigantibus, terra & res quæ quieſcunt,  
mobiles videntur?*

Vtrum quia viſionis ſenſorium, mota na-  
ui, neceſſe eſt per accidens moueri? Quo  
fit quod ſenſibilem ſimilitudines recipian-  
tur cum motu.

LVIII.

*Quare ſenſum viſus præ ceteris diligimus?*

An quia (vt inquit Ariſtoteles) rerum  
differentias nobis oſtendit? An quia eius  
cognitio magis quàm ceterorum, a mate-  
ria ſeiuncta eſt? An quia amoris præcipua  
vis, (vt diuinus inquit Plato) in eo conſti-  
tuta eſt?

LIX.

*Cur cum ſenſu viſus baculus in aqua fractus  
appareat*

*appareat, non tamen sic iudicamus?*

Vtrum quia visum errare cōprehendimus sensu tactus? An quia non secundum eandem potentiam iudicamus, per quam phantasmata fiunt? Signum autē, quia Sol pedalis videtur: & per digitorum permutationem, vnus duo videtur, attamen non assentimur duos esse.

*LX.*  
*Cor volentes aliquid à remota intueri, maiorem supra visionis sensorium admauent?*

An quia motus non interpellantur, Sed à longè directi sensorium subeunt integri? Eadem ratione, vt Philosophus sentit, Animalia quę prominentibus sunt oculis, procul cernere nequeunt: quę contrā, intus, in cauo oculos habent positos, longè aspicere possunt: quoniam motus in vastis non dissipatur, sed recto tramite meat.

*LXI.*

*Quam ob causam quidam à remotis vident aliqua obiecta, quę si propinqua fuerint, intueri non possunt?*

Vtrum quia res visibiles non videntur, nisi mediante aëre lucido? Oculi verò imbecilles maiori copia luminis indigent, quam oculi bene dispositi. Obiecto autem procul posito à visionis sensorio, in ipso interstitio plus luminis intercipitur.

Aut

Aut quia motus qui à sensibili remoto ad sensum debilem proficiscitur debilis est, quem sensus sustinere potest; qui autem de propinquis visibilibus causatur, fortis est, quem visus debilis pati nequit. Quod in decrepitis est cernere, quippe qui propter visus imbecillitatem à remotis vident & remotes literas in Solis lumine legere possunt, quātanien à propinqua distantia, in lumine candelæ aut Lunæ legere aut videre nequeunt.

## LXII.

Cur quidam propinqua sensibilia vident, remota autem videre nequeunt?

Vtrum propter visus imbecillitatem quippe in talibus videndi facultas debilis est, & non vnita? quo fit, ut indigeat forti motu, ut contingit illis, quorum oculi sunt valde emittentes, qui, ut dictum est, procul cernere nequeunt.

## LXIII.

Cur volentes directo sagittas emittere, compuncti non possunt?

Vtrum quia virtus visibilis, tunc ex vnione speciei magis vnita redditur, quo fit, ut ad suas actiones promptior reddatur, atque potentior.

## LXIII.

Quam ob rem qui diu in tenebris versati sunt



*sive penè maximo splendore occurrant: ob acutur. quibus in solibusq. molibus nihil in*  
 Vtrum quia sapientum consensu natura subitaneas mutationes non tolerat? Aut quia visibilis spiritus in talibus paucus est, qui gaudens suo simili, dum lumini obuiat, dissoluitur? Aut quia isti propter luminis desiderium, quo longo tempore caruerant aspectum rerum visibiliū & luminis diu prosequuntur? Quo fit, vt virtus prostrata amplius debilitetur: quod etiam in illis, qui famē longo tempore perpessi sunt, euenit: quippe qui cibum magna cum auiditate capiunt, etiam plus cibi assumunt, quam virtus eorū digerere possit: quò fit, vt multi hac de causa depereant.

## LXV.

*Quā ob rem obtuse vidētes paruas melius ab his litteras scribere cōsueuerunt. Mirum enim est, vt*  
 qui obtusi sunt oculis, rem faciant, quam ceterum facere in ierest, qui acuminē valeant oculorum.

Vtrum quia proximè posita, magna esse videntur, illi autem oculis proximè admotis scribere solent? An quia contractis palpebris scribunt? Fit enim pro imbecillitate, vt si laxatis diductisque oculis scribant, aspectus distractus passusque hebecat, si abductis & conuenientibus in vniuersum depromptus acutius videat. Quod  
 tamē

tamen angulum informat exiguum, efficit  
necessario, vt exigua litera scribantur.

## Lxvi.

*Quamobrem si quis nocturno tempore prope  
transeat, & oculos admoveat, longius vider, quā  
si manserit erectus?*

Vtrum quia perspicuum terminatum, &  
si minus luminis capiat non errantis, diu-  
tius tamen illud retinet, quod per aliquam  
distantiam illuminare potest; sicque visui  
confert ad videndum?

An quia lumen, quod ex stellis in aëre  
est diffusum reflectitur à terra reflexione  
imbecilli, & sic distantiam aëris terram am-  
bientis illustrat.

An quia obscuri vapores, aërem obtene-  
brantes, non prope terram, sed in aëre re-  
motiori supernant, quo fit vt in aëre plus  
visum impedian, quam per terram?

## Lxvii.

*Propter quid, qui malum aliquid operantur,  
oculis & vultu dissimulare nequeunt quod &  
poeta sentit.*

*Heu quàm difficile est, crimen non prodere  
vultu?*

Vtrum quia ut Palamoni & Phylioni  
videtur, oculus est nuncius cordis, sicut a-  
nimæ speculum, in quo omnia resurgunt  
& emicant?

An

*Quinto, de  
Genera.  
animalium,  
cap. 2.*

An quia corporis particula infirmis-  
sima, & laxior, refertaq; meatibus est? Quo  
fit, vt omnis alteratio, quæ ex corde exor-  
ditum sumpserit, quodd, vt peripateticis vi-  
detur, omnis sensationis motus atque co-  
gitationis principium est, ad oculos illico  
proficiscatur.

LXVIII.

*Quamobrem oscitanties, aut spiritum reddentes,  
accipientesque minus audiunt?*

Vtrum quia extremum sensorij audi-  
tus ad partem spiritalem terminatur? quo  
fit, vt quatiatur, moueaturq; vna cum spi-  
rituali instrumento, quoties illud spiritum  
mouet, mouetur enim cum mouet. An  
quia multus spiritus inter oscitandum, au-  
res etiam intrinsecus subit, vt motio vel  
sensus percipi possit, quum trudit ad aures  
maximèq; post somnum? Strepitus autem  
vel aer, vel aeris affectio est igitur cum in-  
teriore remittitur, exteriori illi occurren-  
ti efficitur, vt motus interioris strepitus  
motum exterioris retorqueat atque offu-  
scet.

LXIX.

*Cur nihil sua generationis corruptionis,  
ipsum potest esse sui causa?*

An quia persistere oportet ei quod  
mouetur, & generans ei quod generatur.

ali-

*Per. 11. pri-  
mo. Probl. 2.*



PROBLEMATATA. 177

aliquod autem prius seipſo eſſe impoſſibile eſt!

LXX.

*Cur mulierum corpora laxata ſunt & mol-  
lia, pilisſque carentia & minora corporibus ma-  
riſorum?*

Vtrum quia fluxus menſtrui excremen-  
ti? Namque cum illo ſuperfluitates ex qui-  
bus pili naſcuntur, profluunt, & ex quibus  
caro & corporis affectus repleti poſſent;  
quare etiam corpora minora obtinent. In-  
de etiam proficiſcitur, vt earum venæ la-  
tentiores ſint, quam in maribus.

LXXI

*Cur dum aliquid horrendum cogitamus, ter-  
rore concuſimur?*

Vtrum quia cogitatio & intelligentia  
rerum, virtutem atque valentiam obtinet?  
Nam (vt inquit Plato) rationes vtiq; cum  
ijs rebus quas exprimunt, cogitationem  
quandam habere videntur. Species ſi- *In libro de*  
quidem calidi aut frigidi, aut rei delecta- *morib. ani-*  
bilis vel contriſtantis, talis exiſtit, qualis *malium.*  
natura rerum, ſicut Philoſophi protulit  
ſententia.

An quia ad comprehensionem alicuius  
horrendi, reuocatio caloris ad interiora  
conſequitur: quo fit, vt partes exteriores  
frigeſcant, & tremore quatiantur.

M.

## Lxxii.

*Cur mares in sua natiuitate primò caput emittunt, femina vero pedes?*

Verum quia partes in maribus superiores, maiores sunt: in mulieribus autem inferiores? Natura siquidem marium calida est: calidi vero est superiora mouere. Quo fit, vt superiora in maribus maiora sint. Mulierum verò natura frigida & frigidum ad inferiora tendit. Quo fit vt inferiora mulierum maiora & grauiora sint, & ideo grauantibus magis partibus tendunt ad lucem.

## Lxxiii.

*Cur mulierum multitudo sub aliquo duce*

*6. de Natura sine tumultu duci non potest?*

*animal. 6.*

*19.*

*6. de Natu.*

*ra animal.*

*cap. I.*

An quia natura earum instabilis est? Eadem siquidem ratione Philosophus assignit pastores capris non instituere ducem: quippe quia earum natura non stabilis, sed lubrica atque mobilis est. An quia mulierum natura garrula est, & maledicetior, & mordacior: querula præterea, anxiosa & magis desperans, quam vir atque imprudentior & mendacior?

## Lxxiiii.

*Quamobrem raphanus digestionis aliarum rerum maxime confert, cum tamen ipse indigestus remaneat?*

*Vtrum*

# PROBLEMATATA.

179

Vtrum quia substantia eius, ex difformi-  
bus partibus constat? Sunt namque in eo  
particulæ quædem tenues digerendis cibis  
satis accommodatæ, quibus, resolutis rema-  
nent particulæ densæ, quæ actionem calo-  
ris digerentis, subterfugiunt.

## Lxxv.

*Quum ob causam cāpana sonante sibaculo  
aut clauo quiescente tangatur, saepe frangitur?*

Vtrum quia tunc quidam tremulus mo-  
tus in ea gignitur? quo fit, vt omnes eius  
partes extra naturalem positionem consti-  
tuantur: quem motum momento deper-  
dere impossibile est. Admoto igitur impe-  
dimento particulæ extra proprium situm  
manenti, duorū alterum necesse est contin-  
gat: vel quod motus momento despereat,  
vel quod pars illa cedat per sui fracturam.  
Primum autem fieri nō potest, quaprop-  
ter necessario aliud sequitur.

## Lxxvi.

*Cur Ciconiæ ante cibum, ventrem compri-  
munt, post cibum verò soluunt?*

Vtrum quia sui stipatione infirmum  
stomachi orificium claudunt obturant-  
que? Quapropter ante cibum assum-  
pta, ventris profluvium coniungunt strin-  
guntque: Si verò post cibum occur-  
rant, partes superiores ventris eadem sti-

M. 2.

pa-



patione comprimunt: quo fit, vt partium superiorum compræhensione totus cibus extrudatur & profluat, idem etiã in con-  
similibus fructibus euenit.

## LXXVII.

*Cur scindentes ligna facilius scindunt, secun-  
dam semitam longitudinis, quàm ex transuerso?*

An quia in ligno aliquæ particulæ ob-  
longæ intenduntur? quemadmodum villi  
in animalibus, quæ per directum progred-  
iuntur: quo fit vt in scissione ipsa vna pars  
aliã sibi propinquã trahat,

## LXXVIII.

*Cur hasta percussa ex vno extremo facilius  
peruenit sonus ad aurem alicuius in alio extre-  
mo directè constituti, quàm ad aurem alterius  
magis propinqui, hoc percussò à latere existen-  
tis?*

Vtrum quia, vt dictum est, in ligno  
meatus quidẽ oblongi sunt per direc-  
tum extensi, & aër replentur: illi au-  
tem ex transuerso, aut à latere non pro-  
grediuntur? Quapropter percussa hasta  
aut trabe in vno extremo, aër in prædictis  
meatibus latitans recipit sonum. Cum au-  
tem liberius exire nequeat sonus, facile  
desertur ad aurem in alio extremo consti-  
tutam è directo: à latere autem meatus  
illius non progrediuntur: quare sonus ille  
modò

modo percipi nequit ita distinctè.

## LXXIX.

*Propter quam causam tempestate nostra non sunt viri in vnaquaque facultate celeberrimi?*

An quia, vt sapientibus videtur natura hominum diminuta & imbecillis est, & vt Solino videtur, corrupta successiue, nostri proles temporis per nascentium detrimenta? An quia à principibus viri virtute præditi paruipenduntur: virtutis autem sublatò præmio nullus est qui virtutem amplectatur? An aliter respondebo, mundum qualibet ætate perfectum esse, nullumque esse momentum, quo hic, quæ ad sui decorem, perfectionem atque integritatem attingent, careat? Non enim totius habitabilis terræ perfectio nobis innotescit. An ita natura comparatum est, vt semper posterius de suo tempore conqueratur?

## LXXX.

*Propter quid apud principes adulatorum plurimum valet auctoritas?*

Vtrum quia, vt Plutarchus retulit auctoritate Platonis, seipsos diligunt? Nimiùs enim uero & inmoderatus sui ipsius amor adultores admittit, illisque cedere cogitur. An quia, vt nostra fert sententia, carent lumine mentis? Nam & in volucrum

& coelestium genere, animalia sunt quæ propter suæ naturæ prauitates, foetidis gaudent, quorum etiam intuitum dies excæcat, nox illustrat.

## LxxxI.

*Cur philosophi nostra tempestate, magnæ ex parte sunt deprauatis moribus?*

Vtrum quia vilipendio sunt principibus? Aut, vt ratio videtur quapropter philosophiam ipsam falsis criminationibus prosequuntur, credentes se talia præmia referre, quia philosophiæ fuerunt obsequuti quare à virtute ad vitia deficere compelluntur? An fortè quia errore ducti, credunt totam philosophiæ vestem sibi vendicasse, arreptis quibusdam ab ea panniculis? Quare à nobis rectius sophistæ quàm philosophi nuncupantur? Hercules. Philosophorum interest, infracto animo esse in ytraque fortuna. Malè quippe philosophantur, qui philosophiæ dediti sunt, vt à principibus honorètur: & eorum desiderium non à natura dirigitur, sed errore & impetu falsæ credulitatis impellitur.

*Cur irati in principio expallescent, postea verò rubent?*

An quia ex appetu vindictæ propter rem contristantem, calor & sanguis ad præcor



PROBLEMATATA. 183

præcordia reuocantur: quare necesse est partes exteriores pallefcere? Vbi verò decreuerunt executioni mandare quod appetunt, calor etiam sanguinis ad partes exteriores progreditur: quare ab eis tunc maximè timendum atque cauendum est.

Lxxxiii.

*Cur habentes raros dentes & paucos sunt breuioris vite?*

Vtrum quia argumento sunt generationis primordia fuisse debilia? namque si informatiua virtus conftitiffet, & materia fuiffet obediens, talis raritas minimè in dentibus appareret. An iudicium est hoc, denfum esse os capitis, quo cerebrum inuvalidum est: quare minus fit fpirationibus opportunum, ita vt celeriter putreat, vt quod fua natura humidum fit? Nam & cætera, cum non mouentur atque exhalant, facile corrumpuntur. Quo etiam fit, vt homo capite pilofò maximè fit, & diutius quam foemina viuât, fucurarum fui capitis beneficio. An quia cibum malè conterunt? Cibi autem illa minutatim diuifio facit, vt calor facilius conficiendo expediat.

Lxxxiiii.

*Cur serpentes fplene & teftibus carent?*

Vtrum quia cruribus carent, idcirco

M 4 fplene

splene carent: testibus verò, ob sui corporis longitudinem?

## LXXXV.

*Cur serpentes præ cæteris eiusdem generis animalibus, caput vertere aduersum, reliquò quiescente corpore, valent?*

An quia insectorum modo, structura volubili constant, & vertebrae cartilaginosa & flexibiles habent? Euenit igitur serpentibus necessario hæc de causa. Melius verò ut ita vitare possint quæ ab aduerso noceant: cum enim prælongo sint corpore, & pedibus careant, inepti sunt ad conuertendum tunc, dum contra ea quæ à tergo incuruant, nihil enim utilitatis esset, si caput erigere quidem possent, iram agere nequirent.

## LXXXVI.

*Cur chamæle variis coloribus immutatur, & multiformis efficitur?*

De par. animalium  
li. 4. ca. 10.

Vtrum quia, ut Philosopho videtur, omnium ouiparorum pedestrium tenuissimus est, quippe qui omnium maximè inopia sanguinis rigeat? Causa ad mores animæ eius referenda est: præ nimio nâque metu multiformis efficitur, metus enim est, restringere per inopiam sanguinis calorisque.

Lxx.

## LXXXVII.

*Quamobrem crura, femora, suraeque hominis  
carnulenta sunt, cum cetera animalia non modo  
vipe rea, verum etiam quæ cruribus constans, va-  
cua carne hæc habeant?*

*Nervosa enim, osculenta, spinosa, rigida.*

*Vtrum quia homo solus animalium  
erectus incedit: Vt igitur facile sustinere  
superiora posset natura corpulentiam par-  
ti superiori dempsit, inferiori addidit.  
Itaque nates carnosas fecit, & femora &  
suras.*

## LXXXVIII.

*Cur animalia multum pinguis, citò sen-  
escunt, citòque intereunt?*

*Vtrum quia parum sanguinis habent,  
cum copia sunt absorpta ad pinguedi-  
nem? Quæ autem parum sanguinis ha-  
bent, hæc ad interitum sunt opportuno-  
ra. Interitus quædam sanguinis inopia,  
quòdque parum potest affici, tamen à fri-  
gore quolibet, tum à calore facile potest.*

## LXXXIX.

*Cur solus animalium homo, erectus incedit?*

*Vtrum quia natura calidissimus est?*

2. de Parti-

*An quia, ut Philosopho videtur, eius na-  
tura atque substantia diuina est? Offi-*

bus com-



ment. 7. li.

cium diuini est intelligere atque sapere, quod non facile esset, si vasta corporis molles accederet. Pondus enim tardiore reddidit & mentem & sensum communem,

XC.

De Part. ani.  
ap. 8.

*Cur caro ossi contigua, suauior est gustu?*

Vtrum quia per compensationem contrarij recipit temperiem? Natura liquidem carnis calida & humida est, ossis verò frigida & sicca est. Quare ex extremis contrarijs medium prouenire necesse est.

XCI.

*Cur inter comedendum loqui vetitum est?*

De Part. ani.  
nal. 3. ca. 3.

Vtrum quia ante gulam per quam cibus & potus deuoratur, arteria posita est ad quam spiritus ad pulmonem proficiscitur, hæc autem à cibo vel potu ingrediente infestatur? Attamen natura ad hoc molita est minorem linguam siue lingulam, quæ arteriam operiret: hæc autem aperitur dum loquitur. Quare cibus in eam facile ingredi potest: quo fit vt strangulationes, ruißes, facile inuitentur. An quia locutio tibi debitam impedit contritionem? Quo fit, vt cibus non congruè digeratur.

XCII.

*Propter quid vinum aqua commistum, aliquomodo citius inebriat?*

Vtrum

Verum quia aqua citius vinum discurrere facit? Eadem siquidem ratione multum, teste Auicenna, citius inebriat, quàm vinum: quia pars aquæ ei commista ipsum penetrare facit. *In I. Sem. cap. I.*

## XCIII.

Quamobrem causam magnates, & in maximis dignitatibus constituti, plerunque podagra articulo-  
rum doloribus infestantur?

Verum quia diuersis cibarijs ad satietatem ventris ingurgitantur? Atque medicorum sententia, nihil deterius est, quàm diuersa cibaria simul assumere, & postea magnam eius, quo comeditur & bibitur, temporis moram in comedendo apponere. Audit enim postremo adueniente cibo, primum iam aliquo modo esse confectum, quare citius cibationis particulæ firmitates non retinentis, inde crudi & mali humores oriuntur per articulos decernentes. An propter vini puri exuberationem, & ob otium immoderatum exercitiūque incongruis temporibus factum? An propter venereum vsum intentum, qui virtutem digestiuam maxime prostermit? Hercules. His maximè timendum est, ut diuinè Plotinus asseruit ne extirpescant, ut & nobis videtur ne  
etiam

*Auicenna  
Sem. in 3. c.  
de Regim.*

*Galen in 2.  
Aphors. 21.  
Com. & A.  
uicenna.*

In Sen. 84.  
trac. 4. ca. 1.

etiam bruta fiant, quandoquidem gulæ & ventri pecudum & stirpium more, obnoxij deditique sunt.

## XCIII.

Cur subita morse occupatur, qui nimia & immoderata crassitie sunt obfisi, & praesertim in prima aetate?

Galen. I. par  
secul. Aphor.  
com. & A-  
vicen in Sen.  
74. trac. 4. c.  
1.

Vtrum quia venæ eorum sunt angustæ? quare à compressione pinguedinis obturantur, vt spiritus libere discernere non possit: quapropter calor innatus extinguit, cum etiam aëris refrigerationem non capiant. Vnde medicorum sententia, maxime illis timendum est, ne venæ rumpantur, aut calor naturalis suffocetur.

## XCV

Cur in corporibus valde pinguibus plebomiam difficilis atque suspecta est?

4. de Natu.  
Ani. ca. 9. 2.  
de Parti. A-  
nimal. cap. 7.

Vtrum quia venas exiles latentioresque habent? An quia pingue quodlibet exaguet est, vt Philosopho videtur?

## XCVI.

Cur sit Aristotelis sententia, sensibiles virtutes in corde sunt constitutæ, ex cerebri tamen posterioris læsione, memoriæ: ex anterioris verò, imaginatiuæ: ex mediis autē in/posito, cogitatiuæ accidit deprauatio?

Vtrum quia cerebrum à natura institutum



tum est, vt cordis calorem refrigeret? quò fit, vt diuersis sui partibus, diuersimodè vir-  
rutibus, organis in corde existentibus de-  
feruiant. Non enim vna & eadem mensu-  
ra caloris omnis animæ actus profluit?

ECVII.

*Cur plerumque contingit, vt filii qui non le-  
gitimo thoro concipiuntur, soleriores, parenti-  
bùsque magis similes prognerentur?*

Vtrum quia virtutes animæ parentum  
ipso in coitu sunt vehementer intentæ?  
Tales enim maximo amore se prosequun-  
tur: quare cùm eorum affectus non di-  
strahantur, neque foetus natura variabit:  
idque maximè veritatem continet, vbi  
cum tranquillitate animi copulantur.  
Nam coeuntibus cum timore & ita seu  
tristitia, plerumque filij dissimiles gignun-  
tur.

XCVIII.

*Quam ob causam, cùm mors natura contin- 2. de Parti,  
gat, hominibus, quàm cæteris animalibus, terri- animæ. 10.  
bilior est?*

Vtrum quia natura hominis, vt Philo-  
sophi fert sententia, non solum viuendi,  
sed etiam bene viuendi rationem obtinuit?  
Solum quippe hominum genus, ex ani-  
mantibus nobis cognitis, diuinitatis est  
particeps: cæteris autem animantibus, sola  
visus

*Natura hist.*  
*cap. 4.*

visus cura est, in quo . vt Plinius inquit, sponte naturæ benignitas sufficit, vni quidem vel cunctis præferenda bonis, quod de gloria, de pecunia, ambitione, superque morte nō cogitant. Quare cum hominum genus nobiliori vita priuetur, dum occidit grauis & permolesta sibi præ cæteris mors est. An quia cætera animantia circa præsentia versantur, solus animalium homo futura prospicit?

## XCIX.

*Cur si mors natura euenit, vltimum terribili-  
um esse censetur?*

Vtrum, vt Philosopho videtur, quia vltimum est, nec quicquam bonum vel malum præterea mortalibus videtur esse. An quia insequimur naturam, quæ necessitatis est origo: non autem naturam formæ, & finis, à qua est boni ratio, quam cuncta appetunt? An fortè illis vltimum terribili-  
*Dep. an. ani-* lium mors est, quia ita viuere institue-  
*mal. li. 4. ca.* runt, vt se immortales esse cogitarent? An  
*9. & li. 2. de* illos maximo terrore quatit, qui prauis mo-  
*culo text. 30* ribus vitam peregerunt? At qui virtute vi-  
xerunt, illis quippe mors molesta non est: quod etiam Poeta sensit,

La morte è fin d'vna prigion oscura,  
a gli animi gentili, a gli altri è noia.

Ch'an

Ch'anno posto nel fango ogni lor cura.

An quia qui violenta & immatura morte occupantur, maximè tristantur? Quippe qui senio confecti interierunt, sine dolore ferè & terrore moriuntur. Senum quippe natura est, sicut lucerna extinctioni parata. Et vt diuinus inquit Plato, inter omnia mortis genera, mors quæ natura prouenit, leuissima & cum voluptate potius, quàm cum dolore contingit.

C.

*Quam ob causam cum homo sit natura terminus, aliorum cōparatione breui vita a natura donatus est? de quo etiam Poeta conqueritur?*

Viuere cornices multos dicuntur in annos.

Cur nos angusta conditione sumus?

Vtrum quia nostris illis conditoribus de nostro genere consultantibus, rerum caducarum perfectio, duratione temporis minimè mensuratur? Accidere enim in animatorum corpora, multo quàm hominum, ratione præstantiora esse. Et, vt Philosopho datur cernere, præstat breui tempore lætari vehementer, quàm longo leuiter. An quia natura de possibilibus facit quod melius est semper? Quod fieri autem non potuit, vt humani corporis constitutio, & diuturnitati, & animæ  
ope



operationibus couenire. Nam sapientum auctoritate, aliud temperamentum requiritur, primò vitæ, & aliud primò, vitæ operibus. Vtrum diuturnioris, sed deterioris: an breuioris quidam vitæ, sed melioris efficerent, visum fuit, vt diuinus inquit Plato vitam breuem melioremque diuturniori & deteriori esse omnino anteponendam.

## CI.

*Quamobrem nudum & inermem hominem natura primò genuit.*

An quia natura nihil irrationabiliter, neque frustra fecit? Cum autē homo prudentissimus sit, rectè plurimis instrumentis uti potest. Manus autē non est vnum instrumentum sed multa. Quare non bene sentiunt, vt Philosophus asserit, qui inquit hominem nobilem, sed deterime omnium animalium constare: nudum enim atque inermen creatum referunt. Cetera animalia tamen commune auxilium retinent, idque nullo pacto permutare possunt: at homo pro suo arbitrio, arma permutare potest. Manus enim & ungula, & cornu, & hasta, & ensis, & quiduis aliud genus armorum est. Cū igitur homo intellectu & manu a natura donatus sit, de sua nuditate & condi-

conditione conqueri non potest. An materia nobilitas, ex qua corpus humanum fuit constitutum, cornibus aut aliis consimilibus instrumentis non erat idonea?

CII.

*Quasuit dominatio vestra, propter quid vitum positum in vase constituto in aqua, salenitro commista maxime refrigescit?*

Dixi cum alijs, hoc fieri per antiperistasin, viam, per quam contrarium à contrario intendi solet. Verum quia, teste Philosopho, veritatis causa Philosophorum interest, nedum aliorum, verumetiam propria dicta emendare, sicut mihi datur cernere, ista solutio non satisfacit. Nam primo de generatione & corruptione, actio fit merito contrarietatis. Et tertio Physicorum, è nono Metaphysicæ: omne quod agit, agit in quantum est in actu, & non in quantum est in potentia. Et hoc est principium per se notum, & ab omnibus concessum. Manifestum est autem, quod salenitrum non est actu calidum. Nam de sensibilibus qualitatibus rectus iudex est sensus tactus, à potentia autem calida, quomodo antiperistasis provenire possit, non video. Ideo aliter dicendum puto, quod salenitrum est actu frigidum, & aqua ibi commista, est vino frigidior. Magis

N

autem

autem frigidum minus frigidum magis refrigerat. Medici causā afferunt, salenitrum esse potentia calidum. Comparatio est humani corporis non absolute natura. Reubarbarum bene hominē calefacit, sed equū frigefacit. Medicina enim est de humano corpore, vt de subiecto: & ad hoc non aduertebant.

### CIII.

*Cur plerisque hominū philosophia visa est res liberalis & diuina?*

Vtrum quia sicut corporis medicina, ita vt inquit lucidissimus Themistius, anima philosophia perfectio est? An quia philosophia studium nostrum erga Deū, obseruantiam pietatēque multum ad augeat, & tanquam concalefacit? Nam cognitio his, perfecte quę facit Deus in admirationem, commendationēque sui, omnium animos atque corda conuertit: hanc autem admirationem propensa charitas, fides ac spes certissima consequuntur. An quia mirabiles quasdam (vt Philosophus inquit) voluptates sui certitudine & sinceritate parit? An quia nos similes Deo reddit? An quia per eam (vt Seneca sententia tulit) vnus homo contrahitur liber?



## CIII.

*Cur tyranni literatos viros odio prosequuntur?*

Vtrum propter morum disparitatem? Enimuerdè ita fortuna tulit, vt semper ab improbis moribus lacescita iniurijs sapientia fuerit. An quia verentur, ne seditionem in ciuitatibus sua doctrina aut auctoritate moliantur? An quia literis culti, sæpe eos suggillare, & mores eorum taxare consueuerunt? Nam, vt inquit Plato, poëtæ quippe vim maximam, inter vtrunque partem habent, & ad laudandum & vituperandum. Quare vnusquisque cui fama curæ est, maximè sibi cauere dicitur, ne poëticum hominem infensum habeat. Quod maximè Minois exilio confirmat: quippe qui cum Homeri & Hesiodi auctoritate laudatissimus fuerit, cuiusdam tantùm poëtæ odio fama apud homines increbuit, ipsum rudem durumque hominem extitisse. Et an quia tyranni plus se virtute præditos diuitijs superare credunt, quam ipsi ab illis literis, doctrina, sæpe superantur? Proinde euenit, vt anima quæ mutuâ quandam compensationem, diuitiarum literarumque paritatem expostulat, coniungi ac conciliari non possit.

## ALEXANDRI APHRO-

DISEI SVPER NONNVLLIS

Physicis dubitationibus solutio-

num liber, Angelo Poli-

tiano interpre-

te.



Roblematum alia suapte natura credibilia sunt & nota, omnisq; ambiguitatis et quaestionis expertia. Quis enim quæso, mentis compos dubitet, cur volatilibus pennis natura sit elargita?

Quiuis enim prudens dixerit fomenti gratia, quasi vestimentis primo circumdatum ob speciem, quemadmodum gressibilibus quoque animalibus dati sunt villi, serpentibus cortices, squamæ aquatilibus, aut testæ: veluti ijs quæ testacea nuncupantur. Cur præterea alijs quidem cornua, alijs autem aculeos, aliis acutos ungues aut rostra, aut eiusmodi quippiam tribuerit? Hæc enim omnia, velut agnatis quibusdam hastilibus, quo sese ipsa ab iniuria tuerentur armavit. Cùmque omnes natura fructus omniâq; semina tum ad generandum, tum ad genus excipiendum fabricata forent, corucibus ea, aut corporibus

bus quibusdam mollibus, aut lignum, aut cutem imitantibus, cōmuniuit, & quasi intra scriniolum occuluit, vt rigoris, aut caloris, animantium etiam quorundam iniuriam deuitarent. In plerisq; autē ne ipsū quidem inuolucrū reliquit inutile, sed idoneum cibatu parauit. Plātas verò ipsas frōdibus, cortice, cæterisq; similibus, pinnarum villorūq; vice conuestiuit, vt quas præuiderat immodico frigore aut æstu offendi posse, & labefactari: quin & earum quasdā etiam spinis quasi spiculis armauit, quibus animantium iniuriam propulsarent florūque varietate partim ad speciem atque ornatum coronauit: partim vti vice præconum instātem fructum paritūdinem præmonstrarent. Igitur qui nota hæc dilucidāque sibi postulant explicari, sunt proculdubio mente capti. Qui autem ambigunt an sit igni insitus calor, ij tangendi non habent sensum. Qui dubitant vtrum natura ac prouida ratio consulat ijs rebus quæ oriuntur, & occidunt: quīq; ordinem motum, positum, ductum, calores, cæterāque his similia non credunt, supplicio digni sunt. Hæc itaque suapte natura nota sunt. Alia rursus inexplicabilia penitus, soli cognita Deo scilicet illorum essentiae auctori. Nam artifex, qui sit opus aliquot solertius



machinatus, omnes illius actus tenet causas. Qui vero eius operis sit imperitus, causas quoque ipsius penitus ignorat. Inexplicabiles autem quæstiones huiusmodi sunt: cur quibus alæ aut plantæ, aut litera titillantur, rident: cûrue nonnullis cûm marmora atteruntur, aut secantur, cûm stridet ferrum, aut limatur, ipso confestim audientes obtorpescunt.

Cur dentium stuporem, qui è frigidis pomis proveniat, Portulaca tamen quæ & ipsa frigida est, sanat. Neque sunt contrariorum contraria medicamenta, sed similia. Aut cur Magnetes, lapis ferrum tantùm attrahit, deque eius scobe viuificatur: succinum verò tantùm folia arida ac festucas aggregat, eisque adglutinator. Et Leo solùm gallinaceum pauet. Villaris autem gallina edito ouo, festucis vndequaque corpus purificat. Coturnices Veratro, quod toxicum homini est, vescuntur, Sturni Cicuta. Scammonia flauam bilem trahit: Colocyntha verò & Agaricum, & album Veratrum Euphorbiûmque, & coccus Cnidius pituitam: nigrum autem Veratrum, & Epythymum, nigram bilem. Quibusdam verò sedatur venter ijs quæ perpurgant: contrà verò ijs, quæ sedant, perpurgantur. Tum alio alijs cibatu

cibari magis delectatur, eumque facilius concoquit. Quis autem ignorat marinam Torpedinem, vel per ipsam lineam torporem in corpus adigere? Multum autem, si manus contineatur, contra torpedinem valere? Infinita denique huiusmodi enumerare possum, quæ sola experientia cognoscuntur. Quapropter & à Medicis proprietates arcanae appellantur. Quod enim de horum proprietate afferatur, arcanum propemodum est ad causam afferendam. Praue enim quidam solutiones horum proponunt quamplurimas, quæ inutiles penitus improbabilisque sunt. Dicunt enim purgatoria, quæ calidissima sunt humores trahere: quod proculdubio falsum est. Oportet enim quodcunque esse calidum, idem & purgatorium esse. Nunc autem Piper cum sit calidum, non trahit sed concoquit, solidatque. Eodemque modo & Mastiche & Aloe, Dicimus itaque non reciprocari sermonem. Nam si quocunque alius ducatur, id habitum quidem calidum, vim autem vacuificandi habet: non continuo tamen quicquid est calidum, vim quoque habet ducendi alui. Dicunt autem & Struthiochamelum ferrum concoquere: non proprietate quidem aliqua, sed cali-

ditate: quod profecto absurdū. Leo namque qui hoc animanti calidior est, ferrum tamen non coquit. Neque verò apud medicos tantum proprietates quædam sunt, sed apud philosophos, item ac grammaticos: ut ea, quæ pathi, hoc est affectus appellantur vîbus adnotata. Quocirca de ijs duntaxat quærendum, quæ medium quendam locum obtinēt: neque ad cognoscendum ancipitia sunt, & sub explicationem cadere possunt. Quæ enim falsa dicuntur, ea sunt omnibus nota: quæ veritatem præ se ferunt, horum nota sunt alia & conspicua, alia obscura & inexplicabilia: partim verò mediæ cuiusdam sunt naturæ, quorum nunc expositionē aggredimur. Omne autem problemā, aut ex habitu ipso solvendum, aut ex coagmentatione, aut ex actione, aut è consensu erga aliquod simile, aut è colore, aut per sensus deceptionem, aut per nominis participatum, aut quia eius rei vires magis minusque agant, aut quia durius quidque rariùsve sit: aut maior, aut minus, aut à tempore & ætate & consuetudine, aut essentia ratione, aut ex accidenti, aut similium rerum conditione: qualia quæ in problematis dicuntur. Inuenies igitur, si has tibi præponas formulas, quacunque de re ambigatur, vocare  
in



in disputationem possis. Quoniam verò  
haud ijs tantummodò acquiescendum est  
quæ ad vniuersum feruntur, sed tanquam  
manu ducendus qui eruditur, age, iam so-  
lutiones ipsas aggrediamur.

I.

*Cur Homerus homines à canicie temporum,  
pòliocrotaphus appellauit?*

**Q**uoniam vt plurimum inde cani in-  
cipiunt, quòd priora capitis humidi-  
tatis pituitatisq; plus habet, quàm  
posteriora.

II

*Cur tantum priora capitis caluescunt?*

Quia mollia laxaque sunt. Cùm igitur  
capillus ob naturalem siccitatem careat a-  
limento, facile ijs partibus defluit: haud  
enim facilè hæret velut in occipitio, quip-  
pe quod & siccius sit & conspissatius.

III.

Caluitium autem à siccitate ortum ha-  
bet, Hinc fit, vt qui crispis sunt capillo,  
quòd siccius caput habeant, citius calues-  
cant: serius canescant, siccitate consumen-  
te excrementa pituitatis. Sunt & vigiles  
præter cæteros. Somnus enim ex humidi-

tate oritur: Argumento sunt infantes humidi pariter & Tomniculoli atque excrementosi. Et humidi affectus, & ebriosi, & qui crebrius lauatur, minus quoque excernunt per meatus, vt per nares, per os, per oculos. Qui verò molliore sunt capillo, vt quibus est humidum caput, eis contrà euenit. Rarius enim aut nunquam caluescunt. Sed & vitio generis caluitiū accidit: & podagra, & alij quidam affectus cognitione generis excipiuntur. Citius autem canescunt, somnolentiq; sunt atq; excrementosi. Cani autem albi imitantur enim pituitæ colorem, vnde ipsi ortum habent. Sunt interdum propemodum aureoli, cum vitellina bilis pituitæ sit immixta.

## III.

*Cur senes excrementosi & vigiles?*

Excrementosi quidem sunt, quoniam ætate frigidiores imbecilioresque cum sint, minus concoquunt, multaq; per meatus excrementa contrahunt. Cum verò solidis ipsis corporibus sicci sint, vigiles quoque ob id ipsum sunt. Infantes enim & foraminum contextu, & solidis ipsis corporibus humidi sunt.

## V.

*Cur pueri qui & humidi natura sunt, & excrementosi, canos tamen minime producant?*

Quo-

Quoniam humidi calidique sunt, Pituita autem humida est ac frigida: incipit quoque habet quasi cutem & rarum, quo superflua excernatur. Id aetate durefcit, fitque osseum, & densescit. Vnde & futuras ei natura postmodum tribuit, per quas superuacui vapores efflarentur. Solutio ex habitu coagulatione corporis.

VI.

*Cur femina ac spadones ocyus canescunt?*

Fœminæ quidem, quod & natura sunt frigide, & minus exercentur, pluraque ob id excrementa contrahunt, ac tum præcipue, cum earum iam menses quieuerint. Spadones vero, quod semine iam non edunt, sed excrementum quo semine gigni debuit, per vniuersum corpus, vna cum sanguine diffundunt: id autem pituitatis naturam habet.

VII.

*Sed cur pilis carent?*

Fœminæ quidem, quia frigida sunt, densosque habent corporis meatus: frigus enim condensat. Hinc fit, ut quæ pili erumpant, via nulla sit. Spadones autem, quia & humidi sunt, & supra modum excrementosis: hac enim ratione fit: ne locis humidioribus herba pullulent: neque item siccis & lapidosis, ut quæ caluitium imitentur.

Cur



## VIII.

*Cur spadonibus ut plurimum pedes distor-*  
*quentur?*

Quoniam ob eam, de qua diximus, superuacaneam humiditatem, partes corporis viuidas mollésque habent, atque in id imbecilles: quapropter cum totius corporis onus crura non ferant, torquentur, ut si pondus arundini iniicias, flectitur. Nam quod durum ficcúmque est, idem & validum est & actioni renititur: quod autem humidum ac molle, id actioni resistere nequit: est enim imbecille. Argumento sunt & ligna & coria & vimina, atque item homines. Balneis enim & poculis debilitantur, victus norma modicè deliccatur, validioresque ad agendum euadunt. Quo efficiuntur, ut spadones muliebres quodammodo sunt atque imbecilli: similiterque vinolenti, ut quibus pituitatis plurimum insit. Nam cum frigidi sint, contrarium inducere affectant. Vinum autem suapte natura calidum est. Aethiopes verò, utpote naturæ ficcioris, capillo sunt crispo, macilenti, musculosi, validi ad opus.

## IX.

*Sed cur voce acuta sunt?*

Rursus enim humiditatis copia implens asperam arteriam, eam coarctant: hinc spi-

ritur

ritus per angustū means, vocis acuitatem efficit per latum, vt in viris granditatem. Argumētum esse possunt foramina tibiarum. Abundare autē illos humiditate manifestum est, quod leues sunt, quodque ijs in muliebrem modum mammae crescunt palpebrasque habent turgidiores suntque tenui capillo & incano.

## X.

*Cur nonnulli spadones rem veneream modo aliquo affectant, atque interdum amant?*

Quia multis circa pubertatem execti testes, cocontractiue fuerant, suntq; velut imperfecti spadones, quidam vero calidiori sunt iecore ac seminalia vasa magna habent, Imaginantur itaq; vsum: quod verò cupiunt, minimè peragunt, verenda enim ipsa marcent. Nam qui ea inflat spiritus, perpetuo deficit: is à semine ortus, per seminales meatus, ijs de partibus ferebatur quæ circa lūbos sunt: vt in pueris concreti seminales meatus occæcati sunt.

## XI.

*Quare cum tres humores simplices vniiformesque sint, non tamen tres vniiformes ægritudines simplicesque progenerant, sed plures?*

Duplices enim in vnoquoque accidunt, perpetue, scilicet & intercise: quia non ex pijs tantum humoribus morborum dif-  
feren-

ferentia proueniunt, sed à locis . Calidus enim & tenuis humior, acutam, breuem, atque ardentem gignit febrim? frigidus autem & crassus, obtusam & longam. Sic & lignorum, quæ quidem sunt calida & aridissima, veluti lauri, tedæ, & oliuæ ingentem excitant flammam citiusque exuruntur: virida verò & humida humilem & fumidum ignem edunt: seriùsque exuruntur. Rursus, si locus quidem ipse spatiosus sit atque amplus, citius ac maximè accendit humorem, quoniam cùm simul sit coaceruatus, vnà omnis penitus putrefactus accèditur. Si verò tenuis sit & angustus cùm vniuersum minimè capiat humorem sed particulatim, quia non simul omnis sit, putrescat: febrim quidem exilem excitabit. Sed quæ diutius ardeat. Admisce igitur humoris naturam ad locum omnemq; earum febrium differentiam inuenies, quæ ex humorum putrefactione proueniant. Si enim in magnis conceptaculis, vt in venis puta, & in arterijs, flaua bilis putrescat: cùm calida sit, ardentissimam, acutam, & breuem accendet febrim, qualis est quæ ardor appellatur. At si in paruis venis & arterijs, quæ circa cutem sunt putrescat pituita frigida, languidam & diurnam efficiet febrim; vt quam quotidianam dicunt



eunt. Præterea extrêma quoque ipsa permutantur. Quod si in paucis conceptaculis flaua putruerit bilis, febrim facit minorem breuëmque, sed longiorem tamen aliquanto, quàm est ardor, vt tertianam, aut simpliciter acutam. Aut si in magnis conceptaculis pituita putruerit breuiorem aliquanto faciet, quàm est quotidiana. Similiter & nigra bilis, si in magnis putrescat venis, quoniam vno tempore vniuersa quodammodo exurit, breuem faciet febrim per quartos: si autem in paruis diuturniorem quartanam. Concurrunt enim frigidus humor & crassus, & alterationi minime idoneus, atque angustus locus, qui vniuersam simul bilem exuri consumique non finit.

*De febre* XII.

*Cur nonnullis, vbi pudore afficiuntur, sudant alia?*

Quia maximè raris sunt meatibus. Natura autem auocans ab eo sese, quod sit honore aut reuerentia dignum, modicè vna cum sanguine maximas in venas arteriasque fugit, eaque repleta distillant. At gaudentibus euenit, quoniam remittitur, rarescitque corpus, maximè verd alia.

## XIII.

*Cur timens palleat?*

Quoniam natura nostrâ, eâque vis cui corpus est curę, nihil ab externis pati vult. Atque vt nos intra domos confugimus, ita & ipsa securitatis satagens, in corporis intima, quoad eius fieri potest se conijcit. Atque & sanguinem, quem pro cibo, vehiculoque habet, cum scilicet, qui optimus sit, secum trahit. Is autem & sanguis, qui roseo cutem purpureoque colore inficit.

## XIII.

*Sed cur iidem tremunt?*

Quoniam animalis virtus consensu naturæ nervos distituit, quos prius seruabat: ij verò corporis partes tremores expertes fuerunt, hinc fit, vt & venter ijs solvatur, & mingant de improviso. Nam qui musculi excrementorum meatus obstruunt, tunc imbecilles facti, superuacanea remittunt.

## XV.

*Cur quos pades, rubens?*

Quia natura sua sponte, conscientia quadam, quoddam honore sit dignum reuerita, quasi nobilis puella, modicè sese in corporis intima cōtrahit. Mouetur autē vna secum sanguis ac funditur: vnde etiam cutis sanguinis colore inficitur. Alij sanguinem à natura obtendi, quasi velamen dicunt, quem

quemadmodum & nos à natura velut admoniti, manum faciei prætendimus.

## XVI.

*Cur nonnulli metu extincti?*

Quoniam fugiens supra modum naturalis virtus, seque in corpus intimum vnà cum sanguine recipiens, insitum viuificumque calorem eum, qui propter cor gignitur, confestim suffocat, atque extinguit: quare & corruptionem inducit. Hæc enim ipsa ratione & oleum, cum plurimum ac subitò in lucernæ flammam inditur, eam extinguit: habet autem sanguis qui est in corde, proportionem ad lucernæ flammam. Quosdam & immodicus dolor ratione eadem exanimauit. Resoluitur enim insiti caloris internus motus vt operculo obtectus ignis extinguitur.

## XVII.

*Cur multos violentia exanimat?*

Quia rursus vini copia naturalem viuificamque virtutem caliditate suffocat. Præcipue verò hoc ijs accidit, qui insitum calorem exiguum atque imbecillum possident. Quod enim & plurimum est & validum reniti magis potest spaciòque temporis copiam coquit: quemadmodum, & flammæ copia maiorem, quoque olei insersionem tolerat.



*Cur fenes tremunt?*

Quia rursus naturalium virtutum nervi, ac particularum muscoli, cum sufficientem motivam virtutem minimè capiant, haud quaquam pariter ad tolerandum corporis onus annituntur. Fit autem tremor quoniam corporis pondus particulam deorsum trahit, animalis autem virtus sursum hoc cum & fiat successione, & continenter, tremorum ciet, hinc etiam ternui ingrediuntur, atque ad humum vergunt, quorsum eos natura detrudit, hinc & bacillorum adminiculo pro tigillis sustentantur, obque hanc ipsam virtutum imbecillitatem sterus de improbo urinamque deiciunt.

## XIX.

*Cur piper & Sinapi integra si deuores, ventrem minimè excalefaciunt, si trita, excalefaciunt?*

Quia quæ virtute tantum, non autem & actu suas habent qualitates, aliquo extrinsecus indigent adiumento, ut virtutem in actum producant. Ipsa igitur triturata attenuata, atque in intimum corpus per meatus penetrantia, tum à sua insitacilitate commota, agunt hoc pacto. Eademque ratio est & cæterarum qualitatum.

Sunt

Sunt autem ex iis quæ per qualitatem agunt nonnulla, quæ actu ipso qualitatem habent, vt aqua potabilis, prifano, lac. Humida enim & frigida sunt, neque vilo extrinsecus indigent ministerio ad refrigerandum atque humectandum: sed statim proprièque agunt. Similiter & sal & terra & eiusmodi: sicca enim sunt natura & virtute, & aspectu & actu. Mare enim & salugo, & viua aqua humida sunt, & imaginatione & aspectu: sicca autem & virtute & actu. Lini verò semen, & panis sicca imaginatione & aspectu: humida verò sunt virtute & actu.

XX.

*Cur nonnulli noctu nihil vident, die vident?*

Quoniam videndi spiritum crassiorem habent, neque qui aëra pertransire vsque ad visibile possit: noctu verò crassescit quoniam solis absentia refrigeratur. Vel (vt alij dicunt) quoniam interdiu à tenui calidiorque aëre attenuatur, noctu verò desatur. In seles autem, & hyæna & noctua contrà accidunt. Interdiu enim nihil cernunt, noctu exactè cernunt. Habent enim videndi virtutē tenuissimā, maximèque perspicuā: quæ cum noctu modicè crassescat, suscipiendo obiectui idoneo fit, interdiu autem atque

in claro lumine vehementer attenuata resoluitur atque dispergitur. Vnde & leones qui eiusmodi ferè sunt, per solem ingredi nequeunt, & ignem interdiu cernentes fugiunt. Est & eorum videre pupulam vehementer splendidā, habentque humida oculorum maximè perspicua.

## XXI.

*Cur repentinum vehemensque gaudium nonnunquam exanimat?*

Quia vitalis virtus & insitus calor cum immodicè extrinsecus fertur, egeritur, atque resoluitur: vnde & sudant & rubent, quoniam sanguis adest. Insitus enim calor atque ipse ignis, tum caliditate, tum quòd loco suo demigrat sursum versus mouetur, rursus verò pabuli appetitu deorsum, Vtrolibet autem horum motuum pereunte, ipse corrumpitur.

## XXII.

*Cur dolentes & amantes & irascentes sustinent admodum & frequenter?*

Quoniam dolentium anima ad ipsam doloris causam conuersa est, cupientium, ad id quod cupiunt: irascentium ad id quod iram ijs concitat. Igitur intenta anima ad id quo mouetur, negligit, & quodammodo obliuiscitur motuam peccatoris musculis virtutem præbere. Cor itaque



itaque ipsum, neque pectoris dilatatione  
aërem accipiens, ideoque neque per fla-  
tum, atque refrigeratum, neque item con-  
tractione excernentes singultifica ex cre-  
méta, quæ de sanguinis exustione gignun-  
tur, dum suffocationem metuit, animam  
cogit, atque admonet, ut quam plurimum  
musculis motu præbeat, maioremque in-  
spirationem atque expirationem efficiat,  
maiorem quoque vim frigidi aëris acci-  
piat, maioremque vim excrementorum ef-  
futiatur, ut quod exigua crebraque respira-  
tiones facturæ fuerant, idem maior una ef-  
ficiat. Vnde & Græcum nomen suspirio ex  
angustia pectoris prisca dederunt: suspirat  
autem diutius & frequenter, quoniam in  
id semper quod mouetur, conuersa est. Na-  
tura autem cogit eam, ut aliquando plus mo-  
tiuæ virtutis musculis pectoris per cor im-  
mittat: quod autem in pectore respiratio,  
idem in corpore perspiratio est, quæ per  
arterias fit. Similis autem est inspirationi  
dilatatio, expirationi autem contractio.  
Sub pulsus vero nomine dilatatio contra-  
ctioque comprehenditur.

## XXIII

*Cur Iscium difficile concoquitur?*

Quoniam leuitate sua humido pabulo  
intra aluum innatat, idque per mediam:

neque sese ad eius corpus applicat, quæ applicatione concoctio fit. Tum circa gulam redundat, cuius officium appetitus est, non coctio. Extra verò corpus si in aquam indatur, innatat, neq; demergitur quia dum carnes interuntur, leuem concipit spiritum, qui corpus in altum expuit, humidisque innare cogit: hinc & lentus est, quoniam spiritus est particeps.

## xxiii.

Cur antequam balneum ingrediamur, calidum mingimus? cum diutius in balneo superse-  
dimus, frigidum?

Fit hoc nimirum, quasi ad alterius cuiuspiam comparationem: Emissa enim vrina tepida qualitatis est, ac modicè calida. Extra igitur balneum, quoniam frigidum est corpus nostrum, quæ vrina emissæ est, velut ad corporis comparationem, calida est. In calido autem quoniam multo magis corpus quàm vrina calefit, frigida vrina videtur: quamuis aliquo modo calida sit, verumque id esse vel ex eo apparet. Etenim qui balneum ingreditur, vt calefiat, si calidum solum ingreditur, quæ calida est aqua, admodum feruida videtur: si autem iam exalefactus ingrediatur, non itidem ei feruida videtur.

Cur

## xxv.

*Cur loca maritima fodientes, dulcem aquam inuenimus?*

Nimirum quoniã in mari quæ tenuior sit aqua, dulcis est, quæ crassior, salsa. Tenuis igitur aqua per terræ meatus influens, in ipsa oculitur terra, quàm deinde fodientes inuenimus. Dulcis est autem, quoniam per brumam in aëra tollitur. Crassa verò aqua exiccata emundatâque fit sal. An in littoribus quæ meatus laxiores habeant, salsa inuenitur aqua. Excolatur enim eo etiam crassior maris aqua.

## xxvi.

*Cur putealis aqua per brumam calida, per æstatem frigida est?*

Quoniam quidque semper contrarium ut inimicum fugit. Frigidum vero, & contrarium calido esse, & ipsum corrumpere, manifestò apparet. Igitur quoniam calor per æstatem aëra occuparet, fugit frigus in intimam terram, atque ob id aquam frigidificat. Per brumam verò quoniam frigus in aëre plus pollet, rursus calor in intimum defugit, aquamque excalefacit. Contraria enim eodem in loco ac tempore simul manere contra naturæ legem est.



## XXVII.

*Cir breui statura homines proceris ut plurimum sunt prudentiores?*

Quoniam constipata atque compacta illis est anima in vniuerso corpore: proceris verò in longitudinem distentare soluitur. Quapropter Homerus Vlysssem breuem ac prudentem : Aiacem verò procerum ac stolidiorem describit.

## XXVIII.

*Cur minus prudentes cum ingrediuntur, sese veluti suspendunt?*

Quia ut inualidus gubernator haud in rectum nauim agit, ita marcidior anima, corpus.

## XXIX

*Cur stolidorum quamplurimi, prudentes gignunt liberos, ac robustos?*

Qui stolidiores in coitu voluptati magnopere succumbentes, animam habent corpori magnopere immersam. Quo efficitur ut eorum semen quamplurimæ virtutis tum rationalis, tum naturalis particeps, prudentiores, qui nascantur, efficiat. Prudentioribus autem atque ijs præsertim qui sunt eruditi, secus omnino accidit. Prudentiæ enim vis, aliquid eorum semper, vel in re ipsa venerea reputans, quæ sunt extrinsecus necessaria: idèoque suspē-

rior

flor efficit, vt quod semen defluit, quamplurima careat naturali virtute. Hinc soluendum, cur stolidi atqne ineruditi liberos gignant corpore robustos, eruditi contra imbecillos.

XXX.

*Cur ferarum stercus baud ita male olet?*

Quia ficciori minimèque superuacaneo vtuntur nutrimento, maximèque exercentur. Quin & dorcadum & aliorum quorundam animalium stercus, velut aromatatum quodammodo imitatur odorem. Hominis igitur stercus pessimè omnium olet, quòd ij & vario & humido vescuntur nutrimento, idque etiam supra satietatem & intempestiuè, & cùm minimè indigent, tū minus exercentur, minùsque quàm cætera animantia caloris habent. Quare cùm neque planè concoquatur, neque ob copiam per flatur, sed velut commarceat, mali est odoris.

XXXI.

*Cur sinapi cæteraque id genus acria, cui imposita vlceraant; deglutita verò, aluum iam non vlceraant?*

Quia prius demutantur ea, & concoquantur, quàm agant. Præterea resoluitur à (credo) nimia corporis humiditate, item cùm suprà cutem ponuntur, tempo-

ris ad agendam plus habent, quoniam eo conspissatior est, estque præterea imbecilla. At quod intimū est, & laxiores meatus habet, & validius est.

xxxII.

*Cur qui dolent quique gaudent, ridentes lacrymant?*

Qui quidam dolent, meatuum qui sunt in oculis spissitudine, eorum exprimunt humiditatem: qui autem gaudent, raritate meatuum humidum effundunt. Quibusdam verò in oculis, ijs qui angustiores meatus habent, in neutro lachryma exprimitur.

xxxIII.

*Cur hordeacea farina cum sit frigida, re soluit pituitates?*

Siquidem omne frigidum condensat, ac resolutionem impedit. Equidem puto non quia refrigeret, ideo resolvere, sed quia eijcat: vim enim eijciendi atque humores diuidendi possidet. Suntque plurimæ eiusmodi species, sibiipsis contraria agentes: non illa quidem prima ratione, & sese ipsis, ac præcipuè, sed secunda, & ex accidenti: vt Apium quod quidem est calidum, febrem diminuit. Non quia id quidem calidum est, simile enim similia augget, sed quia ex venis eijcit morbiferos humores, vimque habet prouocandæ vrinæ.

Itémque



## PROBLEMAT. 119

Scēnque Iris, & Hysopus, lateris morbo, quæ & pleuritis dicitur, conferunt: quamuis enim calida sint, tamen eos humores incidunt, qui pituitam intra eam membranam gignunt, qua costæ subtinguntur. Et aqua calida circumfusa rigorem soluit, qui Tetanus dicitur, quippe ex lentis frigidisque humoribus generatur. Soluit autem non propriè, sed ex accidenti, per medium aliquod, hoc est, per insidentem caliditatem. Si igitur sua sponte nullius medij interueni agant, propriè dicuntur primæque ratione agere, si medij agant interuentu, non autem ex seipsis, ex accidenti tum agere, perque secundum rationem dicuntur.

### xxxiii.

*Cur mingenibus accidit, ut & flatum edant?*

Quoniam cum vesica vrinæ plena est, turgēt, premitque, & coarctat directum intestinum. Dum itaque exinanitur, inclusio intestinis spiritui exeundi occasionem præbet. Quidam verò consensum quemdam harum inter se particularum esse ad deiectionem arbitrantur.

### xxxv.

*Cur qui oscitantem videant, & ipsi oscitant?*

Quia natura animantium, maximèque ratione carentium, similitudinum quendam

dam consensum itémque affectum habet.  
Atque ita sit, vt meiente asello, cæteri item  
meiant, cùm sint vrina repleti.

xxxvi.

*Cur lippus sanum lippitudine afficit, sanus  
verò lippum haud quaquam sanitate afficit?*

Quia oculi humecti sunt & molles, at-  
que affectibus expositi. Tum quia sanitas  
ex habitudine modica, vitium ex immodi-  
ca accidit. Quod igitur modicum est, faci-  
lius ab immodico mutatur ac vertitur,  
quàm contrà. Ergo & lippitudo quæ im-  
modica quædam habitudo est, facile sa-  
nitatem, vt pote modicam demutat. Fir-  
tem mutatio, naturali corporum inter se  
consensu.

xxxvii.

*Cur numisma & pomum in aqua, maiora  
quàm sint, videri solent?*

Quia affusa ijs aqua, concolor fit, aspe-  
ctumque decipit, quasi maiora sint. Tali  
enim ratione & Sol & Luna, & quæ erra-  
ticæ stellæ dicuntur, cùm iuxta ortus aut  
occasus limitem spectantur, ampliori cor-  
pore videntur. Sua enim qualitate circun-  
fusus sibi aerem afficiunt.

xxxviii.

*Cur triangula procubærentibus rotunda  
putantur?*

Quia

Quia cū aspectus procul angulos videre nequeat, utpote acutos, eos ignorat, quibus ob aspectus deceptionem subditi rotunda putantur. Idem in remo accidit, qui sub aqua perfractus apparet.

## xxxix.

*Cur ligno procul vapulante ictum continuū videmus, sonum seriū exaudimus, quamvis vnā cum ictu & sonus fiat?*

Quoniam visum subtiliorē auditu acutiorēque habemus, Ictum igitur visus, utpote acutior, anticipat. Auditus autem, ut qui crassior est, sonum tardius consequitur. Hac ipsa ratione soluendū est, quod in nubium inter se conflictu brumæ tēpore, ubi ictus oritur eius quem tonitrum dicimus, eiusque ignitio quem fulgetram vocamus, ut in iis quæ pyrechola, hoc est, igniuoma dicuntur prius fulgetram cernimus, atque ita postmodū tonitrus exaudimus: licet cōflictu ipso prior tonitrus, posterior fulgetra, aut vnā saltē ambo oriantur: & hic igitur visus utpote subtilior, auditum præuertitur, atque ita fulgetrā prius videmus. Tū & auditus tonitrum sentit, ut qui crassior, atque ad consequendum tardior est.

## xl.

*Qui si vi cū nuda facie reliquo amictu corpore sumus, in maximo tamen frigore reliquū quidem*



quidem corporis, rigeamus, faciam minimè.

Consuetudine: assuevit. epim. facies acutè tolerando. Maximè verò nos consuetudo aduersus omnes affectus communit.

## XLI.

Cur flauabilis quæ per vniuersum vita temporis ea tunica, quæ bilis vesica dicitur, continetur, cuiusque corpus maximè affectibus expositum est, minimè ipsam corrodit; at si vel ad exiguum temporis indugem, cuius est corpus ad patiendum minimè ipsum ingruent, statim eam excusum reddit.

Quoniam ita est à natura institutū, vt ea tantum in corpore inhabitet, ideòq; minimè ipsum lædit. Magnū enim remediū contra dolorē naturæ nomen est, nullæque alia possim tibi exēpla afferre. Decē in matrice menses infans perimānet, nullum pōderis sensum prægñati præbens. Spiritus autē leuis in eū incidēs dolorē cōtinuū acutè citat, qui & tentionē & intollerabile efficit pondus. Aspera arteria vnius est spiritus receptaculum, in eam si mica aut potiuncula deeret, suffocationem aut vehementem efficit pussum. Id nisi natura ipsa præfinisset, haud quaquā fieri vel ad minimum posset.

## XLI.

Cur nonnulli cū balneum sitientes intrant, & postquē sitis exierint, nonnullis verò cōtra accidit? Sicciores

Sicciores quidem balneo humescunt, si-  
timque sedant: sitis enim à siccitate proue-  
nit: præsertim si non penitus à siccitate re-  
soluantur. At qui humidiores sunt, mini-  
méque sitibundi, si diutius immorentur  
calido præsertim aere, atque intra aridam  
contignationem, resoluta per sudores hu-  
miditate sitibundi efficiuntur.

XLIII.

*Cur radícula comesa, alij foetidum eructant,  
alij minime?*

Quorum quidem aliis ac stomachus  
superuacaneis malisque humoribus iisque  
ad pituitam vergentibus minimè exube-  
rat, eorum purus est ructus, at quibus exu-  
berat, foetidus. Radícula enim calida est,  
humorúmque crassitudinem incidit atque  
attenuat. Ex humoribus autem spiritus  
excitat, etque per rectum effutit. Sic &  
tænum quiescens, nihil olet: motum verò  
& conturbatum grauem halitum efflat.  
Qui verò radiculam ipsam, grauis naturæ,  
ac foetidæ qualitatis esse autumant, quo-  
niam ea, cum extra corpus sit, diutiusque  
feruetur, grauius oleat, proculdubio fal-  
luntur: omnes enim qui ea vesceretur gra-  
uem ructum edere oporteret.

XLIII.

*Cur in maximis rigoribus digiti, ac summa  
corp-*

*corporis nigrescunt & decidunt?*

Quoniam extremū frigus abigit, atque retrudit insitum calorem sub intimum corpus: atque ita summa corporis liuescunt quidem primò, tum nigrescunt, & quodammodo cadaueratur. Decidunt autem, quoniam natura reliquo intenta corpori agglutinat sibi quod sanum inest: quod verò iam perijt, dimittit à sese, atq; extrudit. Summa autem præcipuè afficiuntur, quod neque admodum carnosæ, & minus calida sunt. Nam & stirpium cæ præcipuè foliorum perfluium bruma patiuntur, quæ minus calida natura sunt, atque ob id imbecilliores atque rariores. Qui verò dicunt statim à principio insitum calorem si à frigore quasi ab aduersario fugientem, in intimum corpus peruadere, tum sese colligentem & quasi instaurantem, ceu resumptis viribus, in eas rursus particulas, magna repente copia, auxilio accurrere: atque ita, vel quia repente, vel quia maxima caloris vi, eodem remigrarit, summa corporis exurere, quia in his residens magis congregetur, ij proculdubio falsum autumant.

## XLV.

*Cur qui summa corporis rigentia igni admovent: vj sale faciunt, vehementer dolent?*

Repen



## PROBLEMATATA. 225

Repentina videlicet qualitatis mutatio-  
ne. Plurimum enim frigus in plurimum  
calorem demutant. Quicquid enim im-  
modicè repentèque fit mala videlicet ha-  
bitudine, id naturæ cruciatû affert. Quic-  
quid autem bona habitudine & modo, &  
secundum naturam repentè immutatur,  
id naturam magnopere delectat: consistit  
autem in habitudinis modo humanum  
corpus, multoq; magis, quàm cæterorum  
animantium.

### XLVI.

*Cur qui piper aut magnum panem comederit,  
singultiant?*

Est verò proportio & cum ijs quæ ex-  
trinsecus aut ingrauant aut dolorem in-  
cutiunt? Piper enim flauaq; bilis propor-  
tionem cum spinis habent: pituita autem,  
& panis, cum grauiſſimo lapide. Qui alui  
minimè excrementosum, sensibilem, ca-  
lidumque sunt nacti, ij, ocysſimè piperis  
acrimonia mordicantur, stomachum ex-  
citant ad id, quo dolent, excernendum  
ac persequendum: atque ita quem singul-  
tum dicimus, effu. iunt qui verò frigidio-  
rem nacti sunt stomachum, maioremque  
in eo pituitatis vim habent: minùsq; sen-  
tiunt, ij, tardius singultiant. Idemq; ijs ac-  
cidit, qui magnum repentè panem deuq;

P

tatiunt.

Farine: panis enim copia ac magnitudine  
degrauantur. Neque enim suas partes celsare  
natura patitur, vbi quicquam adsit  
quod se lædat. Piper igitur qualitate acris  
ad efficit, secundum proportionem pun-  
gentis intrinsecus bilis. Panis autem quã-  
ritate ponderis, velut & pituitæ copias in-  
trinsecus degrauans, singultum efficit.

## XLVII.

*Cur qui in vnguibus affectus existunt, vehemẽ-  
per cruciantur?*

Quoniam nerui qui per digitos tendun-  
tur, peculiaribus excrementis vngues gi-  
gnunt: quemadmodum & dentes in gingi-  
uis fiunt. Cùm itaque sensibilis neruorum  
virtus in extrema progreditur, inque ijs  
collecta, veluti in conuallem profluens,  
aqua, congregatur, atque copiosior existit,  
proculdubio quo magis affectum sentit,  
magis etiam cruciatur.

## XLVIII.

*Cur deuorato repente magno pane, retentio sp̃i-  
ritus singultum resoluit?*

Quoniam stomachum premens, atque  
in angustum adurgens, id agit, vt & qui  
in eo cibus constipatus sit, exprimatur in  
ventrem, atque ita exoneratus singultum  
fiat.

PROBLEMATTA. 117

XLIX.

*Cur deuoraro pane singultientes, ubi quid m-  
ste audiunt, non singultium?*

Quoniam in id animum intēdunt, quod  
tristitiam afferat: quo efficitur: vt mouen-  
do pectori, minus sit intenta. Rursum, igi-  
tur cū non erumpat spiritus; verūm co-  
profior cogatur, singultum ficit, vt & ante  
didicimus.

L.

*Cur imagines prope quidem, planos colores,  
procul autem stantibus partim concauos, partim  
deuexos ostendunt?*

Quoniam videndi vis in longo inter-  
uallo extenditur, atque resoluitur: quo fit  
vt intima colorum exacte planeq; non cer-  
nat: sed candidos quidem colores deuex-  
os, nigros autem concauos videat. Candi-  
dum enim, cū sese splēdido admouit, ex-  
trinsecus splendescit: nigrum verō utpotē  
tenebrosum, intrinsecus. Artium verō alia  
materiam transformant, vt cū statuarius  
aeneū equum, aut bouem, aut aliud eius-  
modi animal fundens, aut eudens homi-  
nem fingit, aut aliud quippiam mutata sci-  
licet de specie in speciem materia aris.  
Alia additione agunt, vt cera aut luti fi-  
ctor. Alia demptione, vt qui sculpendo  
animal fabricantur, Alia coagmentatione.



& insertione, & glutinatione, vt in domo, vt in nauigio ædificando, in tela, in fabrili opere. Aliæ habitudinis alteratione fiunt, & per profundum quodammodo: quemadmodum natura è semine animatia procreat. Aliæ habitudinis simul alteratione & adiectione corporis, quemadmodum natura particulas enutriendo auget. Aliæ verò mixtione colorum & corporum adiectione, vt pictura.

## Ll.

*Cur sit frigida aqua neruis inimica, calida amica non est, imò verò & ipsa inimica?*

Si enim tale quippiam noxium, contrarium portò vtile est. Contraria enim in idipsum eodem modo agere nequeunt, Prima igitur ratione, ac per se calidum, quod est calidum, infestum neruis simpliciter non est, sed qua calidum & humidum est. Qui autem neruos habent laesos, eorum nerui, quia plurimum sensus habent multæ intentionis, multæque astrictionis indigent: sunt enim suapte natura sicci. Humiditas autem, vtpote contraria, emollit, remittitque ipsos, ac putrefacit. Calidum verò ipsum suapte natura minimè noxium esse patet. Calidi enim olei vtilis hauftus, quia astrictionis quoque vim continet.

Cur

## LII.

*Cur si poma nocent, quoniam frigida sint, atque humidu, aqua tamen quæ eiusdem habitudinis est minimè nocet?*

Quia subtilior est aqua pomis, citiusq; excernitur: quo fit, ut non adeò lædat, imò verò corporis particulas modicè intendit.

## LIII.

*Cur quæ difficilem habent concoctionem, crassioresque sunt humore multo facilius concoquantur, ut bubula carnes, quam quæ & faciliore sunt concoctione, & minus crasso humore, ut saxatiles pisces?*

Quidam id consuetudini tribuunt: nonnulli habitum quendam naturalem, atque arcanum, & neque explicabilem in causâ esse putant. Quidam verò immodicâ alijs caliditate, quæ concoctibiliora sint, quam par est, utpote mutabiliora, summa incendiij vi concremari dicunt, atque corrumpi: quæ autem concoctioni minimè idonea sint, utpote difficilia mutatu, eum non admodum mutantur, concoqui tantum. Sic enim & paleæ, ut quæ suscipiendis affectibus aptiores sunt, plurimo igni in cinerem abeunt. At quernis lignis non item accidit, ut quæ cito comburantur.

## LIII.

*Cur dolentium superficies pallescit?*

P 3

Quia

Quia natura (vt diximus) ad intimius corpus vna cum sanguine penetrat. Sanguis autem is est, qui ipsam calefacere superficiem ac rarefacere sit solitus.

LV.

Cur in Aegypto, quae est calidissima regio, frigidum vinum gignitur?

Eadem ratione. Rursus enim ad vitium radices defugit frigus, easque frige facit. Sunt enim vites multo quam ceterae stirpes suscipiendis affectibus aptiores.

LVI.

[Cur calida aqua puteo indita frigidissimam reddit aquam?

Quoniam quod in puteo frigus est, calida repugnati. Cumque eam frigoris abundantia superet, calorem ipsum omni copia prosequitur. Atque ita multa cum frigiditate per calefacientem aquam influit, eamque hoc pacto admodum refrigerat.

LVII.

Cur ubi exiguum animal in oculo inuolat, statim altero clauso oculo extrudatur?

Quia videndi spiritus iam per oclusum oculum exire non potest, vt iam didicimus, sed collectus in sese, magnaue in apertum oculum copia contendens implet ipsum, & tumefacit, & quasi extrinsecus promit, atque ita pellitur extruditurque



## PROBLEMAT.

134

*turque insectum.*

### LVIII.

*Cur colaphis icti ignem cernunt?*

Quia videndi spiritus ictu attenuatus magnopere ignescit: atq; in aëra egressus, talis cernitur qualis iam euasit. Idem euenit cum duos simul lapides, aut cum ferum ferro atteras. Interceptus enim aër magnopere attenuatur, atq; ignis fit. Idem quoque in nubibus accidit.

### LIX.

*Cur non omnium attritu lapidū ignis excutitur?*

Quia plerique cedentes nimium sunt, nimiumque leues, & quali meatibus fungosis. Neque enim pariter percussus aër attenuatur: quippe qui neque vehemēter ob leuitatem percutitur, & fugit, receditque intra meatus. Non ergo pariter totus percutitur, atque ignescit. Idem & lignorum euenit attritu. At verò à sole atque aqua ignis creatur, quoniam infracti, ad vitrum Solis radij, velut etiam in speculis euenit, magis ignescunt, rursūque ad supera reuertuntur.

### LX.

*Cur prurientes feruida gaudent?*

Quoniam pituita, cuius crassitudine ac frigidityte pruritus oritur, cutis sensum obtundit

LXI.

*Cur ijdem balneis gaudent?*

Quia calor pituitam fundit, eamque vagues resoluunt.

LXII.

*Cur magis humeri prurium?*

Quonia anticis partibus frigidiores sunt, ideoq; plus habent pituitæ. Quo fit, vt scabies, qui frigidiores sunt, pruritu magis afficiantur.

LXIII.

*Cur facilior scalarum descensus, quam ascensus est?*

Quoniam in descensu corporis pondus deorsum versus suapte vi fertur, & quodammodo descendente adiuuat. In ascensu vero laborat vis, corporis pondus sursum versus attollens. Sic enim & lapis facilius deorsum, quam sursum fertur. Quod enim graue est, deorsum fertur.

LXIII.

*Cur infantes vt primum eduntur, sentiunt?*

Quia sensus eorum atque natura veluti peregrinatur. Nam e calido molliq; ipsius matricis corpore in aera frigidum exeunt. Fortasse tamen & a lumine exterrentur, non (vt quidam aiunt) quod anima celestium regionum extorris terrenum corpus

pus inhabitet, atque ideo flore infantes cogantur.

## LXV.

*Cur apes, & formica, & musca, omniaque insecta oleo pereunt?*

Quia respiracula angusta habet. Oleum vero utpote lentum eorum respiracula obstruit: atque ob id pereunt. Idem & serpentibus & ijs contigit, quæ mali odoris sunt.

## LXVI.

*Cur flantes calida refrigeramus, frigida calefacimus?*

Quoniam respiratio calida fit: exiens autem spiritus eorum qualitatem resoluit. Calida vero refrigeramus, quod eorum calidam qualitatem mouemus ac resolvimus.

## LXVII.

*Cur quæ carnes noctu sub plenilunio fuerint, putrescunt?*

Quoniam tunc aer calidus ab eo atque humidus fit: quæ habitudo ad putrefaciendum maximè facit: unde efficitur, ut si modicus sit calor atque humor, concoctio fiat: si immodicus, extinctio: si calor præualuerit, exussio. Luna quoque quatuor noctæ habitus videtur. Media enim humida & calida quodammodo est. Plena calida quodammodo & sicca. Quo tem-



pore definit, sicca & frigida. Cùm luminis omnino est expers, frigida est & sicca. Est enim & Solis expers radiorum, quia tunc calidi sunt.

## Lxviii.

*Cur dolore affecti pallent?*

Quia rursus natura eius, quod sese angit reminiscens, paulatim ad intima defugit vñà cum sanguine eo qui cutem depinguat: minus tamē in ijs, quàm in metuentibus cuenit.

## Lxix.

*Cur gaudentes rubent?*

Quia natura sponte sua delectanti sese occurrit, qui extrinsecus sit, vt nos amico liberisque solemus. Eam verò & sanguis affectatur, is qui (vt supra diximus) cutē suo colore roseam reddit. Pallor autem à contrario accidit.

## Lxx.

*Cur in sopore nocturno cùm subito oculos aperimus, lucem videmus?*

Quia vidēdi spiritus collectus inter dormiendum atque adauctus, repentinus, plurimūque per tenebras erumpit, cūque ipse sit lucidus, instar luminis cernit.

## Lxxi.

*Cur verentes oculos deiciunt?*

Quia animi speculum sunt oculi. Nam  
&

de animi affectus per oculos cernimus, vt dolorē, irā, pudorem: quoniā verò non sustinet animus contra id quod sit honor dignum, intueri conscientia quadam, ideo aliquandiu oculorum musculos demitti cogit, idque velut sese operiens efficit.

LxxII. Cur auris omne humidū tolerat, excepta aqua?

Quoniam cum frigida sit, ad audiendum nervum continuū fertur. Frigidum verò omne nervis infensum. Rursum: Cur antequam vehemens excitetur ventus, quædam veluti stellæ excurrentes eum præmonstrant, aut quasi fulgere, maximèque per surdum? Nimirum quia coeperat quidam prius moveri: nobis autem, qui & crassa, & duri sensus corpora nacti sumus, nondum manifestus apparet. Supernum igitur aëra, vtpote magis tenuem, magisq; æthereum perflans in ignem conuertit, atque ita eius partes scintillantes videmus: vehementior autem deinceps virtus crassorem hunc aëra, qui sit circa terram, movet, atque ita sentitur.

LxxIII. Cur qui ventus angusta loca inflat, vehementior est, quàm qui laxa?

Quia colligens sese vnum in locum, intenditur in seipso, fitq; maior, increfcitq;

& vehementior euadit. In locis autē latioribus explicatur, atque dispergitur, sitque languidior imbecilliorq;. Hoc idem in calore accidit in qualitatibus, & in aquis.

LXXIII.

Cum aliqui longinqua, quolibet magna minime videntes, propinqua tamen quamlibet minutissima cernunt, quos & myopas, hoc est lasciuos vocant, quia conuidentes videntur.

Equidem arbitror videndi spiritum tenuem ijs esse ac purum: qui cum procul abeat, resoluitur, neque obiecta attingere possit. Vix autem propinqua cernit, propter tenuitatem ac puritatem. Sunt & qui minutissima procul cernunt, vt senes quidam. Hi igitur contra quia videndi spiritum crassum, eundemque multum nati sunt, necesse habent, vt is per longiusculam quodammodo viam moueatur, eoque pacto attenuetur, atque ad visibilia suscipienda idoneus fiat. Sic ergo duo inter se opposita soluuntur.

LXXV.

Cur prater omnia animantia soli canes post coisum vinciuntur?

Quia angustos habet meatus collum matricis, collum autem in re venerea inflatur, neque statim exit, tum, quia semen glutinosum est: vtraque enim in ijs nimis siccitate



# PROBLEMAT.

227

neccitate accidunt. Siccum enim cogit coar-  
ctatque particulas, atque humida conden-  
sat.

## LXXVI.

*Cur soli canes per æstatem rabie laborant?*

Propter siccae habitudinis præceptionē  
natura enim sicci sunt, magisq; in æstibus.  
Excalefacte igitur eorum humiditates, at-  
que exsiccate inflammantur, tum vniuersa  
eorum habitudo: eoque pacto insaniunt ve-  
lut phrenetici: unde & eorum saliuu vene-  
ni est instar, atque siccissima. Inflammari  
autem constat, vel frequenti anhelitu, vel  
igneis oculis, vel oris hiatu, quem ad pro-  
trahendum aëra apertum semper habent:  
vel quod eorum cauda ob siccitatem incur-  
natur, atque macrescit. Rabidi verò sunt  
præcipue qui siccissimi sunt. Sunt & qui  
Caniculæ sydus influxu quodam suo rabi-  
em ijs afferre dicant.

## LxxVII.

*Cur qui repente, etque inuari excacatur, minus  
cruciantur, quam qui per electionem excacatur?*

Quoniam qui de improviso, iij aliò con-  
uersum habent animum sensusque omnes  
inaequaliter suscipientem. Atqui per ele-  
ctionē, iij cum sciant quid passuri sint, ani-  
mum semper in ipsum quo inciditur cor-  
pus intentum habent: quare cum sensum  
æqua-

æqualiter suscipiant, magis in ipsa sectio-  
ne cruciantur. Solutio quæstionis, a con-  
sensu quâ magis.

## Lxxviii.

*Cur qui onera baiulants, cantantes ambulants:  
eodemque modo qui trahunt?*

Quia modulatione rationalis anima o-  
blectatur: quod fit ut in eam conuersa, mi-  
nus ipsum sensum suscipiat: unde efficitur  
ut non tantopere onus ipsum sentiat. Hac  
ratione solue, cur in funeribus tibie ac  
tympana adhibentur, cur ad dolentes, aut  
lugentes, aut ægotantes mos obtinuit, ut  
hominum conueniat multitudo, diuersos-  
que inferant sermones: vergens enim ad  
verba animus, calamitates minus sentit.  
Quapropter & scenica oblectamenta va-  
riaque eius genera ab antiquis excogita-  
ta sunt, ut animi distraherentur.

## Lxxix.

*Cur Aethiopes febricitantes ut plurimum tri-  
stuntur, & lippientes vlcérantur?*

Calidissimi sunt atque siccissimi, & quasi  
elementorum quædam iis resolutio acci-  
dit: & quod humidi exiguum iis inest con-  
sumptum atque corruptum, efficit, ut  
& cætera elementa resoluantur. Fugit e-  
nim calor cibi penuria. Exurgit frigus ca-  
loris

Ioris absentia. Regnat & siccitas humiditatis interitu. Atque ob id ipsum cadauera frigida siccaque sunt. Vnde & diuinus Homerus haud ignarus duo quidem elementa effugere, vtpote tenuia & leuissima, duo verò in extinctis corporibus permanere, ait, Sed vos ò cuncti, tellus fiat & vnda: siccitatem ille nimirum ac frigiditatem intelligit. Vlcerantur autem in lippitudinibus eorum oculi, quoniam sanguis ex inflammatione fit biliosus, multaq; acredine oculos per fluxum corrodit.

## LXXX.

*Cur in conuiuiis contra rationem poculis videntur?*

Incipientes enim exiguis, expleti maioribus poculis bibunt. Videtur id proculdubio ridiculum, sed neque præter rationem tamen fit. Vt enim frequentius ad mēsam possint perpetuòq; bibere, incipiunt quidem à paruis poculis, desinunt autem à maioribus. Parua enim pocula non tam queunt exatiare, quam abundantior potus. Si igitur à maioribus incipiāt, frequenter id facere, vt in ijs delitijs assolet, non possunt. Natura præterea ipsa immensis illis, capacissimisque poculis, veluti re quam peregrina turbatur, seque ab his auerit. Paruis autem paulatim assuescens, copiam



copiam quoque ipsam postmodum feres.

## LXXXI.

Cur qui aqua intercute laborant, cum pleni aqua sint, sitiunt semper?

Quoniam & ipsum humidum salū fit: quippe quod minimè permeet, sed putrescat, atque os alui exciter. Quin & febriculas tenues habent. Præter hæc autem quāto venter tumidior fit, tantò reliquum corpus, quum minimè sua ratione nutriatur, siccius euadit, vnde etiam macrescit. Plurimum enim nutrimentum in aquam abit ipsūmq; adauget morbum.

## LXXXII.

Cur in conuiuiis priusquàm cibum capiamus aut repleamur, angustè accumbimus, post repletionem verò, atque conuiuii finem laxamur, nec iam urgemur?

Quoniam cum è principio vehementè ciborum appetitum accumbentes habeant, in ea quæ intus, hoc est quæ in mensa sunt concurrunt simul, vniuersi atque repente. Post cibi verò satietatē alius deorsum vergit, alius in obliquum, alius item modo quouis alio sedet, neque supra modum in ea, quæ intus sunt vergunt. Atque hoc patet, vbi expleti cibo sumus, relaxamur. Præter hoc autem & quia omnes à principio, cum comedunt in pectus, atque la-

turu-

latitudinem corporis cubant, euenit, vt angustè accumbamus.

## LxxxIII.

Cur quocunque loco pilos habemus, cani gignunt præterquam in axillis?

Quia is locus calidus est: arteriis enim scatet & venis tum rarus, atque ob id pituitatis excrementa perpetuo excernens: hinc fit vt perpetuo sudet.

## LxxxIII.

Cur si pituita frigida est, & crassa, & lente similiterque nigra bilis frigida & crassa sed multò quàm pituita minor, quartana tamè diuturnior est, quàm quotidiana?

Quia pituita tametsi frigida copiosior est, humida tamen est: humidum verò facilius alteratur atque immutatur. Nigra verò bilis, frigida & sicca: quo efficitur, vt difficilimè alteretur aut immutetur. Deficiunt itaque in ipsa similitudine frigiditatis, & bilis redundantia: reliquam verò contrariam qualitatem occultant. Præter hæc, pituita magis naturæ consentanea est, quàm nigra. Vnde & cum quis sanus fame extinguitur, natura pituitam ipsam in nutrimentum vertit. In febre igitur quotidiana quicquid vtilis pituitæ offendit id omne in nutrimentum consumit. Quod autem inutile est, putrescens febrem accendit.

Q.

Quare cum quatuor sint humores, qui interdum putrescunt, tres tantum febres, non autem quatuor existunt?

Quia sanguis secundum naturam est & nutrimentum corporis: is, exuberans repletionem tantum facit: corruptus autem, non iam sanguis remanet: mutatur enim excalesfactus in flauam bilem, Reliqui igitur humores exundantes quidem morbos pariunt, maximèque circa cutem, ut serpentina ulcera, & cancri, duplexque genus vitiliginis, albos videlicet, & leucas putrefacti autem febres.

LXXXVI.

Cur si in duobus aduersis parietibus gemina sint & regione fenestra, quas vehementior perstet ventus, altera tantum clausa, iam per alteram non intrat vehemens ille & plurimus ventus, qui spiritus, velut visaque aperia accidebat?

Quia aer qui mouetur hoc est ventus, corpus est: altera igitur clausa qui per alteram intrat aer, locum domus replet. Cumque corpus sit, non iam reliquum aera, qui corpus quoque sit, ingredi finit. Ac si fenestra referetur, qui locum occuparat, exitum nactus, locum ingrediendi & alteri cedit, idemque rursus per obiectam fenestram erumpens aliam alteram ingredi finit,



PROBLEMATATA. 243

nit, idque continenter fit : clausa verò ad-  
uersa fenestra, non iam amplius accidit.

LXXXVII.

*Cur amantium extrema partes modò frigi-  
da sunt modò calida ?*

Quoniam vbi dolore affecti sunt erga  
amicā, eaque se desperāt potituros, insitus  
calor vnā cū natura in intima penetrat,  
quò fit vt extremæ partes frigescāt, obque  
id ipsum pallent & tristes euadunt. Con-  
trā verò cum aut bona spe ab amica sunt  
affecti, aut cum vehementer irascuntur, tū  
innatus calor ad cutem vergit vnā cū natu-  
ra, fiuntque calidiores & rubicundiores. Ob-  
que hanc ipsam causam pictores, Amorem  
nunc tristem pingunt, & quiescentē : nunc  
volentem, & ridentem : puerum verò no-  
tabilem, quia cupido vehemens quidem  
est, non tamen diuturna, & perpetua. Di-  
spositio enim perpetua est, vt in legitimis  
amicis, aut in patre erga filium, aut in vx-  
ore erga virum. Amor autem non perpe-  
tuus est. Vt plurimum enim circa ignotos  
accidit. Dispositio quoque modica stabi-  
lisque est. Amor autem vehemens est, in-  
stanti similis. Faciem verò habere sin-  
gunt, atque esse pinnatum : quia amantium  
animi suspensi tolluntur, suntque mutabiles

teu volucres. Tū cordi insitus calor semper ijs exardescit incessabili videlicet, vehementique cura erga id quod cupiunt. Tenet autem dextra gladium, sinistra autem pharetram, & quam plurimas sagittas, quoniam à principio quidem, ex vno oculorum radio amor oritur: vna enim & videt & cupit: vt verò primū capit, perpetuos emitit amans radios in id quod à se capitur. Is autē radius sagittæ similitudinē habet, & eum amans in corpus iaculatur, sunt verò intra pharetrā sagittæ, quoniam occultus emittit radios qui amant. Vt autem euētus ignē, sic consuetudo amorē accēdit: non enim propriē ex ipsa, amor oritur. Si enim hoc esset, proculdubio oporteret ex cōsuetudine semper amorem gigni. Amoris autem ortus repentinus est. Est verò nudus, quia absque medio desiderium in manifestoque euenit. Neque enim per alterum quippiam amat quisquam, sed neq; clam neque quam ignorat. Quapropter & statuarij, honoris gratia nudos in ædificiis deos regēsque effingunt, vt qui iudicare velint ad apertum illud virtutis eorum ac mentis extra omne clancularium vitium existere. Non est vnus amor, sed plures, quia diuersi rerum sunt amatores. aliter enim atque aliter amant, quemad-

mo-

modum & diuinus Plato ait, Amorem multorum capitum belluam esse: seu quia sub multos, ut idem ait, amores, idem cadit. Matrem verò habet Venerem, hoc est cupiditatem. Veneris enim simulachro cupiditatem effingunt. Fertur autem amor Erinnyn furiam amasse videlicet, quia multum iniquè amarunt, impiisque sunt cupiditatibus affecti, quemadmodum & à me ipso in secundo Allegoriarum libro ostensum est, quem in confictas de dijs historias composui.

## LXXXVIII.

*Cur in pestilentia alii pereunt, alii minimè?*

Hoc nimirum ex habitudinis conuenientia accidit: Nam si quis malis humoribus plenum corpus sit nactus, ei profecto, inspirans is aër, qui fit putredinis effector, & quod exiguum utilis humoris insit, facile corrumpit. Quo fit ut corrupto iis humore vniuerso, & insanabiles affectus, & quàm plurimi exoriantur, eòq; pacto occidant. Quod si nequè multa qui habeat excrementa, & bonis abundet humoribus, is aut nihil, aut parum, omnino à pestilenti aëre offenditur. Attrahi verò ab ea, quam diximus, conuenientia, id quod agendi sit causa, vel externæ materies ostendunt. Quercus enim haudquaquam

Q 3.

affecti-



affectibus idoneæ, neque eiusmodi sunt, quæ facile ignem comprehendant. Multò autem magis idoneæ arundines sunt, magisque igni excipiendo expositæ: sed & stuppa multò ijs magis. At si quis madidam capiat stuppam, viridēsque arundines, quercum verò aridissimam eligat, vel eam sulphure spargat, quod minimè idoneū erat, comprehendēdis ignibus id maximè idoneum reddiderit, si igni admoueat. Hoc itē exemplo & quæstionem aliam soluere potes, qua ratione eueniat, vt lassitudo diurnam potius febrim gignat, quàm aut eam quæ ex putredine fit, aut eam quæ habitualis dicitur. Dicimus enim euenire id ex dispositionis præceptione. Habebat enim naturales spiritus, humoresque minimè superuacuos. Solida verò omnia siccissima sunt, & causa in ea incurrit. Et cur Solis ardor alijs somnum excitat, alijs non item? Quoniam cui multa in capite pituita inerat, ea effusa caput humescit, atque inde sopitur. Qui autem sicco sit capite, cum magis id, magisque exsiccetur, peruigilio afficitur.

de GIG. LXXXIX.

Cur Sol nigrum quidem hominem, limum verò candidum reddit, ceramque emollit, limum durat?

Prop?

Propter dispositionem rursus patientis  
 materiae. Humores enim omnes, excepta  
 pituita, cum sunt prater modum excales-  
 cti, circa ipsam cutem nigri apparent. Li-  
 mum vero aut nitro, aut salugine infe-  
 ctum, cum Sol eius sordes absumat, albes-  
 cit. Rursus vero cum ex eadem cera hu-  
 miditatem eiciat, quae in eius intimo sit,  
 euenit, ut emolliat. At vero in limo om-  
 nem Sol humiditatem, quae & plurima sit,  
 & in ipsa superficie reduudet, depascitur,  
 atque ita eum desiccet, durumque efficiat.  
 Si ergo circa id quod patitur, & agens ver-  
 titur, magno nobis vsui esse potest. Si e-  
 nim pietate animum armemus, corpus ci-  
 borum modestia exornemus, vita autem  
 non possidente, sed iis contenta quae sunt  
 victui opportuna, nosmetipsos stabilia-  
 mus: tum omnes vitae molestias, quoad fieri  
 possit, euitabimus, neque nos agenti ma-  
 la idoneos praebimus, ut id quod pati-  
 tur, agat quicquam, si quis videlicet est  
 aut daemon, aut stella, aut alia quapiam ex-  
 trinsecus causa.

*Cur icterici difficile deiciunt, & deiectionis illa  
 alba est?*

Quia flaua bilis toto eorum corpore dif-  
 fusa est, quod & oculi indicant, & cutis

color: neque ad intestina iam confluit, vt prima naturæ lex exigit, atque ita stercus non colorat: neque sua atredine delectiuâ intestinorum virtutem irritat ad euacuandum stercus, proptérque id ipsum medicina qua, vt artes ceteræ, naturam imitatur, vbi in aegritudinis periculo corpus versatur, agrotanti virtuti auxiliatrix adest. Nam quia stercus deiicitur, bile irritante, atque eius expulsionem intestina prouocante, & musculos: ipsum verò stercus molle lubricumque est ob lentos illos humores, qui in intestinis sunt, eique adiacent, merito etiam clyster pro bile mel habet, quod eiiciendi vim habet: item nitrum, quod & vim habet eiiciendi, & intestina ac musculos ad expulsionem citat: hydrolæum verò, hoc est oleum aqua dilutum, ad humectandum molliendumque stercus, quod sit a febre desiccatum. Scire autem oportet nunc sua sponte naturam, ac sine medici ope agere, vt in aegritudinum iudiciis, vt in concoctionibus. Est enim tunc medicus velut spectator quidam & arbiter, & iudex duorum aduersariorum morbi & naturæ. Nunc verò per solum agit medicum, vt in articulorum iniectione: Nunc verò per medicum simul agitur & naturam, vt sordida concupisque  
vlt



ulceribus. Medicus enim sordibus vlcus  
perpurgat, iis quæ ad eiusmodi purga-  
tionem pertinent: tum cæcis illis menti-  
bus relaxationem præbet: refecat enim  
quicquid iis est pro operculo, vt sic dixe-  
rim, eosque obstruit, vt purum sanguinem  
acquirant. Natura verò per vlceris mea-  
tus purum sanguinem suggerit, qui a nu-  
trimenti sit creatus, eumque ad carnis ge-  
nerationem transfert. Is rursus à defic-  
cantibus venenis condensatus, idonea caro  
fit.

## XCI.

*Cur ii qui febri continua laborarunt, post  
iudicii tempus, quam crisin vocant, nigerrimam  
aliquandiu cutem habuerunt?*

Quoniam ex flaua bili continua acci-  
dit, quæ in ipso ægitudinis rigore perusta,  
in nigram demutata est. Atque ita in ea  
quam diximus crisi, à natura ipsa ad cutem  
repulsa tinxit ipsam: quemadmodum in vi-  
tiliginibus alba quoque est cutis: eius au-  
tem humoris crassitudine difficile eius ino-  
di color resoluitur.

## XCII.

*Cur nigra bilis ad mammas aut ad crura ac-  
cedens, corrosionem operatur: in his verò qui me-  
lancholici vocantur, cum in ipsum confluat ce-  
rebrum, id tamen non agit?*

Q 5

Quia

Quia in mamma quidem multæ magnæque in sunt venæ, propter lactis generationem, atque ob id bilis copia eò confluit. Similiter & in crus multa bilis deducitur: quippe quæ ad inferna feratur. Atque tò in cerebrum, tum quia supernè est, tum quia minutas habet venulas, exigua quædam bilis ascendit, quæque pungendi tantum, non autem corrodendi vim habeat. Frigidum præterea atque humidum est, quo efficitur, ut modo aliquo nigra bilis habitudini aduersetur, ipsamque emolliat. Quæ igitur propriè nigra bilis est, ea corrodentem in mamma cancrum gignit: in crure verò chironium vlcus, & quod nomades à depascendo vocant: in cerebro autem ferinam melancholiam. Quæ verò non propriè nigra bilis sit, sed melancholicus humor, & feculentus, fluxionem tantum, & tumorem, qui cancrum imitetur, sed minime corrodat, placidamque melancholiam gignit.

## XCIH.

Cur in iis, qui intestinorum difficultatibus laborant, papyrus conglobant, eaque in anum iniecta profunt.

Quia concurrentibus musculis sedis humectata papyrus musculos sua relaxatione excitat. Idemque in hypophoris agit, quæ

quæ in vlceribus cōcurrunt. Relaxatis igitur musculis, stercus velut destitutum dēicitur.

## XCIH.

Cur quæ uasa à Græcis baucalia dicuntur, cum aqua replentur, sonum quendam sibi proprium edunt, à quo & nomen vasis est factum, velut alia sunt apud Græcos nomina sonorum fictitia, ut in aqua phloesbos, & in alio borborvgmos & cætera?

Quia cū vas eiusmodi inane est aqua, aëre impletur, corpore videlicet tenuissimo. Cum ergo inditur repentē in ipsum aqua sua gravitate aërem persequitur, utpote tenuem, atque excludit. Simul enim manere in baucalio, quoadusque repleatur, nequeunt. Est enim à Philosophis demonstratum non posse duo corpora eundem locum tenere eodem tempore. Cum ergo aër repente sursum per angustias extruditur, sonus necessario exoritur: neque is vnus, sed plures: quædam enim veluti pugna inter ambos incidit. Aqua enim deorsum aërem premit, aër verò sursum aquam: hoc cū in successione fiat, accidit, ut frequenter sonus fiat.

## XCV.

Cui in vasis, quæ à Græcis harpagia quasi raptoria dicuntur, digitus eorum ori iniectus non

sonat



*sinis aquā infūdo effluere, eleuatus autem sinis?*

Quia cū ex ore digitus eleuatur, aer ingrediens trudit aquam deorsum, quo suapte natura fertur, atque ita per foramina fundi exit. Propter hoc ipsum omnia mechanica instrumenta per aerem et aquā conficiuntur, vt horonomia clepsydrae, vocūque imagines, quae de statuīs resulant, atque alia iis similia.

# XCVI.

*Cur & vinum & aqua alieno tempore febricitantibus data, phrenitem efficiunt, hoc est, duo inter se contraria; frigida enim est aqua, calidum vero vinum.*

Dico igitur vinum ipsum cū suapte natura sursum feratur, exurere cerebrum vna cum febris. Perturbatur itaque vehementer à principio animae instrumentum, aethereus quodammodo spiritus est, vimque ipsam prudentiae idem agere compellit. Inde verò hoc patet: multi quippe etiam sani plurimo perpetuòque meri potu vntes, mentis impotes fiunt. Aqua verò ipsa velut obstruens corporis meatus, per quos videlicet resoluuntur ij spiritus, qui à putrefactis humoribus oriuntur, eosque crassiores reddens id agit, ut plus ob id ipsum putredinis febrisque resultet. Saepe verò & aqua ab immodica febris

bri deuicta, eius pabulum fit. Quemadmodum in furnis usu venire videmus, qui enim ignem accendere volunt, exigua quadam aquula ignem irrorant.

XCVII.

*Cur mulieres acuta sunt voce, itemque & spades, & pueri?*

Quia humiditatis abundantia, arteria eis in amplum minimè protenditur. Caliditatis enim officium est meatus in amplum relexare. Vt ergo angusta tibia acutum edit sonum, sic & aspera arteria. Dicunt autem nonnulli mulieres acuta esse voce, quia conferat paritudine clamare ad pariendi facilitatem, quod proculdubio falsum est.

XCVIII.

*Cur infantes aestate debilitantur?*

Quod vulgus aestu laborare eos dicit. Fabricitant enim tenui quadam profundaque febricula, ijsque oculi excauantur, fiuntque vigiles, & imbecilles. Nonnulli vtrò & fluxu ventris laborant, quia infantes passibiles sunt, magnanque vim pituita in capite habent, ut dictum est, igitur in aestibus pituita supra modum exalata ac putrefacta febrim accendit: unde & cartilagines cerebri ignescunt, atque ob id vigiles sunt. Ignitio autem per ar-

terias ad cor descendens, & viuificum spiritum reddens ignitam febrim sine putredine accendit. Cum vero ex febre multa bilis procreetur, euenit ea ratione, quam superius explicauimus, vt bile aluum atque intestina, mordicâte, ventris resultet fluxus. Esse autem eius causam radicemque affectus in cerebro patet, quoniam capiti refrigerantia admoventur, eaque vtpote ignitionem extinguentia profunt. Laborant tamen hoc ipso etiam adulti: quibus scilicet in capite pituita aut exiguum flauæ bilis coaceruatum sit, & putrescat. Per ipsam igitur inspirationem, perque ignitum quodammodo aërem spiritus ignescunt.

## XCIX.

*Cur rotunda vlcer. difficile curantur?*

Quia ex bile acri, quæque vim corro-  
dendi habeat, oriuntur. Nam quia gutta-  
tim confluat, & corrodat, rotundum vlcus  
facit, proptérque id ipsum exurendo, defic-  
cândoque idonea reddunt imedicamenta.  
Atque hoc quidem pacto medici, Natura-  
les autem & philosophi euenire id dicunt,  
quia nullum sit principium, vnde vomica  
incipiat. In circulo enim neque principiu,  
neque finem accipere est: atque ob id di-  
cunt, cum eius figuræ vlcera ferro à medi-  
cis incidantur, in figuram aliam demutari.



C.

*Cur aliquem ad locum vel necessariò proficiscentes, cum tamen eò peruenimus, vltcrius aliquando progrediamur?*

Quia animum sæpe in rem quampiam habemus intentum, eoque inclinatum & conuersum, neque penitus sensibus imminuentem, vt quæ ijs propria sunt cognoscat. Velut igitur locum videntes non vident. Neque enim præsto is est: qui sensibilia iudicet.

CI.

*Cur mel omnibus dulce: ictericis tamen gustantibus amarum videtur?*

Quia bilem amarâ habent, quæ per totum corpus, perque ipsam linguam redundet. Mel igitur cum comedunt, fit vt quiescens humor contoueat. Gustus deinde ipse, cum iam bilis amaritudinẽ sensit, imaginationem parit, vt mel amarum putetur.

CII.

*Cur vehementer irascentibus oculi igni sunt?*

Quia ita feruor est eius sanguinis qui sit circa cor, calidique spiritus. Hic igitur, utpote subtilior, supernè fertur, perque oculos, qui perspicui sunt, transparet, habentque vapores sanguineos ascendentes. Vnde & facies rubra ijs apparet.

Huius rei non ignarus Homerus, inquit.

In

Instar erant ardentis lumina flammæ.

## CHII.

*Cur infusa serpentibus aqua eos expellis?*

Quia natura frigida sunt & ficci, & nervosi, & exigui sanguinis, fugiuntque immodicam frigiditatem. Esse autem illos huiusmodi habitudine vel hinc colligitur. Latebras enim hyeme quærunt, terræque intima, utpote calidiora. Occidente autem sole, ut plurimum rursus aëra, ut frigidum fugiunt: rursusque æstate: quoniã terræ intima frigida sunt, inde fugiunt, inque locos calidos demigrant.

## CHIII.

*Cur ovum si affetur, rumpitur: si in aqua bulliat, minime?*

Quia cum igni eius humiditas appropinquat, immodicè calefit, & exurit. pluresque ob id spiritus gignit, qui cum ob loci angustiam exitum quærant, rupto putamine diffugiunt. Idem quoque agunt in doliis & in fictilibus novis, cum mustum efferuet. Multa præterea flamma oui putamen assatione dirumpit. Id quod & fictilibus vasis supra modum adustis accidit. Unde naturaliter vulgò ovum, cum assandum est, aqua præmadidant: aqua enim calida suapte mollioris humiditates paulatim effundit.

## PROBLEMAT. 157

effundit, ac per raritudinem resoluit.

### CV.

*Cur in coitus voluptate homines quodammodo oculis conuiuent atque huic aliquid simile & in ceteris sensibus patiuntur?*

Quia deuicti ab affectu voluptatis, magis eam quodammodo cōniuentibus oculis comprehendunt. Non enim eleuantur, ipsūmq̃ extrinsecus animum vnā cum sensibus ad aëra protrahunt, quo efficiatur, vt corporeos illos affectus minus sentiant.

### CVI.

*Cur nōnulla licet vniformia medicamenta, vim tamen contrariam habent, quemadmodum experientia ipsa indicat?*

Mastiche enim eiicit, resoluit, & intendit, acetum autē & calefacit, & refrigerat. Quia insunt ijs indiuidua, minimāq; corpuscula per interpositionem, non confusione. Vt arena humectata conglobatur, vnūmq; corpus effici videtur, re vera autē multa sunt minutissima in arena corpuscula. Quod si hoc verum est, haud est absurdum in alijs, aliisque mastiche particulis contrarias virtutes & qualitates occultari, neque inter se confundi, quia natura eis tantum corporibus legem illam inseruit.

R

Cos



*Cur cum pedis digitum offendimus, inguen  
tumesceat?*

Quia semper natura, quæ ad corpus  
pertinebant prouidens, solet accurrere ve-  
lut auxilio his partibus, quæ dolere labo-  
rent: quoniam verò utilissimum omnium  
humorum, & nutrientem, & cognatum,  
ipsum videlicet sanguinem pro vehiculo  
habet, necessarium est, ut cum ea ad pedis  
digitum vnà cum sanguine descendat, im-  
pleantur eæ venæ, quæ maximè cum in-  
guinesunt, eæque partes quæ circum vasa  
ipsa sint, atque adenes à Græcis appellan-  
tur: quippe quæ rotunda sunt corpora. Im-  
modica igitur constipatio inflammatio-  
nem elevationemque efficit, appellaturq;  
ad inguen, ex ipso loco denominationem  
mutuatum.

## CVIII.

*Cur natura quibus neque vesicam vrina recep-  
tulum, neque renes elargita est?*

Quia multa indigebant humiditate, ut  
oriri pennæ atq; increfcere possent. Eam-  
que ipsa volandi exercitatione consumunt.  
Neque omniño quidem mingunt. Cum  
verò bibunt, stercus inmodicè humidum  
deiciunt.

## CIX.

*Cur pueris in vesica calculi gignuntur, senibus  
verò intra renes?*

Quia angustos in renibus meatus pueri habent. Terrenus verò humor & crassus violètia angustiarum ab vrina extruditur tum è renibus ipsis, tum ex concepta culis quæ Lunæ formam habent, in ipsam vrinæ vesicam. Ea cum latos habeat meatus, ex- eundi locum vrinæ præbet, humori verò ipsi, vnde calculi gignuntur, insidendi, subque more cōspissandi. At verò in senibus contra euenit. Laxos enim renium meatus habet quo fit vt vrina exire, & terrenus humor insidere congelariq; possit.

Color autem calculi humorem quoque ostendit, à quo ortum habeat. Solutio ex compositione sitûque membrorum.

## CX.

*Cur si caliditate calculus congelascit (calidi enim sunt pueri) similique ratione sit in senibus; neque enim tanta concedenda est frigiditas, quàm in glacie niuèque sit, extremo enim frigore renes demorarentur: non contrariis tamen ad frigiditatis solutionem, verùm similibus vrimur, hoc est calidis, vt petroselino, faniculo, & eiusmodi.*

Dico igitur accidere, vt exustione, torrefactioneque nimia calculis in arenulas

exteratur. Quemadmodum in testis, in fistilibusque valis, cum supra modum torrefacta fuerint, arenae proueniunt. Fitque hoc pacto, ut exigui lapilli una cum arenulis facile inter meiendum effluant. Euenit quoque nonnunquam, ut frigida epota, facile calculus extrudatur, renibus videlicet protentis, ipsum fluxu nimio per excernendi virtutem deicientibus. Euenitque praeter hoc, ut immodicus renium ardor, cuius causa calculi congelascunt, a frigida extingatur.

## CXI.

*Cur in renibus, inque vrina vesica est ulcerum difficultis curatio?*

Quia vrina cum sit acris, exulcerat cicatricem, quam opportuna medicamenta obducunt. Magis autem in vesica intra insanabilia sunt, quod intra eam permanet vrina, in renibus autem defluit.

## CXII.

*Cur in solis calida aqua commota, calidior nobis, nostrumque ferè adurens corpus videtur?*

Quia descendantibus nobis appellens aqua, & ipsa patitur, hoc est, cum nostrum ipsa excalefaciat corpus, & ipsa a nobis quodammodo refrigeratur. Didicimus enim, quaecunque in generatione corruptioneq; agant, ea quoque ipsa proculdubio pati.

Quo



Quoniā igitur aliquo refrigerata pacto, non iam similiter excalefacit, manifestum est assuesci iam nos, neque ipsam iam caliditatem sentire, quemadmodum à principio, quoniam immodica eius caliditas à nobis diminuatur. Si ergo calidam mouentes, eamque quæ cuti adhæserat, transmittamus: aliāque calida aqua syncerior accedat, nondum videlicet, aut agens, aut à cute ipsa patiens: suāque caliditatem immodicam seruans, meritò nobis calida, exurēsq; videtur, quatenus & ipsa agens patiatur, suāque remittat caliditatem, quemadmodum ille prior. Atque hoc per successionem fieri potest, quandiu enim calidam mouemus, tandiu semper ad nos accedens re vera ipsa calida videtur: quamobrem id vulgus naturali motu, cū vult in folio corpus magis excalefieri, mouet continenter aquam, quoad vult.

## CXIII.

*Quaratione si quicquid mouetur, sese ipso calidius fit; maximè que in calido aere & loco; aer tamen cū verberatur atque mouetur, frigidior nobis tactu videtur, idque vel maximè per aestatem, quo tempore Solis calor multò ardentius est?*

Hoc videtur contrarium superiori esse. Calida enim aqua calidior nobis sollicitata

videbatur. Hoc autem loco frigidior calidus videtur aër, cùm & mouetur & sollicitatur. Dico igitur vsu hoc venire, vt quod in re quapiam plus est, aut qualitate, aut virtute vincat quidem id & vertat quod minus est: modicè verò & ipsum quod fortius est contrà patiatur. Calida igitur aqua, cùm calida vehementer est, calefcenti adhærens corpori, & ipsa contrà refrigeratur, neque iam eandem qualitatem seruat. Qui nos igitur circumdat aër, æstate modica, cùm sit calidus, ad aquæ calidæ similitudinem, ingruens in corpora, à nobis ardentibus ob calidum anni tempus, calefit quodammodo, atque ipse nos contra calefacit. Quod & lineæ agunt vestes quæ cùm frigide prius essent mox à nobis calefactæ nos ipsos postmodum calefaciunt.

Cùm igitur aërem sollicitamus, transmittitur è corpore, qui à nobis præcalefactus aër fuerat, alter autem nondum excalefactus accedit, qui nobis frigidus videtur. Idque per successionem fit.

## CXIII.

*Cur quæ in pupula oculi vlcera fiunt, cùm exoleuere, alba videntur, quæ verò extra pupulam in nigro oculi, non item?*

Quia

# PROBLEMATATA. 263

Quia per solam pupulam videndi spiritus exit, qui & perspicuus est & lucidus. In albedinibus igitur ijs, quæ leucomata dicunt, cùm cicatrix meatus conspisset eius tunica, quæ cornea specie est, iam non videndi spiritus exit: quò fit, vt magna deinceps copia contractus cicatricem illustret, eamq; calidam ostendar. Quoniam verò ex visus cõdensatione spiritus non exit, euenit, vt non videant.

## CXV.

Cur pulua & calidam aquam, & frigidam niuem, hoc est aduersas inter se qualitates conseruant.

Quia palearum natura manifesta qualitate cart, vnde & à nonnullis ápoia, hoc est, qualitatis expertes appellantur. Cùm igitur facile siuapte natura confundì, commiscerique possint, ocysimè quibus adhæserint conferunt, eorúmque ipsæ confusione suscipiunt. Collato enim sibi calido calefiunt, idque ipsæ contrà recalcant, atque conseruant, similiterq; refrigerata, à niue, eamq; ipsæ refrigerantes, frigiditatem eius cõseruant: quemadmodum & cera & oleum quæ fatilè confundì possunt, sũntque item qualitatis expertia, conferunt eorum qualitati, quæ eunt ipsis

R 4

admis-



admiscentur, quippe quæ eorum fusionem accipiant.

## CXVI.

*Cur bruma per sudum clariora videntur sydera?*

Quia & à ventis & ab imbris vel qui nos circundit aër, vel qui altior sit motu ipso extenuatur, & quodammodo expurgatus puriorem sydereorum corporum conceptionem, multòque faciliorem, ulterio-remque progressum visui præbet. Quod & in puris perspicuisq; fluuiorum aquis manifestò apparet. Multò enim puriora clarioraque videntur quæ in ijs corpora in-  
sunt. At in crassis & coenosis aut nullo modo, aut confusa transparent.

## CXVII.

*Cur sæpe inter meiendum horremus?*

Quia acris bilis defluens atque vrinae vesicam mordicans, vniuersum quoque irritat corpus, atque excitat ad eius particulæ consensum, vt deijciendi vim modicè offerat. Atque ita qui horror dicitur, effici solet. Hoc verò pueris maximè accidit: multò enim plura ob nimiam saturitatem excrementa sunt nacti.

## CXVIII.

*Cur noctu dolores magis intenduntur?*

Quia anima secum ipsa otiosa non iam  
aut

Aut visui, aut auditui, aut alijs huiusmodi sensibus intendit, neque quicquam agit, neque ad externas actiones prouocatur: quo efficitur, vt multò plus corporearum perturbationum tangendi sensu suspiciat. Pauca etenim per noctem animales operationes existunt, quales sunt respiratio & cogitatio. Animum verò, cùm ad externa per suas operationes protrahatur, corporeas perturbationes minus experiri manifestò apparet, quando in luctibus, in aduersis valetudinibus, inq; cæteris huiusmodi accidentibus amicorum congressiones ac narratiunculæ eorum qui sint affecti perturbationes alleuant atque solantur. Animaduertère autem naturam quidam in suis operationibus minus interdum agere, vt in ciborum concoctionibus, in humorum perturbationibus, in sanguinis euacuatione, in pullulandi, nutriendi, crescendi, similitudinis, aliorumque his similibus operatione. Animam verò magis agere in suis actionibus: vt in quinque sensibus, in motibus particularum corporis, in imaginatione, in cogitatione & memoria. Contrà verò noctu: magis enim agit natura, minus anima.

## CXIX.

*Cur visum per brumã, cùm quid vehementer*

R 5

salu-

*calidum infunditur, rumpi contingit?*

Quia plurima frigiditate ex circum-  
eunte aëre, toto suo corpore affectum est.  
Cum igitur repente calidam non præcal-  
facto vitro indimus, eam caliditas con-  
trariam sibi frigiditatem proculdubio per  
sequitur. Illa autem una cum spiritu ipso  
repente fugiens, contractionem eorum  
corporum efficit, quæ intra vitrum sunt.  
Dadum enim est inesse & in vitro exiguos  
meatus, qui subtiliorem aëra contineant,  
quos tamen oculis sensuq; non essequi-  
mur, natura tamen ipsa, reque vera inesse  
non diffiteamur. Alij verò dicunt, quod ve-  
hementer sit frigidum, id arefacere atq;  
exasperare vitri corpus: unde efficiatur, ut  
quæ subtilior in eo pars sit, siue is humor,  
siue aër sit, extrudatur, & velut ignescat:  
unde etiam contractioni corruptionique  
idoneum euadat, quemadmodum & aridissi-  
ma ligna. Sic enim & Hipocrates aiebat  
venas à frigido rumpi. Quod igitur vehe-  
menter est calidum, id eiusmodi vitri corpus  
inueniens, multò id magis arefaciens, ru-  
ptionemque eius efficit per fractionem.  
Si ergo præmolitum fuerit, tum modicè  
præcalefactum nequaquam læditur, quem-  
admodum & athletæ cum sunt luctaturi,  
solco, à magistris, quas prædottibus vo-  
cant,



tant, præmolliuntur: & qui vocem exercet, ut respirationis partes molliat, præaniffant. Etenim cum frigiditas in parêtes illos meatus incidit, facile vnâ cum spiritu profugit, & viri mollities caliditate cedens haud facile perfractionem subit, Effe autem in vitro meatus, vel è vasis testateis patet, in quæ si aquam indas, atque hos pice liuas, exudet tamen humor. Videre est autem & fumum de vitri corpore per brumam erumpentem, cum in ipsum aquam infuderis, & vitrum confractum, extrinsecusque applicatum ei liquori, qui fit intus, qualitatem suam præbere.

CXX.

*Cur puri, maximèque infantes haud ita facile  
luctantur ut viri?*

Quia ex multitudine corporis solo terræ cedentes, resoluunt eius tensionem ac duritiem, ut vltius agere non possit. Viri igitur cum duro sint corpore, quoddam aut terræ duritati aut lapidi resistunt, intensiorem percussioneis adaugent, lapidèmq; ipsum cogunt in sese, utpote duriores agere. Hac eadem ratione & spongia cadens non frangitur, vitrum verò, aut testa, aut quod aliud eiusmodi durum corpus caso  
confrin-

confringitur . Hinc progrediens è similitudine dicere possis, cur venti motus vehementior quercum quidem deiicit, arundinem non deiicit? Quoniam quercus, utpote dura robustaque, & ingens, vento, resistens eius vim intendit: arundo verò, ut quæ mollis levisque sit, & exigua, cum venti flatibus huc atque illuc cedat, eius vim resoluit. Eodémque pacto luctator aduersario renitens, vim eius adauget: cedens verò aliquando, cumque eo se vnà circum agens huc atque illuc, citius eius tensionem soluit.

## CXL.

*Cur infantes nutricis canticum audientes vagitum sistunt, mox verò etiam dormiunt?*

Quia substantia musicæ, quemadmodum & scientiæ, artésque cæteræ animo sit insita, quemadmodum & igni calor est insitus quomodo & Plato ait. Reminisci animum nostrum scientias, non discere, Audiens igitur animus huiusmodi canticum, qua quidem reminiscitur, quiescere infantes cogit, qua verò oblectatur, in somnum allicit. Nam cum labe corporis minimè sit infectus, scientias quasi perspicuas habet, coinquinatus verò in corpore in illarum modicam obliuionem delabitur.

Cur

## CxxII.

*Cur nutrices, cum somnum infantibus allici-  
unt, eos mouent?*

Vt humores motu fusi cerebrū moueant,  
Idem tolerare tamen non possunt adulti.

## CxxIII.

*Cur nonnulli ebrj gemina vident?*

Quia oculorum muscoli plus minùsve  
repleti, atque eo ipso languidi oculos, al-  
terum sursum, alterum deorsum torquent:  
fit, vt oculorum radij eodem pariter non  
tendant, sed in diuersa loca atque corpo-  
ra, atque ita alteruter oculorum priuato  
cernendi vtens officio, duplicem efficiat  
visum. Id esse verum vel inde apparet: qui  
enim digito alterum oculum terunt, sen-  
simque sursum trudunt, gemina videre co-  
guntur?

## CxxIII.

*Cur qui natura strabones sunt, gemina non  
vernunt?*

Quia oculorum peruersionem non illi  
quidem sursum deorsumve, sed dextror-  
sum sinistrorsumq; habent, qui cum eum  
positum sortiti sint, qui in tactam lineam  
moueatur, duos radios in idem corpus cō-  
currentes habent, qui & vnum colorem,  
qualitatēque ad oculos referunt, quem  
& ei suscipiant.

*Cur*



*Cur pubescentes pueri hircizant circa annum  
quartumdecimum?*

¶ Quia tunc quæ per humana corpora natura meat plurimam ac repentinam ætatis mutationem efficit. Cuius rei fidem operatio facit. Videre est enim sceminarum quidem augeri mamas propter lactis collectionem, tum ea loca, quæ circa coxam sunt, intra quæ permanere fœtus possit. Virorum verò pectus atque humeros, quibus imposita graua corpora sustineantur, Testiculos præterea intra quos & gigni & permanere semen possit, Membrum quoque genitale, vt exire semen facilius possit, Vniuersum præterea dilatatur corpus, quod & membrorum mutationes indicant, & quæ solutiones circa annum quartumdecimum fiunt, & vocis asperitas quæ branchus, hoc est raucitas appellatur, sumpta videlicet translatione ex hircorum voce, in eum modum clamantium. Nam cum aspera arteria, à principio dilateretur accidit, vt quâ magis, quâ minus dilateretur, sitque intus eius corporis superficies velut inæqualis, vsque ad ipsum guttur: spiritus itaque per partes illas exiens, ac veluti offendens propter

pter viæ inæqualitatem, vocem quoque inæqualem effici & asperam, & quodam modo raucam. Idem & ijs accidit: quibus in asperam arteriam distillationes defluunt. Fit enim defluente humiditate, vt levis intrinsecus membrana inæqualitate repleta, inæqualem spiritus exitum efficiat. Talem, verò scito esse & hircorum asperam arteriam ac guttur, humiditatis videlicet abundantia, itemque eorum qui plurimo olei potu utantur. Atque illi quidem frequentibus intensisque clamoribus, atque arteriæ asperitate vocem quoque inæqualem habere putantur. Gruibus verò, atque ijs omnibus volucris, quibus aspera vox fit, arteriæ à natura totæ asperæ datæ sunt. Post verò pubertatis annum hirci pueri desinunt, quia aspera arteria tota planèq; dilatatur, ac naturalem æqualitatem accipit.

## Cxxvi.

*Cure potum oleum ciet vomitum, maximeque flaua bilis?*

Quia cum leue sit, quodque ad supera feratur, nutrimenta ad stomachum prouocat eaque eleuat, atque suspēdit. Atque ita ingranatus stomachus eiectionem virutem ad vomitum citat, atque in primis flauam bilem, quippe quæ & lenis & subtilium

hum sit partium, atq; ita facilius sursum feratur. Ferri verò oleum sursum re ipsa patet. Cùm enim humido cuiuspiam admiscetur, superiorem in locum excurrit.

## Cxxvii.

*Cur solum oleum minimè humidè admiscetur?*

Quia cum lentum sit atq; in semetipso constipatū secari in partes indiuiduas, atque eo pacto reliquis humidis admisceri non potest, quamobrem, neque cum in humum funditur, citò eam subit.

## Cxxviii.

*Cur oleum quidem atque aqua frigore confringitur, vinum vero acetum & garus minimè?*

Quia cum oleum qualitatis sit expers, confusioneque idoneum, citò friget, atque ita vehementer, vt extrema quoque frigiditate frigeat. Aqua verò sua sponte frigida faciliè cum semetipsa frigidior sit congelascit. Garus autem, vtpote subtilium partium & calidus haud citò friget. Eodemq; modo & vinum. At acetum, vtpote subtilissimarū partium, congelationem non tolerat.

## Cxxix.

*Cur contraria qualitatibus idem efficiunt?*

*Afrigidior*



A frigido enim pariter atque à calido humidum constringitur: nix enim & ius frigiditate congelascunt: cataplasinata verò, & vesicæ calculi caliditate. Fit quidem id, sed diuersa actione. Calidum enim depascitur, consumitq; humiditatis copiam. Frigidum verò densitate nimia obturans sordidam humiditatē exprimit, quemadmodum & spongia manu pressa, quam intra meatus aquam habet, abiecit.

## CXXX.

*Cur saepe horror cessauit, cum quid formidolosum incidit, ut fragor quē is audierit qui laborat, ut cum repentina aqua deiicitur.*

Quoniam saepenumero humoribus tempore digestis, atque attenuatis naturalis omnis calor vehementer simul ac repente à cute in corporis intima fugiens, morbificum humorem consumens resoluit. Idem & theriaca facit, eorūmq; quā plurima, quæ calida siccaque sunt specie, cum post concoctionem sumuntur.

## CXXXI.

*Cur qui se circumagunt, neque id agere tamen consueuerunt, ut plurimum decidere solent?*

Quia animale spiritum, qui sit in cerebro cōturbari cogūt, cūque humiditatibus ymā conuoluit. Is deinde cū minus idoneus

idoneus ad animalem vim suscipiendam :  
 sensitiuam videlicet atque motiuam effi-  
 ciatur, nō finit actionem in musculos uer-  
 uosque permanere. Quo fit, vt corporis  
 pondus, vt quod neque vehatur, neque su-  
 stentetur ab anima feratur ad terram, ad  
 quam vergit: proptérque id ipsum & tene-  
 bras vident, quoniam videndi spiritus con-  
 turbatus sit, neq; pariter atq; sensus reliqui  
 operetur. At his qui sensum circumagi cō-  
 suerūt, rarò id accidit. Facit enim cōsuetu-  
 do, ne quasi peregrinæ inter se sint anima  
 atque natura, sed tempore quoadmodò  
 cōcilientur: quod enim paulatim cōtinen-  
 térq; fit, sensum latet: atque vbi plurimum  
 euasit, iam non vt peregrinum, in ea inci-  
 dit, quæ eam suscipere consueuerunt.

## CXXXII.

*Cur vitrea specula valde splendens?*

Quoniam albo plumbo intrinsecus li-  
 niatur cuius natura lucida est, quæ cum vi-  
 tro, quod & ipsum splendidum est admi-  
 sceatur, multò magis lucet, suosq; radios  
 per vitri meatus transmittens, duplicat q;  
 in superficie atq; extra vitri corpus est, at-  
 que inde magnopere fit lucidum.

## CXXXIII.

*Cur in speculis, inq; perspicuis aquis nos ipsos  
 videmus?*

Quoniam

# PROBLEMATATA. 273

Quoniam qualitas aspectus ad splendida corpora migrans ex reflexione rursus per oculorum radios ad suipfius spectaculum remigrat. Migrare autem qualitates á facie, neque esse id absurdum, & ij ostendunt qui iuxta arbores manent, quodd viridi aspectu esse consuerunt. Viridis enim qualitas, viridium foliorum ad ipsam faciem demigrat. Similiter & in aquam fluentem migrans, eam quoque viridem ostendit.

## CXXXIII.

*Cur pura spelunca, & altissima loca atque pura vocis imaginem gignunt ac remittunt?*

Quia & hæc quoque loca ex reflexione ictum remittentia soni imaginem edunt. Verberat enim vox aërem, aër verò locū qui quo magis verberatur, eò magis verberat, eoque vehementiorem vocis efficit sonum. Humida verò loca, & veluti molliora, ictui cedētia, eumque resoluētia, imaginem minimè edunt, pro qualitate autem & quantitate ictus ac vocis redditur qualitas, quantitasque eius imaginis quæ Echo appellatur. Hanc prauè nonnulli deam quandam esse fabulantur: alij panā dicunt eius amore captum, quod proculdubio falsum est. Vir enim quidam sapiens fuit, qui primus & cupit, & peruestigauit eius



causam vocis intelligere: atq; vt qui amant  
neque potiuntur iniquo animo ferunt, eodē  
& ille pacto, donec eius solutionem causae  
inuenit, ægrè habebat. Quemadmodum &  
Endymion qui primus Lunæ cursum inue-  
nit, vigilas noctes, eiusq; cursum animad-  
uertens, & motū inquirens interdū dor-  
miebat. Fabulantur igitur amatum esse à  
Luna, eamque ad ipsum dormientem ac-  
cessisse, quia sui ipsius causae solutionē phi-  
losopho quasi tradidit. Quin & pastorem  
fuisse tradunt, quod in desertis puris, atque  
altis locis eius motū suspiciebat. Et ei com-  
pactam fistulam tribuunt, quod loca edita  
vt plurimum perflantur, vel quod figura-  
rum consonantiam inquirebat, Similitér-  
que Prometheus cū sapiens esset syderē-  
æque aquilæ causam peruestigaret, natu-  
ramque eius ac situm, cūque discēdi cu-  
piditate veluti exederetur, tum demum  
quieuit, cū ei Hercules dubitationem  
omnem sua sapientia soluit.

## CXXXV.

*Cur aqua flans, quæ in superficie, non autem  
in profundo terra sit, lapide per eā iacto, multos  
circulos efficit?*

Quia iactus eius intentione à quauis  
sui corporis parte procul aquam lapis per-  
sequitur, atque ita circulus fit, quousque  
videlicet

videlicet pertinet iactus descensio. Quod si immodica sit intentio, & circulus maior sit, descendens autem vsque ad terram lapis ipsamque deinceps aquam corpore trahens, multos meritò circulos efficit. Primò enim superficiem aquæ mouens diducit, tum per ipsam perpetuò descendens ad profundum, rursus diuidens aquam & alium efficit circulum. Atque hoc per successionem fit, donec lapis constiterit, ac requieuerit. Quoniam verò lapidis intensio eo descendente paulatim remittitur, necesse est posteriorem quemque circulum priori cōtractionem esse, quoniam & à lapide similiter ictu ipso aqua diuiditur.

## Cxxxvi.

*Cur risum multi è liene oriri putant, asserentes non similiter risu videri affectos quibus lien vitiat, ut quibus integer sit, imò verò illos magno pere tristes esse.*

Equidem ex accidenti arbitror non propriè risus causam in liene consistere. Nam si valeat trahit ex iecore fæcosum omnem & melancholicum humorem: quo fit, ut purus defæcatúsque sanguis cum per vniuersum corpus, tum in cerebrum permeet, naturam simul animamque oblectet, atque instar vini eas exhilaret, & in tranquillitatem ducat, atque ita risus ab ea moueatur.

## CxxxVII.

*Cur mula non parit?*

Quia è diuersa animantium specie constitutum differentium qualitate & natura seminum immixtio aliud quiddam gignens, præter id quod est prius, & eorum quæ genuerit naturam abolet. Quemadmodum & candidi nigrique admixtio extremorum colorem abolens, colorem alium, qui est fuscus, generat, qui nihil extremorum omnino est. Generatrix igitur qualitas abolita est, & formarum aptitudo.

## CxxxVIII.

*Cur qui natura surdi, iidem & muti?*

Quoniam, quæ non audierunt, dicere exprimeréque non possunt. Quidam verò medicorum dicunt vnâ esse neruorum coniugationem, quæ ad linguam, quæque ad aures pertineat: quo fit, vt affectuum quoque consensus iis accadat: Qui autem ex accidenti sunt muti, surdi omnino non sunt: localis enim oritur neruorum passio

## Cxxxix.

*Cur qui ieiuni diutius fuere, sumpto mox cibo rigent?*

Quia cibi sumendi interuallo, bile redundant, atque ita acidum humorem coaceruant. Post cibum igitur particula illæ corporis refotæ bilem ab se in cutem abigunt



gunt, atque ita rigor oritur, bile videlicet particulas ipsas mordicante, atque ad se persequendum excitante.

## CXL.

*Cur sues sursum spectantes, silent cum bati-*  
*lantur?*

Quia supra cetera bruta ad humum semper vergunt. Foetore enim delectantur, etumque requirunt. Ergo in repentina illa aspectus mutatione veluti peregrinae sunt atque hospites, plurimoque lumine attonitae silentium perferunt. Quidam dicunt asperam arteriam, quae angusto meatu sit, resupina ipsa figura coire.

## CXLI.

*Cur sues fimo delectantur?*

Medicorum quidem sententia eo naturaliter delectantur: habent enim maximum iecur, in quo & cupiditas inest. Aristoteles autem rostri amplitudinem in causa esse putat: habet enim resoluentem sese olfactum, & oium foetore veluti confligentem.

## CXLII.

*Cur convalescentibus ulceribus, & pituita-  
te cassante pruritus oriuntur?*

Quia sanata & consolidata pars reliquias persequitur humoris, qui contraturam inest, quique vlcus effecerat.

atque ita per cutem exiens, seseque resolvens pruritus efficit.

## CXLIII.

*Cur qui affectus alteram tantum oculum infestant, grauiiores diuturnioresque sunt?*

Duabus causis, quoniam fluxio ad unum oculum tantum coaceruatur: quicquid enim in plura diducitur, fit seipso imbecillius minusque agit, quodque id magis fit, eo inefficacius euadit. Vel quia cum sese sanus oculus in suis actionibus mouet, & ægrotum oculum toties moueri cogit: scimus autem maximum cuiusvis ægrotæ partis medicamentum in quiete ipsa consistere.

## CXLIIII.

*Carbo magis frequentiusque & vehementius, quam bruta sternuit;*

Quia copiosiori magisque vario alimento, potiusque, idque ultra satietatem vitur, quod cum minimè concoquat, ut par est multum congregat spiritum, ob mutam humiditatem: is ergo, vnpote subtilis ad cerebrum ascendens, cogit frequenter ad excretionem excitari, sternutamētumque efficit. Sonus igitur fit, quia per narium angustias vehemens spiritus meat, ut per sedem ventris crepitus, per stomachum ructus, per guttur vox, per aures sonitus, si-

nulli

militerque per intestina immurmuratio illa, quæ borborygmus appellatur.

CXLV.

*Cur mortuorum capilli vnguesque ad tempus aliquod augentur?*

Quia marcente carne, quæ partes circa eorum radices occuluntur, nunc apparent atque decipiunt, imaginationemque afferunt quasi creuerint. Alij re vera dicunt augeri, quia hæc ab extremæ ortum habere soleant. Cadauera autem in excrementa quàm plurima à principio propter accedentem putredinem resoluuntur: hæc autem & per meatus & per corporis extrema vnà cum copore ipso exeuntia supradictorum ortum adaugent.

CXLVI.

*Cur in digitis manuum potius quàm in pedibus vitiliginum species ea, quas leucas vocant, oriuntur, puerisque magis quàm perfectis?*

Quia ortum ex pituitæ excremento habent. Pituita autem pueri, vtpote edaces ac pigriores, magis abundat. Pedum verò vngues motu deambulationeque magis exercentur, excrementaque resoluunt.

CXLVII.

*Cur pili in pedibus haud citò canescunt?*

Eadem ratione. Pedes enim frequentè intensaque ambulatione quod in se de-

S e cur



currenit pituitatis excremētum resoluunt :  
id autem canos gignit. Pubes autem & ip-  
sa serò canescit, quia natura calida est, at-  
que in coitu pituitam resoluit.

## CXLVIII.

*Cur quāplurima animantia caudas motant,  
cūm nos agnoscunt, leo verò etiam latus ver-  
berat, cūm irascitur, eodēque modo taurus ?*

Quia tergi medullam ad caudam vsque  
pertinentem habent, quæ in se motiuam  
animalēque vim continet. Anima igitur  
quod sibi notum est agnoscens, veluti ma-  
nu aliqua, vt in hominibus euenit, caudam  
motare cogit, quæ manifestò ostendat e-  
ius intra se vim occultā inesse, quæ quod  
oportet agnoscat. In leonum verò, ac tau-  
rorum excandescētia, consentit natura  
animæ, eāmque vehementius moueri co-  
git, quemadmodum & homines manus  
ipsi suas, aliā ve corporis partem sæpe ira  
tiverberant. Cūm enim nequeat anima  
quod se lædat vlceri, statim alio sibi mo-  
do solatium excogitat, suūque affectum  
ictu percussioneque curat.

## CXLIX.

*Cur si exusta & sicca hordea vlcerebus equo-  
rum imponantur, non iam albus cicatricibus spi-  
lus, sed reliquo eoneolor inuascitur ?*

Quia eiciendi vim habent, abster-  
gunt

Suntque & resoluunt insidens pituitatis excrementum, atque inutilem omnem operationem, quæ propter vlceris cruditatem, propterque eius partis imbecillitatem coacta fuerit.

CL.

*Cur in hominum vlceribus pilus haudquam innascitur?*

Quia hominum cutis spissa est, argumentum pilorum tenuitas ac mollicies. Cum verò cicatrix cute ipsa sit cōspissatior, meatus occæcat. Equis autem quod ad comparationem pertineat, rarior est argumento crassior pilus, quapropter minimè iis meatus totus in cicatricem occluditur. Subfidentia verò & congregata excrementa, cum per tenues illos meatus, qui supersunt erumpant, concrefcunt, & pilum gignunt.

CLI.

*Cur quos diſſas momorderit, ſiti que ſint intollerabili affecti, eis epota theriaca (qua ſicca calida que eſt) ſitim ſedat, non autem magis incendit?*

Dico igitur, non qualitatibus ratione ſitim ſedari: ſed mutuo quodam conſenſu ac ratione naturali. Id eſt huiusmodi antidotus quæ plurimis ex herbis cōponitur, quæ conſenſum aliquem cum ſingulis corporis partibus habent, velut dictamū. proprie

prietatem quandam aduersus cor habet, ipsūque confirmat, & seruat: cupatorium verò cum iecore, scolopendrium cum lie-  
ne, petroselinum cum ventris orificio, hyf-  
sopus verò cum septo & cum pulmone, helemum verò cum renibus, ruta cum collo, gentiana cum cerebro, fefeli autem cum vesica vrinæ. Vnumquodque igitur horum mellis dulcedine allectum trahit quod sibi proprium ad tutelam est. Inter quæ omnia sunt & viperarū immixtæ carnes, quæ naturalem quendā mutuū affectum habent, quā antipathiam dicunt: aduersus quoduis venenosum animal corruptibilēque virtutem. In singulas igitur partes distributa affectum illum qui corruptionem minetur agere non sinunt.

Repugnant enim ceu legitimi  
quidam milites, qui pro  
sua ipsorum patria  
arma cepe-  
rint.

(.)

ADDL



# ADDIDIMVS HVC EX PLVTARCHI PRO-

## BLEMATIS SELECTI-

ora quædam, simul vt hæc no-  
stra vndiquaque copiosiora  
essent, simul ne tot pa-  
ginæ nobis va-

ca-  
rent.

*Quid est quòd Luperci canem immolant?*



Vperci autem sunt, qui  
Lupercalibus per lasciui-  
am discurrentes pellibus  
obuios cædunt. An quòd  
genus quoddam lustrã-  
dæ ciuitatis est, & quo  
mense illa fiunt, Februa-  
rius dicitur, & diem quo

pellibus occurrentes verberant, Februarum  
& Februarium vocant, quo verbo purgatio  
significatur? Cane autem omnino, vt ita di-  
cam, Græci utebantur: & multi etiam nunc  
in purgationibus canem iugulant. Proser-  
pinæ quoque catulos cum cæteris purga-  
mentis efferunt, & eos qui expiandi sunt ca-  
tulis expurgant, hoc piaculi genus *κυλακίσμων*, id est circuncatulationem ap-  
pellantes. An quòd lycos, lupus Latinè di-  
citur, *λυκίσκ* verò Lupercalia, & lupo canis  
est

est hostis, & idcirco, Lupercalibus ceditur? An quodd Lupercis canes oblatrantes molesti sunt? An quia Pani sacrificium facit: Pani autem (propter greges) amicus est canis?

*Quid est quodd Septimontio vehiculis iunctis vii cauebant, & nunc etiam qui vetera non cõ-  
temnunt cauens?*

Septimontium verò diem festum agunt Romani, quodd cùm septimus collis vrbi attributus est, septicollis Roma facta est. An vt quidã Latini accipiunt, quodd vrbs nõdum suis partibus penitus coniuncta erat? An hoc quiddẽ ad Dionysium est? Magna vorò re effecta, cõstituta ciuitate, quodd vr-  
bem iam augeri, & quasi vltcrius progredi  
desijsse exultarent, cùm seiplos, tum ve-  
rò iumenta, quibus fuerant vsi, quieti affe-  
cerunt, & cõmuni festi otio frui voluerũt.  
An quodd cum omnes dies festos ciuium  
præsẽtia ornari ac celebrari semper volu-  
erunt, tum illum præcipuẽ, qui propter ci-  
uitatis habitationem ageretur? Quapropter  
ne vrbeni, cuius dies festus ageretur re-  
linquerint, eo die vehiculis vti permissum  
non est.

*Cur in furro, aut eiusmodi aliquo flagitio de-  
prehensos, furciferos appellant?*

An hoc quoq; maiorum nostrorũ dili-  
gentiæ

gentiæ certissimum signum est? Nam qui seruum alicuius sceleris aut improbitatis conuicisset, duplex lignū, quod currui subiicit attollere iubebat, & vt conspiceretur viciniam obire, vt fidē in posterū ei non haberent, & ab eo cauerent. Hoc lignū Græci *ταυρόν*, Latini furcam nominant à qua furcifer denominatus est.

*Quid est, quod bovi qui cornu petat, fœnum in cornu apponunt, vt occurrentes caueant?*

An quia propter repletionem ac satietatem, insolescunt, & boues, & equi, & affini, & homines, vt ait Sopholces? Tu verò ferues, quasi pullus cibi copia? venter enim tuus & malè insolescit. Et quod Romani M. Crassum fœnum in cornu habere dictitauerunt, & qui ceteros in Republica lacerebant, hunc tanquam munitum ac prouidum, & iniuriam persequentissimum fugiebant, quanquam postea rursus dictum est, Cæsarem Crasso fœnum detraxisse. Primus enim illi in

Republica restitit Cæ-

sar, & eum con-

tempfit.

(:)

FINIS.













